

# بھاگ سہاگ فریدؒ

(حضرت خواجہ غلام فریدؒ دیاں چونویاں کافیاں دی تشریح)

جوڑٹھہا

خالد اقبال

ناشر: سجاک ادبی سنگت شادان لُنڈ ضلع دیرہ غازیخان



# سبھے حق لکھاری ہتھ ہتھیکے ہن

ناں کتاب

بھاگ سہاگ فرید  
(حضرت خواجہ غلام فرید دیاں  
چونویاں کافیاں دی تشریح)

مرتب:

خالد اقبال

مقام اشاعت

ملتان شریف

کمپوزنگ

شبیر بلوچ

سوہنپ

شاہد دھریجہ

سن اشاعت

۲۰۰۶ء

تعداد

۴۰۰

قیمت

۱۰۰ روپے

ناشر:

سجاک ادبی سنگت شادان لئبڈ ضلع دیرہ غازیخان

## انتساب

خواجہ فرید دی  
فکری سُنجان تے پرکھ سانگے  
کم کرن آ لے  
سبھے لوکیں دے ناں



## تذکرہ

تہیند	سرنا نواں	کافی نمبر	لکھاری	پناں نمبر
1	بھاگ سہاگ فرید		خالد اقبال	6
2	بھاگ بھریا کم		محبوب تابش	9
3	ساڈے نال سدا توں وس پیا	10	ڈاکٹر انوار احمد	11
4	ٹو بھا بنواڈے	196	مجاہد جتوئی	15
5	اجھو مارو ملیو	169	انتیاز فریدی	19
6	بے صورت صورت اولے	181	رفعت عباس	23
7	اج فال فراق ڈسیندی ہے	163	رفعت عباس	27
8	آچٹوں رل یار	167	شمیم عارف قریشی	31
9	پردیسی یار اوپور دی گھلے	183	محبوب تابش	35
10	سانول موڑ مہاراں	97	حمید الفت ملغانی	38
11	ایہاریت سکھی ہئی	92	مختار علی شاہ	42
12	ہن بٹھی فرید اشادول	251	ارشاد ملتانی	47
13	رت روندیں عمر نہیساں	113	شمیم عارف قریشی	49
14	ہک ہے، ہک ہے، ہک ہے	268	شمیم عارف قریشی	52
15	سوئے یار باجھوں	236	جاوید چانڈیو	55

16	روہی وٹھری ٹو بھاتا روے	222	ظہور احمد دھریجہ	64
17	عشق اولڑی پیڑ وو	214	مختار علی شاہ	66
18	ویندیں ول کیچ وو پنل	138	محمد اسلم رسولپوری	68
19	نازک ناز و جٹیاں	2	مزل حسین	72
20	جڈاں جایم پا کر جھولی	199	محمد اسماعیل احمدانی	80
21	صبح صادق صاحبی مانے	9	جاوید چانڈیو	85
22	شہرا، ننھا البیلا	238	اسلم انصاری	92
23	رتھ دھیمیں دھیمیں ٹور	47	اسلم انصاری	96
24	اتھاں میں مٹھری	22	محمد اسلم میتلا	101
25	ہے ہے یار برو چل	21	محمد اسلم میتلا	105
26	اساں کنوں دل چایو وے یار	33	ڈاکٹر اشوالال	109
27	کیا حال سناواں دل دا	15	مختار علی شاہ	114
28	ایک کافی کے مطالعہ سے		ڈاکٹر مختار ظفر	118
29	بن دلبر شکل جہان آیا	3	محمد اجمل مہار	120
30	قسم خدادی قسم نبی دی	4	محمد اجمل مہار	123



## بھاگ سہاگ فرید

اجو کے دور وچ جڈاں جو نظریات تے مختلف فلسفیاں دی گالھ تھیندی پئی اے ورتاوے دی نویں ٹیکنالوجی اتے سائنس دیاں ایجادات نے جتھاں دنیا کوں ہک **Global Village** دی شکل ڈے ڈتی اے، اُتھاں سوچ، عمل، ورتارے، روایاں، سلامتی اتے امن بارے اقوامِ عالم دے سامنے نت نویں سوال وی رکھ دتے۔

قدیم تہذیب رکھن والیاں اقوام اپنے آپ کوں اپنیاں لوک روایات تے دھرتی دے رشتیاں وچوں، اپنے کلچر وچوں ڈیکھن داتن مریندیاں پٹن، سرائیکی ڈیس وسیب (روہ، روہی، تھل، دمان) اپنیاں مضبوط تہذیبی، تاریخی، ثقافتی خصوصیات پاروں ہر لحاظ نال منفرد اتے نمایاں حیثیت دا حامل ہے ایں پاروں جو سرائیکی وسیب دیاں لوک روایات بہوں مضبوط ہن ایں وسوں دے بندے نے ایں خطے وچ ہک مثالی حیاتی گزاری ہے تمام تر حملہ آوراں دی لٹ مار دے باوجود ایں قوم دا، زبان دا زندہ رہ وئجن حقیقت وچ تصوف دے رشتے دا معجزہ ہے اِنج جڈاں جو منڈی دی معشیت وچ، نظریات تے خیالات وچ تبدیلی آندی پئی اے نویں ٹیکنالوجی دی وسعت پسندی تے اوندے اثرات ڈسن پئے گئیں۔ انہاں گالھیں دے باوجود حضرت خواجہ غلام فرید ہک علامت دے طور تے بیاوی طاقتور تھی تے سامنے آئے جنہاں اپنی شاعری وچ ویدانت، تصوف، لوک روایات کوں نہ صرف سمیٹے بلکہ اگوںہاں وی کہتے۔ گذریل 20 ویں صدی حضرت خواجہ غلام فرید دی تفہیم اتے تشریح دی صدی رہی اے۔ مختلف علماء، دانشوراں اتے تحقیق کاراں نے جنہاں وچوں مولوی عزیز الرحمن، علامہ طاہر، مولانا نور احمد فریدی، ڈاکٹر مہر عبدالحق، صدیق طاہر، دلشاد کلانچوی اتے بے شمار دانشور ہن۔ انہاں سب لوکاں نے حضرت خواجہ غلام فرید

دی شاعری وچوں عشق، وحدۃ الوجود، لینڈ اسکیپ، تصوف اتے انہاں دی انسان دوستی کوں کافی روایت دے حوالے نال جان دی کوشش کیتی اے تے ہک ویلا اتجھاوی آئے جو حضرت خواجہ غلام فرید تو متی شعور دا حوالہ بن کے سامنے آئے۔

ہُن تھی فریدا شاد ول  
مونجھاں کوں نہ کر یاد ول  
جھوکاں تھیں آباد ول  
ایہا نیں نہ وہی ہک منی

میڈی خوش نصیبی ہے جو میں ریڈیو پاکستان ملتان توں پروڈیوسر دی حیثیت نال ”بھاگ سہاگ فرید“ ناں نال ہک پروگرام کوں ترتیب ڈتا جیندا مقصد خواجہ سیں دے کلام کوں اجو کے ویلے وچوں ڈیکھن کھن دی کوشش ہئی جو 21 ویں صدی وچ خواجہ سیں کوں خراج تحسین دے نال نال خواجہ سیں کوں اِنج دی حیاتی وچ انہاں دی شاعری سا کوں کینویں طاقت ڈے سکدی اے۔

اجو کے عہد وچ جڈاں جو کشمکش، عدم رواداری، تشدد تے تہذیبیاں دے ٹکراؤ جھیں سوالات دا سامنا ہے ایں صورتحال وچ صوفیاء دا کلام وت ہک واری سا کوں ہم آہنگی ڈے سکدے ایں تناظر وچ وسیب دے مختلف دانشوراں دے تعاون نال خواجہ سیں کافیاں بارے گالھ مہاڑ دا سلسلہ جوڑیا گیا انہاں دانشوراں نویں مکالمے، نویں بحث تے اتھ دی حیاتی کوں نویں **Angle** نال ڈیکھن دی کوشش کیتی۔ ریڈیو پروگرام ”بھاگ سہاگ فرید“ دی ایں کاوش کوں وسیب دے لوکاں پسند کیتا تے کجھ دوستاں اے رائے وی ڈتی جو خواجہ سیں دے کم دی نویں تشریح اتے تفہیم اجو کی سماجی تہذیبی حیاتی واسطے نویں احساس دا موجب بنڑا پئے تے ایں کم کوں کٹھا کیتا وئجے۔ ایں کم کوں سترن لکیاں میکوں کجھ دانشور دوستاں دیاں مختلف رسالیاں وچ چھپیاں کافیاں مطالعے وچ آئیاں، جنہاں وچوں کافی سوہنے یار باجھوں، تشریح جاوید چانڈیوسہ ماہی سرائیکی بہاولپور تے کافی 199۔ از۔ محمد



اسماعیل احمدانی، سہ ماہی سرائیکی بہاولپور توں گھدیاں گئیں تے انہاں کوں وی ایس کم وچ شامل کیتا گئے میں اینکوں محض ادبی کم نہیں سمجھدا بلکہ میڈا خیال ہے جو ایہ کم سرائیکی تہذیب ثقافت دی نویں دریافت دے نال نال بنیاں قوماں کوں نویں اکھ نال ڈیکھن دا وسیلہ وی بنسی۔

ساڈی خوش نصیبی ہوسی جو اساں اپنی گذران، اپنی حیاتی، اپنی تاریخ تہذیب، ثقافت کوں صوفی شاعر حضرت خواجہ غلام فرید دیاں کافیاں وچوں ڈیکھوں کیوں جو کافی محض شاعری یا گائیکی دے انداز داناں نہیں بلکہ اے حیاتی دے اظہار داناں وی ہے انسان دا اپنے خالق نال رشتہ، ایس کائنات دے اسرار و رموز تے بندے دا بندے نال تعلق کافی دا موضوع ہے حضرت خواجہ غلام فرید دی سرائیکی کافی اساڈی تہذیب و ثقافت دے صدیاں دے سفر وچ ایس خطے دے لوکاں دے دلاں دی دھڑکن طرح سمائی ہوئی ہے تے ہک روشن منارے وانگوں سرائیکی کافی حیاتی دے استعارے کوں سمجھن وچ معاون ثابت تھئی اے، حضرت خواجہ غلام فرید حیاتی دے اسرار و رموز اساڈے اُتے آشکارا کریندین او حیاتی دے تہہ در تہہ پیچیدہ مسائل کوں بہوں سہولت دے نال کافی وچ بیان کریندن تے ایس گالھ وچ وی کوئی شک نہیں جو حضرت خواجہ غلام فرید دیاں کافیاں دی تشریح اتے تفہیم ہر دور وچ تھیندی رہی اے تے ایہ کتاب وی ہک تسلسل دی واہندہ احصاء ہے تے ایہو خواب ہے جو خواجہ سیں دی کافی دا کلام اسا کوں ہک پھیریں ول جیون دے سکھ سوکھ دا کوئی نواں سنہا ڈے سگدے۔

خالد اقبال

(ریڈیو پاکستان)

## بھاگ بھریا کم

انگریزی دا ہک محاورہ ہے **Pregnant with meaning** جیندا معنی ہے ہر وار پڑھن نال نواں مفہوم ڈیون اصلوں اینویں جینویں پھل آلا کئی ون ہر ت وچ نویں پھل ڈیندے۔ جیکر اساں ایہا گال خواجہ فرید دیاں کافیاں راہیں آکھوں تاں کجھ نئی ترانویں نہ ہوسی ایس پکے دی لوڑھ کوں سمجھیندیں ہوئیں سرائیکی زبان وچ نویں اسلوب دے شاعر تے دانشور سیں خالد اقبال ہوریں خواجہ سیں دیاں کافیاں کوں اجوکے ویلھے دی کہیں جھال اچوں ڈیکھن، سمجھن، جانن تے پرکھن دی اہر سانگے وکھو وکھ فرید سنان لوکیں دے کم کوں کٹھا کرتے ”بھاگ بھریا کم“ دے نال کتابی صورت پیش کیتے۔

اتجھے ویلھے بھوئیں دے ٹوٹے تیں گھٹو گھٹ چھی ہزار علاقائی زباناں و سداں رسدیاں ہن۔ زبانیں دے ایس اجڑ وچ سرائیکی اپنی ماء بولی کوں کینویں کینویں سنبھلیندے پلیندے پین اے کہانی چسولی وی ہے تے ڈکھی وی چسولی ایس جو کہیں وی ونکی دی سرکاری تے غیر سرکاری اگوانی باجھ ایندا پندھنت اگوںہاں ہے۔

ڈکھی ایس ہے جو اینکوں غیریں دے نال نال اینیں دے دروہ تے زلھہ وی بھوگئے پوندے پین پر کجھ فقیر جیرھے ناں نموز تے سستی مشہوری کنوں اکا پریں ہن اپنے پورھے، اپنی رت تے حق حلال دے رزق اچوں ایندا بھانگاں رکھدے، آندن جیں پاروں سا کوں، آون آلے ویلھے وچ ایس زبان تے ادب دے ودھارے سانگے حالات چنگائی آلے پاسے ویندے ڈسدن۔

خالد اقبال کافیاں دی ایس تفہیمی چون نال چھڑانہ سرائیکی زبان و ادب دی خدمت کیتی



ہے بھل اے سبھ کم تاں بی اے تے ایم اے سرائیکی دے طابعیں دیاں نصابی لوڑھاں  
وی پوریاں کریندے۔ اج ساکوں اتجھے کم دی ودھ لوڑھ ہے اللہ کرے مینہ دی ایس پہلی کئی  
کوں ڈیکھنھیں دا حوصلہ ودھے تے او، وی ادب دے تے لوکیں سانگے دھوبول کے آون  
میڈے واسطے سعادت دی گال ہے جو ایس بھاگ بھرے کم وچ میں خالد اقبال دے نال  
نال رہ گیاں تے چھیکو ایندے چھین دا ثواب وی ساڈی سنگت دے بھانگے وچ آئے۔  
جے اللہ لگی گال کرتے تاں سچ ایہو ہے اے سبھ خالد اقبال دی پورہیت طبیعت، خلوص،  
ایمانداری تے سرائیکی زبان و ادب نال محبت پاروں ممکن تھئے۔

محبوب تابش

جھوک سرائیکی

دولت دروازہ ملتان شریف

۲۵ مئی ۲۰۰۶ء

کافی نمبر: 10

ص نمبر: 25

ڈاکٹر انوار احمد

ساڈے نال سدا توں وس پیا  
سر وچ درد، دماغ خماری  
جیڑے جھورے دل آزاری  
بے پت دی بے پتڑی یاری  
پہلوں لٹ لٹوا دل ساری  
ہجر سوا کئی سود نہ پاپیم  
نتاں کیٹم، سیس نوایم  
پیش کیتا جیں فہم، فکر کوں  
کر کر شکر، نہ ڈٹوس سر کوں  
لاٹے پھوگ فرید، سہیساں  
گرڑی تے وچ جھوکاں لیساں  
وس، ہس رس وٹری کھس پیا  
ٹیلے رتڑے، ہنجر وں جاری  
تن سولاں دے وس پیا  
ظلم اندھاری، بے نرواری  
پچھیں چوری، نس پیا  
چوٹیاں کھٹم، حال ونچایم  
نک گھر ڑیندیں، گس پیا  
لیت لعل دی ار کھر کوں  
عشق دی راہ ایچ پھس پیا  
سٹ گھر بار تے بار وسیساں  
اچکل ٹوبھا، وس پیا

خواجہ فریدؒ سیس دی اصل عظمت ایس گالھ وچ ہے کہ انہاں نے ایس پورے  
خطے دے اندر جو محرومیاں، ہن خوشیاں، ہن اتھاں Nature جو لوکاں دے نال  
کریندی ہے مختلف طرحاں دے رنگ روپ ڈکھیندی ہے اتے لوک جو  
Nature توں توقعات رکھیندن اوندے بارے وی ول سب توں ودھ ایہہ جوہک  
خاص صنف جیندے اندر غنائیت وی موجود ہے انہاں نے (خواجہ سیس) ایندے وچ



خاص اضافے وی کیتن، ذخیرۃ الفاظ دے حوالے نال وی اساں سمجھدے ہیں کہ سرائیکی زبان نے جے کوئی وڈا ذخیرۃ الفاظ حاصل کیتے تاں او خواجہ سنیں دی ذات توں کیتے۔ انہاں دیاں کجھ کافیاں اتجھیاں ہن جیڑھیاں ہر بندے دی زبان اُتے ہن۔ کجھ لوکاں نے انہاں دے اشعار دی خاص طرحاں دے نال تشریح کیتی اے۔ انہاں دی شاعری وچ ہک مذہبی حوالہ وی ہے تصوف دا حوالہ وی ہے اتے خاص او حوالہ وی ہے جو کجھ کافیاں ہک خاص ردھم دی وجہ نال شہرت رکھیندن۔ مگر میں سمجھداں کہ خواجہ سنیں اوں روایت دے شعراء وچوں ہن جنہاں نے عاشق دے نسائی قالب کوں اہمیت ڏتی اے۔ عورت ساڈے ایس خطے وچ، ایس کلچر دے وچ اوندی جو داخلی محسوسات ہن، اپنیاں کجھ محرومیاں دی وجہ نال، دوریاں دی وجہ نال، اظہار وچ بعض ڳالھیں نی آسگدیاں اُتے کجھ اتجھا کہ اوں روایت دے وچ ساڈے بہوں سارے شاعراں نے اپنے آپ کوں عاشق بنائے اتے تربیت دے روپ وچ بٹائے ایس پاروں اساں ڏیہدے ہیں خواجہ سنیں دی ہک کافی ہے:

ساڈے نال سدا توں وس پیا

ہس رس دل کھس پیا

ایہہ پوری کافی ہے جیڑھی جو ہک خاص فضا بنیدی ہے جیندے وچ ہک خاص کیفیت ہے او کیفیت اے ہے کہ جیڑھا انسانی محبت دا حقیقی جذبہ ہے او جذبہ نہ صرف انسان دے ساڈے تعلق کوں قائم کریندے بلکہ مختلف اوندے رنگ روپ ڏکھیندے ایندے وچ کہیں ویلھے تاں ہک خود سپردگی دی کیفیت ہے اُتے اوندے وچ ہک طلب وی ہے دعوت وی ہے۔ اُتے نال نال مختلف معانی جیڑھے بندے دی ذات اُتے منکشف تھیندن، جینویں جینویں تبدیلی آندی ہے اونداسارا اظہار ایس انداز دے نال ایس کافی وچ ذکر ہے میکوں تاں ایس پاروں ایہہ کافی ہک ڈرامے دے مناظر وانگوں اپنے قریب لگدی ہے جیندے وچ کہیں ویلھے اینویں محسوس

تھیندے جو ایس کافی وچ کھل ہس، امنگ ترنگ دی ڳالھ ہے خوشی دی ڳالھ کیونکہ ساڈے پاسے عشق دانناں آندے ای ایہہ سمجھیا ویندے جو عشق ڏاڈھی اوکھی منزل ہے تے عشق محض سول ڏکھ درد دانناں ہے ایندا کوئی پہلو وصال والا کوئینی اساں ایس کافی وچ عشق وچ وچھوڑے توں ہٹ کے فضا ڏیہدے ہیں۔ میں جینویں پہلے ذکر کیتے ساڈے ویسی کلچر وچ تربیت اپنے جذبات دا اظہار نی کر سگدی حالانکہ محبت کرن دی اہلیت تربیت رکھدی ہے مرد دے مقابلے وچ، چنانچہ خواجہ سنیں نے تربیت دے لب و لہجے وچ تربیت دی ذات کوں سامنے رکھیندے ہوئے اوندیاں مختلف کیفیات کوں سامنے رکھیئے تے ول اوندے مختلف چیزاں کوں سامنے رکھیئے تے اپنے آپ کوں اتجھے رنگ دے وچ گھن آئیں کہ طلب دے جذبے دے تحت محبوب نال تعلق ایس کافی وچ ودھدا ڏسدے، طلب دی راہ وچ بھانویں جو مشکلات پیش آندین مگر ایس طلب دی رات وچ خواجہ سنیں نے ڏسائے جو کوئی وی بندہ اللہ سوہنے نال محبت کر ای نہیں سگدا جیڑھا بندیاں نال محبت کرن دی اہلیت نی رکھدا۔ جیڑھا بندہ فطرت دیاں رمزاں کوں نہ جاندا ہووے، او تخلیق کرن آ لے دیاں رمزاں کیا جھسی؟

جئیں مختلف بدلاں دے رنگ نی ڏٹھے، جئیں بھونئیں اُتے تریہہ نی ڏٹھی، جئیں بھونئیں کوں سیراب تھیندے نی ڏٹھا اُتے طلب کوں نی چانیاں سمجھیا، Nature دے مظاہر تے جئیں غور نی کیتا او بھلا پوری دھرتی دے نال لوکاں دے نال اُتے تخلیق کار دے نال رشتہ اوندے معنی اوندے اُتے کھل نی سگدے۔ ایس پاروں اساں آکھ سگدے ہیں جو خواجہ فرید سنیں دی عظمت ہے میڈے نزدیک انہاں دیاں بہوں ساریاں کافیاں ہن مگر اتجھیاں کافیاں انہاں دی ہک Reading کرنی چاہیدی ہے جیندے وچ انہاں دی ایہہ ہک مختلف چیزاں سامنے آون جیڑھی شاعرانہ صلاحیت ہے او ہک رمی اُتے معاشرے دی مقبول



موضوعات توں ہٹ کے اپنے اوں خاص طرحاں نال حیاتی کوں دیکھن دا اسلوب اپنی Vocabulary اپنا ذخیرہ اپنا لہجہ تے تخلیقی کیفیت اوندی وجہ نال قائم راہندی ہے جیندے وچ ول کجھ ایس اظہار تھیندے جو:

لاہٹے فرید پھوگ سہیساں  
سٹ گھر یار تے ویساں  
کرڑی دے وچ جھوکاں لیساں  
کلہا ٹوبھا وس پیا

ایہہ اونویں ہے جینویں کافی دا آغاز تھیا ہی ہک اُمید آتے امنگ کول تے ایس کافی دا اختتام وی انویں ہے ایس کافی وچ پڑھدے ہوئے لگدے جو ٹوبھا ساڈے اندر وی موجود ہے۔ اوں رشتے آتے تعلق دے خمار وچ وی موجود ہے جیندے ذریعے نال ہک اعتماد ہوندے جو بھانویں ساڈے کول رسمی آسودگی دے حوالے کھسیج و نچن نال اوندے کول (عاشق رسول) ہک طاقت ہوندی ہے جیندے نال او ہک ہی دنیا تخلیق کر سگدے۔ ایس کافی دا ایہہ پہلو استنبھا ہے جیندے پاروں میکوں ایہہ کافی بہوں چنگی لگدی ہے۔

کافی نمبر: 196  
ص نمبر: 193

مجاہد جتوئی

بے رنگ راول دے کیتے  
دل سنگ سانول دے سوا  
سک سکھ سبھو صحی سچ کھسے  
دشمن، بچن ہر ہک ہسے  
کیتو پنل وہ دیر دے  
ڈی کھرے ڈتونی ڈھیر دے  
دلڑی غماں دی بھینٹ ہے  
پر بت جبل چٹ ڈین ہے  
سب آس ہو گئی یاس ہے  
مونس نہیں کوئی پاس ہے  
آرد فرید ایس التجا  
دارد گدا اُمید ہا

روندی وتاں رڑدی وتاں  
سو سول لکھ سٹھٹے سہاں  
ڈکھ رنج ویرھے وچ وے  
ٹوکاں کرم سارا جہاں  
ونج کیچ لایو دیر دے  
سینج بر پھراں سر بھر ڈہاں  
سولاں ڈکھاں داوین ہے  
چاڑھیاں چڑھاں لاہیاں لہاں  
ہر دم اداس ہراس ہے  
ہے دل کہناں دلبر کہاں؟  
رحم بحال بے نوا  
صد گو نہ ز الطاف شہاں

خواجہ غلام فرید دے دیوان وچ کافی نمبر 196, 197, 198 آنجھیاں  
کافیاں ہن جیندے وچ روہی دے ٹوبھے بارے شاعری کیتی گئی ہے۔ میں کافی



نمبر 196 دی کیفیت یا شرح بارے اپنی گالھ اگاں ٹریاں۔ بنیادی طور تے ایس کافی وچ چولستانی ماحول وچ پانی دی ضرورت ہاسنے آندی ہے تے اوندے نال اتھ دے ماحول دی جو منظر کشی خواجہ سیں نے ایس کافی دے راہیں کیتی ہے او بہوں خوبصورت ہے خواجہ سیں آہدن:

ٹوبھا ٹوٹا ڈے پکاڑتاڑتے سندھڑ و دور اُتاڑتے  
صبح سہوریں گھبکن ٹیاں جو پھڑ دے اگواڑتے  
روہی راہوے روہیں دھماں ہوک پووے ونج ماڑتے

اساں جنیں ویلھے ایس کافی راہیں ہک منظر نامہ ڈیہدے ہئیں تاں اسا کوں ہک عجیب جھیاں خوبصورت ماحول ڈکھالی ڈیندے کہ جنیں ویلھے پانی آسی تاں پانی دے نال حیاتی دی بالکل شروع تھی ویسی آتے جنیں ویلھے سچ صبا حیں تھیں تاں صبح سہوریں کوں وسدا گھر لوک آبادی ڈسدی ہے۔ کھیر دی رات کوں جاگ لاڈتی بگنی ہئی۔ سویرے اونکوں ولوڑن دا ویلا آگئے تے صبح سہوریں پہلی پہلی آواز جیڑھی کن وچ پوندی ہے اوں کیفیت کوں جے ڈیکھوں تاں:

صبح سہوریں گھبکن ٹیاں  
جو پھڑ دے اگواڑتے

آتے اتھ جتھاں حیاتی اپنی سبھو رنگارنگی نال موجود ہے اتھ ہک اتجھا ٹوبھا ہووے جیندے وچ پانی بہوں زیادہ ہووے تے اوندے آسے پاسے خوشی تے شادمانی دا سامان اتنا زیادہ ہووے:

روہی راہوے روہیں دھماں  
ہوک پووے ونج ماڑتے

یعنی ساری دنیا وچ بھو ای ٹوبھا مشہور ہووے آتے او کیرھی جاہ تے

ہووے:

اُچڑے پڑے سُب ساگر دے  
چڑھیاں پودم پہاڑ تے  
چوٹرفوں ویہہ پانی آوے  
سُوہٹی صاف جھکاڑ تے  
پاک ڈاہر وچ ٹوبھا ماروں  
نہ جھت جھاڑ اُجاڑ تے

یعنی اتنی خوبصورت جاہ ہووے جیندے آسوں پاسوں خوبصورت اُچے پے ہوون انہویں پہاڑ وانگوں ہوون۔ ایس کوں منظر جے اساں Imagin کروں جو روہی ہک اتجھا ٹوبھا ہووے جینکوں ہک رستہ نہ ہووے بلکہ چوٹرفوں ویہہ پانی آوے سُوہٹی جاہ صاف جھکاڑ تے آتے ایس ٹوبھے والی جاہ کوئی آلاش نہ ہووے پانی کوں گدلا کرٹ والی کوئی شے نہ ہووے پانی خاص جھکاڑ والی جاہ تے کٹھا تھیوے۔ ایس کافی وچ خواجہ سیں پاک ڈاہر دی گالھ کرتے سا کوں ہک خاص روحانی کیفیت والے پاسے گھن ویندن۔ اساں پاک ڈاہراو جاہ کوں وی آکھ سیکدوں جتھاں کہ کہیں قسم دی آلودگی نہ ہووے آتے اینکوں اساں صاف دل وی آکھ سیکدے ہئیں۔ یعنی دل ٹوبھے کوں صاف کروں تے ایس دل وچ آپس وچ کوئی نفرتاں جھگڑے جھیر دے نہ ہوون۔ جینکوں خواجہ سیں جھت جھاڑ اُجاڑ پئے آہدن۔ اوندہ مطلب ہے جو اتجھی کیفیت وی نہ ہووے جو ایس ٹوبھے محبت والے ٹوبھے دا پانی سب دا ہووے خواجہ سیں ایس کافی دے بند وچ ہک کشادگی آتے بندے نال بندے دی محبت کوں اس قدر وسیع کریندن جتھوں انہاں دی وسیع القلمی دا اندازہ تھیندے فرمیندن:

روہی واس سھے لڈا ولسن  
اپنیاں جھوکاں ساڑ تے

یعنی او جاہیں جتھاں لوکاں کوں حیاتی دی خوشی آتے جیون دے اسباب سیں



ملدے او انہاں جاپیں کوں ساڑتے ایں ٹو بھے درلڈ آسن۔ یعنی اساں اپنے دل وچ  
اتلا وسعت رکھدے ہیں جو سارے روہی واس ایڈوں اڈوں لڈ آسن تے اساں  
پھلوں ڈھبے تے تھورا چالیسوں تے دینولاڑتے منت چالیسوں یعنی اتھ وسدے  
لوکاں کوں آکھسوں جو آو بابا ایہہ ٹو بھا ایہہ پانی تہاڑا ہے تے تہاڑے کیتے ہے۔ ایہہ  
رب دی ڈتی ڈات ہے اتے ایندے وچ سارے شریک ہوں اتے ٹو بھے دی وجہ نال  
جو منظر بنسی اتے چنورے ہوں اتھ جیڑھی سہاون دی گالھ ہے او پانی تے چھکاؤن دا  
جو فرق ہے او ہوا ی راہن تے سہاون دا فرق ہے۔

کافی نمبر: 169

ص نمبر: 166

انتیاز فریدی

اَجھو مارو ملیو دل نہ ماندی تھی  
سوہے سجھ کوں ساڑتے وچ مِتراندی تھی  
باندی بردی یار دی بر دی باندی تھی  
غیروں اُلفت یار دے ڈاڑی واندی تھی  
نینہ بھیندیں مرگیم پنل کاندھی تھی  
تانگھ فرید کوں آکھدی بر ڈو پاندھی تھی

حضرت خواجہ غلام فرید دی شاعری اپنے معیار دی بنیاد تے آفاقی حیثیت  
رکھیندی اے۔ جیکر موضوعاتی اتارنال ڈیکھوں تاں ہمہ اوست، تصوف، منظر نگاری،  
عشق اتے ہجر و فراق جہیں رنگیں نال بھر پور ہے۔ ہر کافی اپنے موضوع دے اتارنال  
مکمل ہے۔ اتے کلام دا ہک خُسن اے وی ہے جو جیڑھی کافی کوں جتلا واری پڑھو  
اوندی چاشنی اچ وادھا تھیندے ویندا۔

زیر نظر کافی سیں عزیز الرحمن خان، مولانا نور احمد خان فریدی اتے سیں  
جاوید چانڈیو دے مرتبہ دیوانیں اچ 169 نمبر تے درج اے۔ چھوٹی بحردی اے کافی  
روایتی مطلع دی پابندی کنیں آزاد اے۔ کافی دے گل چھی شعر ہن۔ ہر شعر اپنے معنی

آن فرید سہیساں چنورے

شہر بزار اُجاڑتے

ایہہ منظر کجھ ایں طرحاں ڈکھالی ڈیندے یعنی جو شہر بزار دیاں مصنوعی  
رونقاں ہن شہر دی جو چھک تان ہے اونکوں چھوڑتے اتھ صاف پاک سوہنی جاہ دے  
اُتے جتھاں اطمینان ہے سکون ہے حیاتی داسامان ہے لوکیں اندر نفرت کوئے نی  
آپت دی چھک تان کوئے نی، ہوس کوئے نی میں اتھ آوساں۔



ایں شعروچ ہک عاشق صادق دی خواہش! اخبار و فیہ نماے رنگ ایچ  
 کیتا گئے۔ جیڑھا دنیا دار عاشق دے اپنی محبت دے خراج منگن دے انداز کنوں  
 انتہائی مختلف ہے۔ آپ اپنے محبوب کوں منت کریندن جو اے میڈا بے رحم سنگدل  
 محبوب آ میں ساری زندگی تیڈی پیت بھیندیں گزاری ہم اتے ہمیشہ تیڈے وصل  
 دی خواہش کریندا رہ گیاں لیکن توں میکوں میڈی زندگی ایچ نوہیں ملایا۔ ہن میں ایں  
 دنیا کوں چھوڑی دینداں۔ توں آخری وقت ایچ آتے میڈی میت کوں مونڈھاتاں  
 ڈے۔ تاں جو میں دنیا دے ویار کنیں وی بچ پوواں اتے میکوں اپنی محبت دے سچے  
 ہووٹ داوی یقین آونجے۔

کافی دا آخری شعر ملاحظہ فرماؤ:

تانگھ فرید نوں آکھدی

بر ڈو پاندھی تھی

کافی دا آخری شعر اپنے مفہوم دے اعتبار نال کافی دے پہلے چار شعریں نال  
 رلدے۔ ایں وچ خواجہ صاحب فرمیدن جو محبوب کوں ملن دی سک یا منزل تیں بچن  
 دی خواہش اے مطالبہ کریندی اے جو محنت اتے کوشش کوں جاری رکھیوں تاں  
 مطلب حاصل کرن ایچ تھا کوں آسانی تھیں آتے تاں ضرور منزل تیں پہنچو۔  
 المختصر خواجہ فرید عینیں دی اے کافی سا کوں منزل تیں بچن واسطے مسلسل عمل دا  
 درس ڏیندی اے۔ جیڑھا عاشق صادق دا وطیرہ اتے کامیاب زندگی دار اے۔

کافی نمبر: 181

ص نمبر: 178

پروفیسر رفعت عباس

کر ناز آدا گھنڈ کھولے  
 آیا نال صفات کماہی  
 رمز حقائق جوئے  
 سخن اقرب بین وچاوے  
 لفظ انا الحق بولے  
 سارے بھڑے راز کوں پیسی  
 بھج پوسن سبھ بھولے  
 بک جاہن اسرار طریقت  
 کون ایہہ پھولے پھولے؟  
 نہ تھی اوکھی مارو تھل وچ  
 یار پُتل ہے کولے  
 اصلوں حاجت ری نہ کافی

بے صورت، صورت اولے  
 ہر ہر جا وچ رانجھن ماہی  
 سب سر انہد مری واہی  
 وَفِیْ اَنْفُسِکُمْ بھیت بتاوے  
 لَوْ لَیْتُمْ گیت سُنوے  
 جوگنی دل ڈو دھین رکھیں  
 اشنیت گل اٹھ ویسی  
 بک جاہن احکام شریعت  
 تھیوے کی دریافت حقیقت؟  
 نہ رُل ڏکھڑی روہ جبل وچ  
 پھولیں دوش کنار بغل وچ  
 فخر جہاں بک ریت سجھائی



دل جو جو دھم دھام مچائی      تجھے گن گیان سمولے  
رنگ پور دے بن پتھ نیارے      ہک نوں پوڑے ہک نوں تارے  
ہک پیا جیتے ہک پیا ہارے      ٹلے ماسے تولے  
فاش فرید ایہہ وعظ سٹا توں      عالم، جاہل شاہ، گدا کوں  
جے کئی چاہے فقر فنا کوں      اپنے آپ کوں گولے

بے صورت صورت اولے

کر ناز ادا گھنڈ کھولے

صوفی داکم شمس کوں رلاتے ڈیکھن ہے۔ اوہ ہجرتے وچھوڑے وچوں  
وصال تے ملاپ دوں پندھ کریندے۔ خواجہ غلام فرید عیس دی ایہہ کافی دی وحدت  
الوجود دی رمز نال بندے خدا تے کائنات کوں ہک وڈے سانگے وچ جوڑیندی  
اے۔ بے صورتی وچوں صورت وچ آوٹ عین وصال اے۔ جے ایہا گالھ بندے  
اُتے کھل ونجے تے اوہ ہک وڈے مان نال حیاتی کر سگدے۔ اوہ ایس جہان دی  
ازلی تے ابدی سانجھ ہنڈا سگدے۔ صوفیادے نیڑے ایہہ جگ جہان سارا اللہ دی  
ذات دا اپنی صفات دوں پندھ اے تے ہر صورت اوندی کہیں نہ کہیں صفت دی شانہ  
اے۔ اوں توں بنا اتھاں کوئی شے کوئی نی۔ سبھ اوہ آپ اے۔ جڈاں سبھ اوہ آپ ای  
آپ اے تاں وت و تھ کیڑھی شے دی اے۔ تروٹ کیڑھی شے دی اے۔ ایہہ  
وچھوڑا کتھوں پئے دیندے۔ ایہا جاہ اے جتھوں ہک صوفی شاعر الویندے۔

ہک اے ہک اے ہک اے      ہک دی دم دم سک اے  
ہک دے ہر ہر جاوچ دیرے      کیا اُچ اے کیا جھک اے  
جیڑھا ہک کوں ڈو کر جانے      او کافر مشرک اے

اتھاں کافر مشرک دے معنی دی بنی طرحاں تھی کھڑدن۔ ہر اوہ طاقت  
جیڑھی بندے اوندے رب تے اوندی کائنات وچکار و تھ پیدا کرے۔ وچھوڑا گھتے۔

اوہ کافر تے مشرک اے۔ تے جیڑھا اتھاں سبھ کوں عین وصال بنا ڈیوے اوہ عاشق۔  
صوفی دے نزدیک عشق ہی اوہ طاقت اے جیڑھی ملاپ دی موجب اے۔ جینویں  
سچل آہدے:

عاشق تماشہ آ ڈیکھیں

ایں برہا دی بازار دا

جے عشق آغاز تھی ونجے جے عاشق آونجے تاں برہا منکلا دیندی اے۔ ایہا اوہ  
رمز اے جیڑھا ہک صوفی شاعر چاندے۔ کیوں جو صوفی شاعر آپ وی ہک عاشق اے۔  
اوہ محبوب کول پورے ناز نال پوری ادا نال گھنڈ کھلیندا ڈیڈھے۔ تے  
اونکوں پتہ لگدے ایس جہان دی ہک ہک شے وچ اوہ محبوب آپ جلوہ پیا ڈیندے۔

ہر ہر جاوچ رانجھن ماہی      سبھ سر انہد مرلی ماہی

آیا نال صفات کماہی      رمز حقائق بولے

گالھ اینویں اگاں ٹردی پئی اے جو اوہ محبوب رانجھن وانگوں درس و نڈیندا  
پئے اتھاں شاعرانہ ورتارا اے وی ہے جو ایہہ کل جہان ہیر وانگوں اے جتھاں اوہ  
محبوب رانجھن بن تے آگئے۔ وحدت الوجود دنی ایس تند چکھوں وصال دی رمز  
جاگدی ہوئی آپ نظر دی پئی اے۔

اتھاں ہوں سک کوں خبر پوندی اے جو ہک صوفی شاعر کہتے وحدت الوجود اوہ  
رمز اے جیندے نال اوہ ہجر کوں منکلیندے۔ تے وصال دی سک کوں اگونہاں  
کریندے۔ اساں ایس تاریخ دی وابستہ وچ ڈیڈھے ہیں جڈن دی ایہہ جہان کہیں  
ہجر دی ماراچ ہوندے کوئی صوفی شاعر ساڈے سامنے آندے۔ اپنے عشق دی پوری  
تول! چوں اوہ جگ جہان کوں نواں کر کھڑیندے۔ بندے دا بندے نال ترٹیا ہویا  
سانکا پورے ساج دی ترٹ بھج، سیاسی تے سماجی حیاتی دے کلہیپ۔ ایہہ سبھ ہک  
وڈے ہجر دا تانا پٹا ہے۔ ایہا اوہ جاہ اے جتھاں بندہ بہوں وڈی و نڈ دی مارتے اُتے



اپنے رب توں وی پرو بھرا تھی کھڑ دے۔ صوفی شاعر دل بہک پھیریں ایہہ سبھ سارے  
جوڑ ڈیندے۔ اوہ جگ جہن کوں ول بہک پھیریں گنڈھ کھڑیندے۔

نہ رُل ڈکھڑی روہ جبل وچ  
نہ تھی اوکھی مارو تھل وچ  
پہلو دوش کنار بغل وچ  
یار پنل ہے کو لے

صوفی شاعر ایہا تاں خوش کلامی کریندے جو بندے کوں وصال دی خبر  
ڈیندے۔ اونکوں پک ڈویندے جو اوہ کلہا نہیں۔ تے اونکوں کلہا کرٹ تے آکھن  
والے گور آہن تے ایس کاہپ دی اُساری پچھوں انہاں دا اپنا دروہ لکھا ہوئے۔ او  
جہاں کوں کلہا تے بچا کرتے اپنا حکم تے صاحبی مانٹا چاہندن۔ جڈاں جو صوفی اتھاں  
سبھ دی صاحبی دی گالھ کریندے۔ اوہ آہدے اتھاں ہر کوئی صاحب اے تے اونکوں  
صاحب وانگوں جیوٹا چاہیدے۔ ہر کوئی اپنی صاحبی مانٹ سگدے۔ ایہہ دنیا دے وس  
پوٹ دی جہان دے اپنے مان وچ جیوٹ دی گالھ اے حیرتھی فرید کیتی اے۔

فاش فرید اے وعظ سنا توں  
عالم، جاہل، شاہ گدا کوں  
جے کوئی چاہے فقر فن کوں  
اپنے آپ کوں بگو لے

کافی نمبر: 163  
ص نمبر: 160

رو فیر رفعت عباس

متاں یا رکنوں نکھڑی تھی اے  
رنج، الم، غم، سو، سمو لے  
تند ڈنگی ول پیندھی اے  
کچلے اچڑے سرخیاں نکھڑیاں  
لوں لوں وین ولیندھی اے  
بار پھلاں دے خار پے سیجن  
سبھ شے مونجھ ودھیندھی اے  
بانہہ چوہیلی تھیم ڈوباگی  
جندزی مر مر ویندھی اے  
تکڑے بنے، یو۔۔۔ بنسر  
چوہنب کلی چک پیندھی اے  
کیتس بیکس تے ہے واہی

آج دل فراق ڈسیندھی اے  
سختیاں ودھیاں سکھ تھئے تھوے  
چرکھا ڈکھڑی زوں زوں پو لے  
سیندھاں بکڑیاں میندیاں نکھڑیاں  
یاساں ملیاں آساں نکھڑیاں  
تول نہا لیاں دار پے سیجن  
صحن حویلیاں بار پے سیجن  
بھاگ گیا، بدبختی جاگی  
جیندیں نہیکھاں سناول ساگی  
نوٹے کٹن، کڑیاں، نیور  
کٹمالے تھئے ناگ برابر  
نظر نہ آوے رانجھن ماہی



مونجھ منجھاری گل دی پھاہی . صبر آرام وچیندی اے  
 درد کنوں منھ ساوا پیلا . چولا کالا بوچھن نیلا  
 توں بن ساڈا کوچھا حیلہ . ہر گئی سخت اکیندی اے  
 سون شگون سبھے تھئے پھڑپھڑے . وصل وصال دے سانگے تڑپے  
 نین نے بھائے رو رو ہڑپے . وڑی کیس کریندی اے  
 چیتز بہار خزاں ڈسیجے . جھوک سبھو ویران ڈسیجے  
 نہ کئی علم نہ پاں ڈسیجے . روہی ڈین ڈریندی اے  
 یار فریر نہ کھڑ مکھلایا . باری بار ہجر سر آیا  
 سک ساڑیا تے تانگھیں تایا  
 قسمت رودھے ڈیندی اے

انج فال فراق ڈیندی ہے

متاں یار کنوں نکھڑیندی ہے

شاعری وچ وچھوڑے دا بیان ملاپ دی کہیں تانگھ اپوں ای نسر دے۔  
 چھڑا ہجر اپنی جاہ تے کوئی شے نہیں جے تیں ایندے پچھوں وصال دی سک نہ کھڑی  
 ہووے۔ خواجہ سیں دی کافی وچ جیون دی ایہار مزہ ہے جیں تیں اساں پچے ہیں۔  
 انہاں دی کافی تے گزریل سو سال توں کئی پرتاں وچ گالھ اگاں ٹری ہے۔ تے  
 بہوں ساریاں پرتاں وچوں گالھ اگاں ٹری۔ انہاں دی ایس کافی وچوں جیڑھی پرت  
 اساں کھولناں چاہندے ہیں جو انج دی سماجی تہذیبی تے سیاسی حیاتی وچوں بندے دا  
 کھپ اے۔ او کیڑھی گالھ اے جتھوں بندہ کہا تھئے تے روز دے کمیں کاریں داہر  
 شگون اونکوں وچھوڑے دی ڈس پیا ڈیندے۔ اونکوں اینویں لگدے جینویں ہنٹے ہر  
 شے وچھڑ ویسی ہر شے ٹرٹ بچ ویسی۔ اپنے کم تے ہنرتے اوند یقین گھٹدا

ویندے۔ اونکوں اپنی ساری کیتی کرائی آجاہیں لگدی اے تے ہتھوں وانداتھی کے او  
 کہیں وچھوڑے دی مارتے آئے۔ اینویں کیوں لگدے۔ اوندے چرنے دا آلا  
 اونکوں کیا شاندا پیا ڈیندے۔ اوندی ہر تند کیوں ڈنگی پوندی اے۔

سختیاں ودھیاں ڈکھ تھئے تھولے

رنج و الم غم سوز سموں

چرکھا ڈکھڑی روں روں پوے

تند ڈنگی ول پیندی اے

تساں ڈٹھے کینویں فرید ساڈی انج دی حیاتی وچوں پوے۔ پراساں فرید  
 تے کینویں بولیندے پے ہیں۔ اونکوں انج دی حیاتی دی کہیں رمز وچوں ڈیکھن  
 کریندے پے ہیں۔ جے نہیں کریندے پے، و ت فرید ساکوں سمجھنی آوٹاں جے  
 فرید گوں کہیں تقدیس وچ نویاں پرتاں وچوں اساں نہ کھولیا، تاں ساڈی اپنی حیاتی  
 دیاں بہوں ساریاں گنڈھاں کھلن توں رہ ویسن۔

ایہا اوہ جاہے جتھاں ساکوں پتہ لگدے شاعری کہیں وسوں دی حیاتی وچ  
 کینویں جاگ لیندی اے۔ فرید نے ساڈے ہجرتے گالھ کیتی اے۔ او ساڈی انج  
 دی ٹرٹ بچ وچوں پوے۔ او جاندا جیڑھے ویلے کوئی وسوں ہجر دی مارتے آ  
 ونجے ہر شے بکڑی تے پھکڑی تھی ویندی اے۔

سیندھاں بکڑیاں میندیاں پھکڑیاں

لوں لوں وین ولیندی اے

لوں لوں دا اے وین ولاون ہک شاعر ای سن سگدے۔ فرید جیہاں شاعر  
 جیڑھا اپنی شعری حیاتی دے سو سال پچھوں انج دی شاندا وچوں بیاوی اچیرا اے۔ او  
 برہادے ایس سارے دگیر پچھوں ساڈے کیتے ملاپ دی ہک نویں تند جودے۔ او  
 ساڈے کیتے بہارتے جھوکاں دی آبادی چاہندے۔ او چاہندے اساں اپنے نت



تے علم! چوں ہنڈوں تے ساڈا شنیں دے اندرون جاگن دا کوئی پاٹ اجیا نہ ونجے۔  
فرید چاندے جو بک وڈی سانجھ نہ جوی تاں اتھاں کجھ وی سجایا نی تھیوٹاں۔

چیترا بہار خزاں ڈسیجے

جھوک بھی ویراں ڈسیجے

نہ کوئی عم نہ پاٹ ڈسیجے

روہی ڈین ڈین ریندی ہے

تساں ڈٹھے روہی ڈین کیونیں تھی دیندی اے۔ ایہا روہی ساڈی روز دی  
حیاتی اے ساڈی اپنی حیاتی ساکوں کیونیں کھوٹ آندی اے۔ ایس کافی کوں پڑھن یا  
سنن پچھوں اساں بہوں ساریاں گالھیں ولا سوچ سگدے پیں۔ چار پھیر جھات مار  
سگدے۔ تے اساں اینویں کر سگوں تاں اگوں بہوں ساری ڈھارس اے ترسلا  
اے۔ اگوں عشق تے جیوٹ دی بک وڈی رمز اے۔ تے ایس رمز وچوں فرید دی  
بشارت اے۔

روہی لگڑی ہے سانوٹی

ترت ولا ہوت مہاراں

کھڑیاں کھمن رنگیڈیاں

رم جھم بارش باراں

سارے سکھ سہاگڑے

یار معلم آ یاراں

کافی نمبر: 167

ص نمبر: 164

شیم عارف قریشی

پیلھوں پکیاں نی وے

کئی بھوریاں کئی پھکڑیاں نیلیاں

کٹوایاں، رتیاں نی وے

سک سرنگی جڑھ ڈکھ تے غم دی

ساکھاں چکھیاں نی وے

کہیں گل ٹوریاں کہیں سرکھاریاں

بھر بھر پچھیاں نی وے

پل پل خوشیاں دم دم شادی

گل نے پھکیاں نی وے

حسن دیاں ہیلیاں برہوں دے جھولے

گولیں تتیاں نی وے

ابرو تیغ تے تیر، نظر دے

آ چٹوں رل یار!

کئی بگڑیاں کئی ساویاں پیدیاں

کئی اودیاں گلزار

بار تھنی سے رشک ارم دی

ہر جا باغ بہار

پیلھوں پچھنیں دیاں گلزاراں

کئی لا پٹھیاں بار

جان چلوئیں تھنی آبادی

لوکی سنہس ہزار

حوراں، پریاں ٹولے ٹولے

راتیں، ٹھڈیاں ٹھار

رکھدے تاز حسن پرور دے



تیز تکتھے ہتھیار  
کئی ڈیون آن نال برابر  
کئی وچکن بازار  
کئی دھپ چ وی چنیں ہندیاں  
کئی چن چن پیاں ہار  
ایڈیوں عشوے غمزے نخرے  
کسٹن کان تیار  
پیلھوں چنڈیں بوچھن لیراں  
گلڑے کرن پچار  
آیاں پیلھوں چٹن دے سانگے  
چھوڑ آرام قرار  
بگیاں بکیاں نی وے

بیر فریدن سیں ہک آفاقی آتے ابدی شاعر ہن۔ اُنھاں کوں کہیں ہک  
وسیب دا شاعر اُنھاں دی شاعری کوں کہیں ہک خطے دی شاعری آتے اُنھاں دے  
پیغام کوں کہیں ہک خطے واسطے مخصوص کر ڈیون پھوں چھوٹی گالھ ہوسی۔ اُنھاں دی  
شاعری تے اُنھاں دی کافیاں دے مفہوم دے اتار نال پھوں پرتاں ہن۔

آج جیڑھی کافی تے اساں گالھ مہاڑ کریندے پے ہیں او ہے:

آ چٹوں رل یار  
پیلھوں پکیاں نی وے

ایں کافی اچوں جیڑھا مرکزی خیال پھوں آتے اُبھر کے آندے او ہے  
Love for Labour آتے Sense of Participation ایوں اساں  
محنت دی عظمت پور ہیت نال پیار رل و سٹ دی سک وی آکھ سگدے ہیں۔ جیون  
جوگ آتے حیاتی دی سک وی سا کوں ایندے اچ بھرویں نظر آندی اے۔ اے جوگ

آتے اے سک انسان وں Action یام آے پاسے گھن ویندی اے۔ بندے کوں  
بندے دی سک ہلیندی نہیں اوں ہلیندی اے آتے ایہو ہٹن ای تحریک یا اوں اپنے  
بندے آلے پاسے پندھ کرٹ دی وجہ بندہ اے۔ آتے ایہو ہٹن آتے پندھ اوں  
بجھ دی وجہ وی بندے آتے او کوں وصال آلے پاسے وی گھن ویندے۔ اوں  
بھانویں سندھ وادی دا آتے بھانویں نیل دریادی مٹن دا آتے بھانویں دجہ فرات  
دے علاقیاں دا او کوں پکیاں پیلھوں کوں رل تے چٹن آلے پاسے گھن آندے۔

فریدن سیں دی ایں کافی اچ پرانے اساطیر آتے Mythology دا ہک  
حوالہ بندے۔ آج توں صدیاں پہلے دازری سماج دا بندہ اے جھیندا ہی جو دھرتی ماتے  
سیالے مانھ اچ دیہہ دا قبضہ گھن ویندا ہی جیڑھا ساری ساوول تے پھل پتر کھا ویندا  
ہی تے ہر شے ساری پیندا ہی۔ موسم چیترا بہار اچ ایہہ قبضہ ونج مکدا ہی تے ساوول  
پھل پتر وں نظر آون پے ویندے ہن آتے ہنالے مانھ ر میاں اچ اے پھل پھل  
ہٹن کے پکدے ہن۔ پرانے وقاں توں آج تیں سارے میلے ٹھیلے تے کھید پاں پوری  
دنیا اچ چیترا بہار دے موسم اچ ای تھیندن۔ ایں Mythology دا حوالہ ایں کافی  
دے پہلے ڈو جھے بندے نال نال تر جھے بند اچ پے یھو کیوں نظر آندے۔

یار گھنی اے رشک ارم دی سک سر بئی اے جڑھ دکھ تے غم دی

ہر جا باغ بہار ساکھاں چکھیاں نہیں وے

ایں کافی دے اگلے بندہ اچ وی چیترا بہار اچ میل ماپ خوش تیون  
جگ جیون تے رل کوں دے حوالے چلدے آندے نظر آندے۔

جال جلیوئیں تھنی آبادی پل پل خوشیاں دم دم شادی

کوئی سہنس ہزار گل نے پھکیاں نہیں وے

ایں کافی اچ Love and Labour یا پور ہیت تے پیر دا حوالہ نال  
نال چلدے۔ ایہہ خیال ہک عالمی سچائی دے طور تے ابھر دے جو پورھی پیر دے



بغیر تان ہو سگدے پر پیار پورھینے دے بن نہیں ہو سگدا۔ جو پکیاں پیٹھوں واسطے  
گل ٹوریاں نوکریاں تے سر کھاریاں چوٹیاں پوندین۔ مٹھیاں تے پکیاں پیٹھوں  
دھپ اچ چٹنیاں پوندین اے چٹ چٹ ہارناں وی پوندے۔ اے چٹ دا پگھر  
سکاوٹ کیتے چھاں وی گولٹی پوندی اے۔ بٹناں اے تھکناں وی پوندے۔ بوچھڑ  
لیراں وی تھیندن اے چولا لیر کیتراں وی اکثر تھیندے۔ رتیاں پیدیاں اے  
مٹھیاں پیٹھوں پورھینے بن نہیں ملدیاں۔

خواجہ سنیں دی ایس کافی اے ایہو جیہاں پیاں کافیاں اچ ہن تائیں  
صرف فطرت یا Nature اے اے ایتھوں گل پھل کون ای ڈٹھ گئے۔ اے خواجہ  
صاحب دیاں کافیاں کون محدود کرٹ اے۔ ایس طرح انھوں کافیاں اچ آفاقیت  
اے وڈیاں سچائیاں کون پچھوں تے کرٹ اے۔ آج دی لوڑ اے جے جو فرید دی  
شاعری کون کہیں بک وسیب یا ہک دھرتی توں اتوں تے کر کے ڈٹھ ونجے۔ فرید نے  
ایس کافی اچ انسان دے پورھینے اے انسان دے پیار کون پیٹھوں دے حوالے  
جیویں جوڑیے اے جیوٹ جوگ دا او حوالہ اے جیڑھ خواجہ صاحب کون دنیا دے  
وڈے آرٹھیاں تے شاعراں دے نال ونج جوڑیندے اے انہوں دی شاعری وڈی  
شاعری نظر آندی اے۔

کافی نمبر: 183

ص نمبر: 182

محبوب تابش

پردیسی یارا، وا پورب دی گھلے  
ساوٹ مینہ برسات دی واری پھوگ پھلی کھپ پھلے  
گاجاں گجکناں بجلیاں لکناں ذوقوں دلڑی چلے  
دھامٹ کترن سنھ تے سبھوں چتر سہاگ دا جھلے  
جے تیں پانی پلھر نہ کھٹسی کون بھلا بندھ چلے  
روز بروز فرید ہے لذت  
طبع ڈینہو ڈینھ گھلے

پردیسی یارا وا پورب دی گھلے

ساوٹ مینہ برسات دی واری

پھوگ پھلی کھپ پھلے

خواجہ غلام فرید دا فکری پندھ ہک اتجھے اٹ گھٹ ریت دے سمندر

پندھ تان (توں منڈھ بدھدے جیندے پچھوگ وچ کئی صدیاں دی تہذیبی تاریخ  
پندھ شرتی اساردی بک وڈی تگ نال کھڑی ہے تھئی ایس سارنگے خجے دی فکر تے



کافیں دی شعریت ڈینہو ڈینہو نوں نکور ہے۔ اپنی اس کافی دے موہری بیت وچ مخاطب تھی کرائیں آبدن جوائے پردیسی یار سب دی ڈاگھلن دے نال ای سانونٹ دے مینہ دی واری لپک ویندی اے۔ پھوگ پھاروہی دا خود رو پوٹا ہے ایس رت وچ پھلدے نال کھپ کون وی پھل بگدن اے پھچھڑا سانونٹ دے دسٹن یا پھوگ دے پھلن تے مک نہیں ویندا بلکہ ایس پھلن دے استعارے پچھوں تخلیق دا استعارہ کھڑے تخلیق جو وصال دا سبب بندی ہے:

گاجاں گجکن بجلیاں لسکن **دوقوں دڑی چلے**  
دھامن کترن سنھ تے سبھوں **چتر سہاگ دا جھلے**

انسان ازل توں حسن تے سٹہپ **پھول** وچ ہے کیوں جو جیر ہلے بندے کون حسن نظر آوے یا لبھ پووے تاں اونڈر تے تخیل دی اکھ اونڈے جذبہ عشق تے دل دی سانجھ نال سبھ امکانی حدیں دے مینہ دروازے ونج تے کھیندی ہے خواجہ صاحب وی انھیں شعریں وچ قدرت دے اوں سٹہپ دا ذکر کیتے جیر ہاروہی وچ رہندی ہوئیں انھیں دی اُس اُسار کون تپ ڈیندا باگجیں دے گجکار کھمنڑیں دے لسکارے اتے بدلی رُ وچ دھامن کترن سنھ تے سبھوں سبھ اوگھاؤٹ تے پوٹے بن جیر ہاروہی سانونٹے موسم اچ آپیں آپ تھی آندن تے انھیں دے اُتیں نسر دے ون پونے پھل **ویں** بگدن جینویں کہیں اُنھوں کون سہاگ دی چٹی پاڈتی ہووے۔ اصل اچ **ایہ** قدرت دا حسن تے سٹہپ ہے جیر ہاروہی بندے کون بندے نال زل جیوٹ دا اُسرگا ڈینے۔ ول لوکیں نال میل تے گنڈھپ بندے کون اونڈے خاق نال جوڑیندے۔ ہوں دڑی دوقوں چلدی اے کیوں جوائیں جمالیات دا وعظا ساڈی حیاتی کون جیوے روز نوں دگ ڈکھیندے حسن و عشق نال حیاتی دا پندھ سو بھیں بھریا جگ **بن** نصیب تھیندے۔

جے تائیں پانی پھر نہ کھٹسی **سون بھلا سندھ چلے**

روز بروز فرید ہے لذت طبع ڈینہو ڈینہو کھلے  
انھیں شعریں وچ رت دے بدلن نال جیر ہی کیفیت جی ہے اونڈے راہیں خواجہ صاحب ڈیندے جے تائیں ٹوبھیں دا پانی نہیں مکدا اُتلا مڈ بھلا سندھ کون ویندے پھر مینہ دا او پانی ہے جیر ہاروہی آٹھیں یا ٹوبھیں وچ کٹھا تھی کھڑے اُتے سندھ دی اصطلاح پچکل علاقے واسطے ورتائی گئی اے کیوں جو سانونٹ اچ روہی اتلا ساوی تے رچی ہوندی ہے جو رزق روزی حیدر روہیلین کون انھیں ڈینہو اریں کہیں بے پاسے ونجن دی لوڑھ نہیں پوندی۔ اتھاں صرف حیاتی دی کوئی وقتی یا عارضی خوشحالی دی گالھ نہیں ٹوری گئی جینویں بظاہر سانونٹ رت دے تذکرے نال شعریں وچ نظر دی پٹی اے بلکہ اے ہک سچے عاشق کیتے اپنے ذوق کون کندھی لاوٹن دا کوئی وسیلہ دی ہے ایس سانونٹ دیاں چسولیاں تے من بھانویاں لڑکدیاں وائیں ساوُل ٹوبھے گانج دے گجکارے کھمن ڈی لسک کتھا میں خشی تے وصال دی ڈس وی ڈیندین اتھاں شعریں کون پڑھ کے اینویں محسوس تھیندے جینویں فریدن سنیں روہی دے ککڑے بڑیں دسرا سٹہپ لوٹیں دے ریشم نال شاعری دی شال تے فکری سانجھ نال وٹا ہڈے اُنھوں دھامن کترن سنھ تے سبھوں جھنیں گھاہ بوٹیں کون وی حیاتی دے کس دے کاہپ دے مظہر دے طور تے ورتائے کیوں جو ایس فطرت دی جھولی اچ انسان کیتے سبھ سکھ ان جیندا ہک وڈا ثبوت فطرت نال گانڈھا ترور کے اساں جینویں فطری ماحول کون اپٹیں اچوکیں سائنسی ایجادیں راہیں برباد کیتے ایس گالھوں حیاتی کون بندے کنوں پرو بھرا کر کھڑے یں۔ اے روز بروز سوائی تھیندی لذت کوئی سکھراں تخیلاتی تصور نہیں جیر ہاروہی کنوں وانجا ہووے بلکہ پھر پانی دانہ مٹن آوے ویلھے کیتے حیاتی دے روز نوں ذکر کھولن دی کوئی بہوں وڈی رمز ہے ایہہ رمز ایس کافی دا موہری تے اتم خیال ہے۔



کافی نمبر: 97  
ص نمبر: 103

حمید الفت ملغانی

تتی رو رو واٹ نہاراں  
کڈیں سانول موڑ مہاراں

جیں کارٹ سوختی جھاگی  
جیندیں ڈیکھاں سانول ساگی  
یار بروچل وسم سولڑا  
خان پنلڑا نہ کر کلھڑا  
جیں ڈینہہ یاراساں توں نکھرے  
ڈسدے سُرخ دی رنگ نکھرے  
مُن مَن مَن پیر مناواں  
سڈ سڈ جوسی پھالاں پاواں  
خواجے پیر دے ڈیساں چھنے  
جیندیں سبھ دل کیتیاں مَنے  
بندڑے نال نہ کر سیں مندڑا  
لنگ سہائیں صحن سہندڑا  
چھوڑ فرید نہ یار دامن  
ڈوہیں جہانیں ساڈا مامن

سانول موڑ مہاراں

خواجہ غلام فرید دے کلام کوں پڑھن نال ایس گالھ تیں یقین کرنا پوندے جو  
شاعری قدرت دی ڑتی ہوئی اوڈات ہے جیڑھی چوٹویں بندیں کوں دان تھیندی ہے۔

جیویں شاعر بنائے نہیں ویندے پیدا تھیندن ایویں ای عشق کیتا نہیں ویندا تھی  
ویندے۔ تے جتھاں اکھڑونجے تے وڑی اڑونجے تاں محبت وچ مستی تے بیخودی  
نت نویں انداز نال سامنے آندی ہے۔ کجھ پرکیتے وی مابی دا اکھیں توں اوڈھرتھیوں گوارا  
نیں ہوندن۔ جتھاں بک پل نکھرٹ اوکھڑے تے اتھاں اٹ کھٹ جدائیاں وھیت وچن  
تاں فریدن سنین دی سچاپوں کافی دے ایس مُندھے شعر وانگوں آکھنا پوندے۔

تتی رو رو واٹ نہاراں  
کڈیں سانول موڑ مہاراں

تر میت دی طرفوں عشق دے جذبات دامن موہنا انداز وی خوب ہے۔  
سانول سنین کوں بے وفا آکھن دی بجائے اپنے آپ کوں بے سیتی آکھ کے نیر  
ویندیں راہواں تکیں دیں کڈاپیں نہ کڈاپیں پھیرا پاوٹ دی التجا وی خوب ہے۔  
ایں کافی وچ اوئیں تاں رُٹھا ڈھول مناوٹ دے کئی جتن نظر آندن پرسی  
دے حوالے نال وسیب دی تہذیب تے ثقافت دا آپنا رنگ ہے۔ نازک نرم گروور  
جھنیں شہزادی دا پنل دی گول وچ اپنے آپ کوں رول ڈیوٹ جھیاں حوالہ شاید ای  
کہیں وسیب اچھے۔

جیں کارٹ سوختی جھاگی  
جیندیں ڈیکھاں سانول ساگی

سوسوختیاں بھو بن دے باوجود وی امید اپونیں چھوڑی۔ کجے سرتیں پندھ  
تے اووی سنج برتھل مارودا۔ ڈیسیں دا ہوش نہ ویسیں دا ہوش سک ہے تاں ہکا جو پنل  
سنین کوں اکھیں نوچن توں پہلے ڈیکھ گھناں تاں جو ہاں ٹھرونجے۔ تے اے وی  
خواہش سر چیندی ڈسدی ہے جو حیاتی دادھا گد و دھیا کھڑے تاں:

یار بروچل وسم سولڑا  
خان پنلڑا نہ کر کلھڑا

جیندے سانگے مائیم تھلڑا  
توں سنگ چانگے چاراں



کافی نمبر: 97

ص نمبر: 103

حمید الفت ملغانی

تتی رو رو واٹ نہاراں

کڈیں سانول موڑ مہاراں

جیں کارٹ سوختی جھاگی پھراں ڈوباگی ویس براگی  
 جیندیں ڈیکھاں سانول ساگی تھیواں باغ بہاراں  
 یار بروچل وسم سولڑا جیندے سانگے مائیم تھلڑا  
 خان پنلڑا نہ کر کلھڑا توں سنگ چانگے چاراں  
 جیں ڈینہہ یاراساں توں نکھرے میندی روپ ڈکھائے پھکڑے  
 ڈسدے سُرخ دی رنگ بکھرے وگھریاں کجل دیاں دھاراں  
 مَن مَن مَنتاں پیر منواں ملاں گول تعویذ لکھاواں  
 سڈ سڈ جوسی پھالاں پاواں کردی سونہ ہزاراں  
 خوابے پیر دے ڈیاں چھنے ایسے ڈینہہ اتھاہیں بھنے  
 جیندیں سبھ دل کیتیاں مَنے وسم سدا گھر باراں  
 بندڑے نال نہ کرئیں مندڑا توئے کوچھا کملہ گندڑا  
 لُک سہائیں صحن سہندڑا پوں پوں توں جند واراں  
 چھوڑ فرید نہ یار دا دامن جیں جی کیتا جڑ کرکامن  
 ڈوہیں جہانیں ساڈا دامن کیویں دلوں وساراں  
 سانول موڑ مہاراں

خواجه غلام فرید دے کلام کوں پڑھن نال ایں گالھ تیں یقین کرنا پوندے جو  
 شاعری قدرت دی ڑتی ہوئی اوڈا تے بے جیڑھی چوٹویں بندیں کوں دان تھیندی ہے۔

جیویں شاعر بنائے نہیں ویندے پیدا تھیندن ایویں ای عشق کیتا نہیں ویندا تھی  
 ویندے۔ تے جتھاں اکھڑ ونجے تے وڑی اڑ ونجے تاں محبت وچ مستی تے بیخودی  
 نت نویں انداز نال سامنے آندی ہے۔ کجھ پرکیتے وی مہی دا اکھیں توں اوڈھرتھیوں گوارا  
 نہیں ہوندا۔ جتھاں بک پل نکھرٹ اوکھڑے تے اتھاں اٹ نکھٹ جدائیاں لھیت وخن  
 تاں فریدن نہیں دی سچاپوں کافی دے ایس منڈھلے شعر و انگوں آکھنا پوندے۔

تتی رو رو واٹ نہاراں

کڈیں سانول موڑ مہاراں

تریمت دی طرفوں عشق دے جذبات دامن موہنا انداز وی خوب ہے۔  
 سانول سنیں کون بے وفا آکھن دی بجائے اپنے آپ کون بے سیتی آکھ کے نیر  
 ویندیں راہواں تکیں کڈاہیں نہ کڈاہیں پھیرا پاوٹ دی التجا وی خوب ہے۔  
 ایس کافی وچ اوئیں تاں رُٹھ ڈھول مناوٹ دے کئی جتن نظر آندن پر سکی  
 دے حوالے نال وسیب دی تہذیب تے ثقافت دا آپنا رنگ ہے۔ نازک نرم کرور  
 جھنیں شہزادی دا پتل دی گول وچ اپنے آپ کون رول ڈیوٹ جھیاں حوالہ شاید ای  
 کہیں وسیب ایچ ملے۔

جیں کارٹ سوختی جھاگی پھراں ڈوباگی ویس براگی

جیندیں ڈیکھاں سانول ساگی تھیواں باغ بہاراں

سو سوختیاں بھوہن دے باوجود وی امید اپونئیں چھوڑیا۔ کلبے سرتیں پندھ  
 تے اووی سنج برتھل مارودا۔ ڈیس دا ہوش نہ ویس دا ہوش سک ہے تاں ہکا جو پتل  
 سنیں کوں اکھیں نوچن توں پہلے ڈیکھ گھناں تاں جو ہاں ٹھرونجے۔ تے اے وی  
 خواہش سر چیندی ڈسدی ہے جو حیاتی دادھا گہ ودھیا کھڑے تاں:

یار بروچل وسم سولڑا جیندے سانگے مائیم تھلڑا

خان پنلڑا نہ کر کلھڑا توں سنگ چانگے چاراں



تھل دی ریت کوں ضرور اسر مہ جھنڈ وان سستی توڑے مشکاں وات ہے  
پرہمت سنی باری۔ یار دی بگول وچ اپنے آپ کوں ایں حد تاں چکاڑتس جو یار ہو وچ  
تے خان پنل میڈے ڈکھ سکھ دا بھائیوال بن وے تے تاں میوے اوندے کھئے اجڑ  
چراوٹ توں وی انکار کا کیتی۔ ایں نہیرے دے ویتے کوں سامنے گھن آون بارے  
خواجہ غلام فرید کیا خوب منظر نگاری کیتی ہے:

جئیں ڈینہ یار اساں توں نکھرے      میندی زو پ ڈکھائے پھروے  
ڈسدے سُرخ دے رنگ بکھرے      وگھریاں کج دیاں دھاراں  
تج دی رات نکھیرے وات آونجے تاں ایہیں گدے جو جیویں خوشیں  
جھات وی نہ پاتی ہووے توڑے جو ڈسٹ کیتے میندی گئی ہوندی ہے پر اونداروپ  
پھکا پنے ویندے۔ نہ سُرخ دی چمک باقی ہوندی ہے تے نہ اگھیں وچ لگے ہوئے  
کج دی دھار باقی رہندی ہے۔ باقی رہندین تاں بس منتاں مراداں:

من من منتاں پیر مناواں      ملاں بگول تعویز لکھاواں  
سڈ سڈ جوسی پھالاں پاواں      کر دی سوٹ ہزاراں

منتاں مراداں کوں ترہیت دی کمزوری آکھیا ویندے۔ ایں سلسلے وچ عقیدت  
دا اظہار نہیں وی حوالے نال کیتا وچ سڈے۔ کہیں سنجی پو پیر دیاں منوتیاں منڈ وڈے  
وڈے ملے انے بول پھول کے پھل سگے لکھواوٹ تے پار اُرواردے جوسی سڈا کے فالان  
پاؤن جھنڈیں بوئے وکے آج وی انویں ڈیکھن وچ آندن جیویں خواجہ غلام فرید دے کلام  
وچ ویتے بائیں۔ منتاں مراداں دے سلسلے وچ چپہ چپہ چھاٹ مارٹ دے نال نال  
نہیں خاص پیر نال عقیدت دے حوالے کوں کڈا ہیں نہیں بھلا یا وچ سڈے:

خواجہ پیر دے ڈیساں چنے      ایہے ڈینہ اتھائیں بھنے  
جیندیاں سبھ دل کیتیاں منے      وسم سدا گھر باراں

جہاں پیریں فقیریں دا تذکرہ تھیندے تاں کجہ منوتیاں ایہو جھیاں وی پتہ

بہدین جنھیں کوں نہیں خاص پیر نال مخصوص کر ڈتا ویندے جیویں کتھائیں انا گھٹ  
ڈیوٹ دی کالھ ٹردی ہے تاں کتھائیں واپ ڈیوٹ دا حوالہ ملدے۔ ایویں ایں بند  
وچ چھنے ڈیوٹ دا ذکر کیتا گئے تے نال نال آکھیا گئے جو من دی مراد پوری تھی گئی تے  
من دا دیوتا میڈے گھر آ کے رہوٹ کیتے راضی تھی گیا تاں میڈی خواہش ہوسی جو  
جیندے جی میڈے من دیاں من کے میڈی اجڑی جھوک کوں ہمیش کیتے آباد کر  
ڈیوے۔ ڈھوٹ توں ایں خواہش دا اظہار وی کیتا ویندے جو:

بندڑے نال نہ کر سیں مندڑا      توئیں کو جھا کلا گندڑا  
لٹک سہائیں صحن سوہندڑا      پو پو توں جند واراں

ایں بند وچ خواجہ غلام فرید بندہ ہووٹ دا حق۔ کیندیں سوئیں اپنے آپ  
کوں حقیر پر تقصیر بد صورت تے بد عمل آکھ کے ایں یقین دا اظہار وی کیتے جو مینوں  
امید ہے جو میڈے انھیں عمیں دے باوجود وی رحمت دی نظر تے کرم دا معاملہ  
تھیں۔ سک سوک دے سلسلے دے ایں بندوں حق دی بگول دے متہ ادف آکھیا وچ  
سڈے۔ جیندے وچ رحمت دی بک دید نال گھر دے ویرھے کوں سہاوٹ بارے  
اپنی جند وار ڈیوٹ دا اظہار کیتے گئے۔ ایں گانڈھے کوں پکا توں پکا کرٹ کیتے آکھئے:

چھوڑ فرید نہ یار دا دامن      جئیں جی کیتا جھ کر کامٹ  
ڈوہاں جہاناں ساڈا مامن      کینویں دلوں وساراں

کافی دے چھیکو دی بند وچ خواجہ فرید "یاری لاوٹ تے توڑ نبھاون" دا درس  
ڈیندیں آکھئے جو اتجھے یار دالڑ کیویں چھوڑا وچ سڈے جنھیں چنگی طرحاں اپناں  
رہیدہ بنا ڈتے تے نال نال او ڈوہاں جہاناں دا آسرا ہے۔ اے تاں تھی وی نہیں  
سڈے جو اوں سستی کوں بھلا یا وچ سڈے۔

قسم خدا دی قسم نبی دی  
عشق ہے چیز لذیز عجیب



کافی نمبر: 92

ص نمبر: 97

پروفیسر مختار علی شاہ

ڈھولا لک چھپ بہندیں میں کنوں  
 کھیں صبر، آرام، قرار، گیوں  
 کئی چھٹ والا ہم تیں کنوں؟  
 رت رو رات نبھاوندیاں  
 ونج حال گھنوں، ہمیں کنوں  
 بگی شہر ملامت پھکڑی ہے  
 نسے پڑدے مہنیں کنوں  
 شالا ہووے ہر دم ساوڑی اے  
 گھن اپنے سوہنے سنیں کنوں  
 گیماں ناز نوازیں ٹوڑیاں  
 وھک مار جھداں جنیں تیں کنوں  
 جتھاں جھوک میڈے متراں دی ہے  
 انھ سوہنے سنیں کنوں  
 کئی سنگتی باجھوں سول نہیں  
 ہیں نینہ دی باری ٹیں کنوں

ایہا ریت سکھی ہی کیس کنوں؟  
 جڑ تیج پر ہوں دی مار گیوں  
 کیوں جھوک لڈا، لنگھ پار گیوں  
 ڈنہاں ڈوڑے ڈکھڑے پانودیاں  
 کروین، سہاگ سہانودیاں  
 جیندے نال محبت جکڑی ہے  
 دل مہٹوں سٹھنوں تکرڑی ہے  
 ایہہ روہی، یار ملاوڑی اے  
 ونج پیسوں لسڑی گاوڑی اے  
 غم، درد فراق دی روڑیاں  
 تھی، گہلی، کملی، بھوڑیاں  
 دل جھر، جنگل دی باندی ہے  
 بو صدق وفا دی آندی ہے  
 کجھ یاد نہالی، ٹول نہیں  
 تڑ پار ونجن دا مول نہیں

بن یار، فرید نہ جیواں میں  
 بھر زہر پیالہ، پیواں میں  
 ایہا ریت سکھی ہی کنیں کنوں؟  
 ڈھولا لک چھپ بہندیں میں کنوں  
 خواجہ فرید دی ایہہ کافی بہوں چسولی تے دل چھکویں ہے، اینکوں کلاسیکل  
 تے فوک ڈوہائیں انداز وچ گایا گئے۔ اپنے گریبان دی خوبیاں سانگے ایہہ سراہیکی  
 دے ایم اے تے بی اے دے نصاب وچ وی شامل ہے۔

اینڈی استھائی سوالیہ ہے شاعر اپنے محبوب کنوں لک چھپ پابن بارے  
 کچھدے جو ایہہ ریت توں کنیں کنوں سکھی ہے۔ دیوان فرید وچ اینڈا نمبر 92 ہے۔  
 کافی وچ کل 8 بند ہن۔ اینڈا ردیف ”کنوں“ ہے تے قافیہ تیں ”ہمیں“ ”سنیں“ ”لہیں“  
 نہیں ہن۔

وچھوڑے دی ایں کافی وچ جہد مسلسل نظر دی ہے تے محبوب تیں اپڑن  
 سانگے تن مارن تے کشالے کٹن دا ذکر ملدے۔ کافی وچ خواجہ سنیں اپنی قلبی تے  
 جذباتی واردات کوں ویسی رویاں نال پدھرا کیتے۔ اے وسیب تے خصوصاً روہی دی  
 بہوں سوہنی منظر کشی کیتی ہے۔ ایں کافی دی ہک خوبی ایہہ وی ہے جو اینڈے وچ تمام  
 منظر نامہ سٹل یا رکا ہویا کینی بلکہ متحرک ہے، کافی وچ ڈرامائی انداز وچ چا لھیں  
 تھیندیاں پن، آویندا پئے تے دنجیندا پئے، کھویندا تے پویندا پئے۔ مہنے ڈیویندے  
 پن۔ کوئی جھوک لڈائی ویندے تے کوئی اینڈی وجہ کچھدا پئے۔ کتھائیں یادیں دے  
 کنڈنے پئے چھدن تے کتھائیں صدق وفا دی خوشبوئیں آندیاں پن۔ کتھائیں  
 روہی دا پورا متحرک منظر نامہ کھڑے جیندے وچ گائیں ہن لسیاں ہن تے گاوڑی  
 لسیاں پیوٹ تے پدا وٹ والے ہن۔ تے کتھائیں وچھوڑے توں چھٹکارا حاصل کرن  
 سانگے تے محبوب حقیقی نال وصال کیتے زبردے پیالے پیتے ویندے پن۔ غرض ہر  
 بند بک انڈسٹری Panorema پیش کریندا پئے۔ ایں کافی وچ وی خواجہ سنیں ریختی



ڈھنگ ورتے آتے اپنے جذبات واحساسات دا اظہار ترمیمت دی زبان نال کیتے۔  
 ایندی وجہ ایہہ ہے جو برصغیر پاک و ہند وچ مدرسی نظام پاروں اتھن عاشق عورت تے  
 معشوق مرد ہے۔ تہوں صوفیاء کرام محبوب حقیقی کوں جیڑھا معشوق ہے مرد نال تشبیہ ڈتی  
 ہے جڈاں جو روح کوں جیڑھی عاشق ہے ترمیمت نال تشبیہ ڈتی ہے تے اپنے عشق دی  
 شدت کوں بیان کرن سگے صوفیاء کرام ترمیمتی یا ریختی انداز وچ شاعری کریندن۔  
 خواجہ فرید دی ڈھیر ساری شاعری وچ سا کوں ایہا ڈھنگ نظر دے۔

(1)۔ پہلے بند وچ عاشق اپنے معشوق کوں بچ نال پچھدا اپنے جوتوں  
 میکوں عشق دی توار نال کٹھی ویندیں تے میڈا صبر آرام تے قرار کھس تے جھوک لڈا  
 تے دریا پار لنگھیا ویندیں۔ ایں بارے تیں کوں کوئی پچھن آلا وی ہے یا کینی جوتوں  
 شودی تے نہانی نال ایڈا ظلم کمائی ویندیں۔ ایں بند وچ ”جھوک لڈاؤن“ محاورے دا  
 سُوہنا ورتار نظر دے۔

(2)۔ ڈو جھے بند وچ وچھوڑے وچ ڈینہہ رات دی حالت بارے بیان  
 ہے جو ڈینہاں تیکوں لہیندے ہوئے دھکڑے دھوڑے کھانڈی راہندی ہاں تے  
 رات رت رو رو نبھیندی ہاں۔ تے میں اپنیاں نکیاں وی وینڈ کر رتے گزریندی  
 ہاں۔ جیکر تیکوں میڈی ایں کیفیت دا اعتبار کینی تاں ہمسائیں کوں میڈی حقیقت گھن  
 گھنوں۔ ایں بند وچ ”رت رووون“ تے ”سہاگ سہاؤن“ محاورے ہن۔

(3)۔ تریجھے بند وچ عشق کوں آپناں دین ایمان سمجھ کراہیں اوندے پچھوں  
 ہر ملامت تے طعنے مہنٹ کوں سرتے چاون دا اظہار کیتا گئے جو جیندے نال عشق کیتے  
 اوں پچھوں میں سارے شہر وچ بدنام تھی گئی ہاں لوک میکوں طعنے مہنٹ ڈیندن پر میں  
 انہاں توں نہیں ڈردی۔

(4)۔ چوتھے بند وچ روہی Panoramala پیش کیتا گئے تے اوندے  
 کیتے دعا وی کیتی گئی ہے جو روہی وچ میڈا یار میکوں ملدے اللہ کرے ایہہ ہمیش

سلامت رہو وے۔ میں روہی وچ اپنے محبوب کوں گاوی لسی گھن کے پیساں۔ اتھن  
 خواجہ سنیں روہی کوں ساوا سوکھا ڈیکھن دی تمنا کیتی ہے تے گاوی لسی کوں روہی دی  
 سوکھڑی طور پیش کیتے۔

(5)۔ پنجویں بند وچ غم، درو، فراق دی وجہ توں قلبی تے ذہنی حالت بارے  
 کالھ کیتی گئی ہے ڈکھ ہجر دی وجہ توں میڈیاں اوسہیلیاں وی چھٹ بگیں ہن جنہاں  
 وچ پہہ کراہیں میں نازنخرے کریندی ہم۔ ہن تاں میں کالھی، کمی تے بھولی تھی گئی  
 ہاں تے ایہہ سب کچھ میڈے عشق دے دھک لگن دی وجہ توں ہے۔

(6)۔ خواجہ فرید دی شاعری وچ روہی وصال دی جاہ ہے جیویں وارث شاہ  
 دی شاعری وچ ”بیلا“۔ چھیویں بند وچ انہاں روہی نال والہانہ محبت دا اظہار  
 کریندے ہوئے آبدن جو میڈی دل روہی دے ایں جھر جنگل دی غلام ہے۔ کیوں  
 جوا تھن میڈے سچاں دی جھوک ہے۔ اتھوں سوئیں لئیں لانے وغیرہ وچوں میکوں  
 اپنے محبوب دی وفاتے سچائی دی خشبو آندی ہے تے اتھوں داسارا منظر نامہ میڈے  
 محبوب دی محبت تے سچائی دی گواہی ڈیندی ہے۔ خواجہ سنیں ایں بند وچ روہی دے  
 فلوراکوں استعاراتی طور تے ورتیے۔

(7)۔ ستویں بند وچ خواجہ فرید تمام تر ڈکھاں دے باوجود عشق بارے  
 رجاہیت دا اظہار کریندن۔ آبدن جو عشق وچ میڈی ایہہ حالت تھی گئی ہے جو ہن کوئی  
 یاد وی میکوں تکلیف نہیں پہنچیندی جیڑا ہیں میڈی سنگتیاں کینی تاں وی میکوں کوئی  
 ڈیکھ کینی۔ میں ایں عشق دی نہرو وچ ہمیشاں رہوں چاہنداں۔ تے میڈا ذرا  
 دل نہیں آہدا جو میں ایں عشق دی ندی کوں پار کرتے ڈو جھے پاسے ونجاں۔

(8)۔ مقطع وچ خواجہ سنیں ریختی ڈھنگ وچ لکھدن جو میں اپنے محبوب  
 باجھ نہیں جی سگدی تے اوندے باجھ جیون تاں برا خوار تھیون ہے۔ میڈا دل آبدے  
 جو میں زبرد اپالہ پی گھن تاں جو میڈی سولیں کوں تاں جان چھٹسی۔ جے اسوں



ایں بند کوں عشق مجازی آ لے پاسے گھنوں تاں شاعر و چھوڑے دے ڈکھ کنوں موت  
کوں بھلی کریندی پئے۔ تے جے اسراں اینکوں عشق حقیقی آے پاسے گھن وچوں تاں  
اوندی حیاتی براڈ کھ تے وچھوڑا ہے تے زہر دا پیالہ پی کراہیں او وچھوڑے کوں وصل  
وچ تبدیل کر ڈیون چاہندے تے اوندے نزدیک حیاتی وچھوڑا ہے تے موت  
وصال۔ ایں کیفیت دی ہک ونکی ڈیکھو:

دل عشق مچائی اگ سائیں  
ڈکھ سوز رچیا رگ رگ سائیں  
ڈکھاں سولاں کیتا کک سائیں  
ہن موت بھلی بے شک سائیں

### ڈاکٹر ارشد ملتانی

دنیا دی ہر زبان چاہے او کتنی ای ترقی یافتہ کیوں نہ ہو وے ہر فلسفے ہر فکر وے  
اظہار وے قابل نہیں ہوندی۔ ایں معاملے وچ ہک خاص صورت بیان دی ضرورت  
ہوندی ہے جیڑھی اشد ضروری ہے۔ سرائیکی زبان دی ترقی، لطافت تے ایندے لہجے  
دی مٹھس ہمہ اوست دے تمام اظہاری تقاضے پورے کریندی ہے ول خواجہ فرید وے  
انفرادی شعری رویے دے سوبانگے نے فکر منسوری کوں آسمان تے پہنچا ڈتا۔ شاعری  
ذاتی، انفرادی ایچ اتے فلسفہ فکر دی عظمت جیڑھے ویلے ہم آغوش تھی ویندن تاں ول او  
تخلیق صرف شاعری نہیں رہندی ہک عظیم پیغام بن ویندی ہے۔ او پیغام جیڑھا انسانی  
ذہن دے ارتقا و اضامن بن ویندے۔ خواجہ غلام فرید اپنے وقت دے جید عالم ہن  
انہاں دامطاحہ عربی، فارسی تے دیگر علاقائی زبانیں وچ بہوں سہجے، لیکن انہاندی  
حقیقی کٹ منٹ اپنی سرائیکی زبان و ادب دے نال جڑی ہوئی ہئی انہاں نے اپنے تخلیقی  
عمل دے معاملے وچ کہیں قسم دے احساس کمتری دا ثبوت نہیں ڈتا انہاں نے فارسی،  
عربی دے پر شکوہ استعاریاں کوں اپنا ذریعہ اظہار نہیں بنایا انہاں سر و کج تے فرع و دثریں  
دیاں داستانیں نہیں لکھیاں اولیٰ مجنوں کوں خاطر اچ نہیں گھن آئے۔ انہاں دے ہیرو  
اپنے تھلاں دی سسی ہئی اتے ہے او باروی دے ایقان کوں اپنا ہیرو قرار ڈیندن۔ فارسی  
دے غلبے دی وجہ نال ساری دنیا دے شاعر عمر بھر شراب جام تے میخانے دے گن  
کاندے رہ گئے ہن، لیکن خواجہ فرید نے اپنی گاڑی لسی کوں نہیں چھوڑیا۔ اپنے وطن اپنے  
وسیب دے نال وابستگی دیاں مثالیں بہوں مل وین، لیکن جیڑھا عہد جیڑھی کٹ منٹ  
خواجہ فرید نے اپنے وسیب نال کیتی ہئی او تاریخ ادب انسانی دی تاباں مثل ہے۔ معیاری  
رجا ہیت دا جذبہ دنیا دے ادب و فن دا ہک زندہ مثالیہ ای مایوسی دے خلاف جنگ تے  
امید و منگ نال وابستگی تخلیق کاریں دا ہک نمایاں وصف ہے لیکن شعری رجا ہیت پرستی  
واجبہ ثبوت خواجہ فرید نے ڈتا ہے او تاریخ ادب دا ہک شاہکار ہے:



ہُن تھی فریدا شاد ول      مونجھاں کوں نہ کر یاد ول  
جھوکان تھیں آباد ول      اے میں نہ وہی ہک منیں  
مولوی عزیز الدین عزیز دے ترتیب دے ہوئے دیوان فریدی کافی  
نمبر 74 اپنا شعر ہے:

کیوں توں فرد تے جزو سڈاویں      توں گلی توں گل  
اے انسان توں فرد یعنی کھٹا کینی توں گل میں یعنی تمام و کمال دے مجموعے  
دا ہک جزو لہذا توں گل میں۔ تیڈی ذات اچ کائنات دے تمام جزو تے رنگ موجود  
ہن۔ تیڈی ہستی عینہ ہووٹ دے باوجود عینہ کینی توں ہک زندہ تے توانا اجتماع دی  
حیثیت نال قائم ہیں۔ تیڈی ذات کائنات انسانی دا او جو ہر ہے جیڑھ ذرے ذرے  
دے اندر موجود ہے تے سرگرم عمل ہے:

باغ بہشت دا توں میں مالک      خود بلبل خود گل فرش وی تیڈا  
اے دنیا اے باغ بہشت اے فرش اے عرش تیڈے دم نال قائم تے دائم  
ہن، تیڈا وجود ہے تاں اے وی موجود ہن۔ تیڈی ذات اس کائنات دے دوام دی  
ضامن ہے۔ انسانی فطرت دا عمیق مطالعہ تے مشاہدہ جذبے تے احساسات دے عمل  
تے تحریک دا ادراک جمالیات دے بنیادی مطالبے ہن۔ خواجہ فرید دے شاعرانہ وجدان  
وچ فلسفہ ہمہ اوست کوں ہک خاص اہمیت تے مقدم حاصل ہے۔ خواجہ صاحب اس  
عربی دے سچے پرستار تے پیروکار ہن۔ اپنا عقیدت تے محبت دے ہر مقدم تے ابن  
عربی کوں اپنا رہنما قرار دے لیکن جیڑھے ویلے خواجہ صاحب تے ”توں گلی توں گل“  
دی حقیقت واضح کیتی ہے اوں ویلے انہاں بیان اچ ہک خاص فرق نمایاں تے ظاہر  
تھیندا اپنا۔ سرائیکی زبان دی اے خوبی ہک خاص اہمیت رکھیندی ہے جو او ہمہ اوست  
دے مسلک دے اظہار واسطے ہک واضح تے وسیع تناظر پیدا کر دیندی ہے۔ اے آکھیا  
ونج سگدے جو ہمہ اوست دا اظہار بیان اس زبان دے حسن دا ہک حصہ بن ویندے۔  
سرائیکی زبان دی پرداخت تے پرورش اچ ہمہ اوست دا ہک خاص حصہ ہے۔

کافی نمبر: 113

ص نمبر: 117

پروفیسر شمیم عارف قریشی

رَت روندیں عمر نبھیاں      لگا تیر جگر وچ کاری  
ایہو داغ قبر وچ نیساں      میں مٹھری ڈکھڑیں ماری  
تھیا خون اکھیں توں جاری      اتھ رہن نہ ڈیندیاں پیراں  
ہے کیندے سانگ جلیساں؟      ڈنھ رات ڈکھاں دیاں بھیراں  
تھئے نیر ہنجوں تک سیڑھاں      سر سونیں دی گئی میندی  
ہُن موت دا ملک وسیاں      تتی قسمت رو دھے ڈیندی  
تھی کنڈڑے سچھ پھلیندی      کھل کھپدے وقت وہانے  
میں مٹھری کیڈے ویساں؟      بٹھ بار حمیلاں گاہے  
بٹھ پھلون تول وہانے      بڈ جالیئے تڑکیں آہیں  
بھن چوڑا اگ اڑیاں      میں ویساں یار دے راہیں  
تن گالیئے ٹھڈڑیں ساہیں      وچ کچج فرید منیاں

رَت روندیں عمر نبھیاں      لگا تیر جگر وچ کاری  
ایہو داغ قبر وچ نیساں      میں مٹھری ڈکھڑیں ماری  
تھیا خون اکھیں توں جاری      ہے کیندے سانگ جھلیساں  
ایں کافی اچ خواجہ صاحب نے درد و فلسفہ کمال بیان کیتے۔ درد ڈکھ تے غم  
خواجہ صاحب دے نزدیک ہجر فراق دی پیداوار ہن۔ کیوں جو انسان بنیادی طور تے



رل وں واسطے پیدا تھئے۔ ماہرین عمرانیات انسان کو بجا طور تے سوشل اینیمل Social Animal آہدن۔ خواجہ صاحب دیں کافیاں ایچ انسان دی حیاتی Togetherness تے Apastress وصال تے فراق دی داستان اے۔ وصال دیاں گھڑیاں بہوں گھٹ ہن تے ہجر فراق بہوں طویل اے۔ غم تے ڈکھ دی ایہا شکل کم و بیش ہک فلسفے دی شکل ایچ ساکوں خواجہ صاحب دیاں کافیاں ایچ فن دیا بہوں بلندیاں ایچ نظر آندی اے۔

اونویں ڈٹھا ونجے تاں غم تے ڈکھ دا فلسفہ یونانی مفکر ہیراکلیٹس Hiralyltus توں رکھ کے آج دے زمانے تیں آرٹ دا موضوع بنیا ریہے۔ پرایں فلسفے کوں جذبات دی شدت دی جیڑھی سطح خواجہ صاحب شاعری وچ عام طور تے آتے ایں کافی ایچ خاص طور تے ڈٹی اے او آرٹ دی دنیا ایچ بہوں گھٹ نظر آندی اے۔ ایں تصور کوں خواجہ صاحب نے سندھ وادی دی بہوں وڈی المیاتی داستان دی مرکزی کردار سستی دی زبان ایچ جیویں بیان کیتے اوہیا کہیں شاعر دے وس دی ڳالھ نظر نہیں آندی۔

ایں کافی دی استھائی توں رکھ تے انترے تیں ڈکھ دا ہک سمندر اے جیڑھا واہندا ہوا یا لگدے۔ ملاحظہ فرماؤ:

رت روندیں عمر نبھیاں ایہوداغ قبر وچ نیساں

رت رووٹ دا محاورہ ڈکھ دے بیان دا انت اے۔ جیندی انتہا انسان کوں موت تک پہنچا ڈیندی اے۔ ایندے ایچ ہک مسلسل انتظار دی کیفیت وی کتھائیں موجود اے۔ محبوب دا وچھوڑا اپنی جاہ تے ہک دردناک حقیقت اے۔ پر اوندی وڈی حقیقت او غم تے ڈکھ اے جیڑھا ہمیش کھڑے۔ فارسی شاعر دے بقول:

ہزار عیش تصدق کنم بر قطرہ غم

کہ عیش خواب و خیال است و غم مدام رفیق

غم دی جوت اصل ایچ ٹر گئے محبوب نال جوت اے جیڑھا ہن سا منے کوئے نہیں پر غم اوند اچھا نواں ہن تے سر تے کھڑے۔ کافی دے آوٹن آ لے بند مثال دے طور تے:

سر سوئیں دی ہگئی میندی تھی کنڈڑے سچھ پھلیں دی

تتی قسمت رو دھے ڈیندی میں مٹھڑی کیڑے ویساں

اے سارا غم دا ہک مسلسل اظہار اے۔ پرایں سارے غم دی تان غم تے نہیں ٹرندی۔ وصال دی رل وں دی امید جیڑھی خواجہ صاحب دے کلام تے ونج کھڑی اے۔ ایں کافی دے انترے ایچ اپنی پوری طاقت نال کھڑی اے۔ سستی غم دا پہاڑ سر تے چا کے ڈھندی پوندی ویندی ول وی کیچ دو پئی اے۔ سستی دی امید فی الحقیقت فرید دی امید اے جیڑھی ہر طاقت توں وڈی طاقت رکھدی ہے اتے کیچ یعنی منزل مراد تک پہنچا ڈیندی ہے۔ اے فیصلہ کن شعر ملاحظہ فرماؤ:

میں ویساں یار دے راہیں ونج کیچ فرید مٹیاں



افلاطونی نظریے تائیں مفاہیم دا ہک سمندر اے جیڑھا ٹھاٹھاں مریندا ہو یا نظر  
آندے۔ ایندے ایچ جزوتوں گل آلے پاسے تھیندا ہو یا ہک پنڈھ وی ڈسبے  
مخوق توں خالق آلے پاسے ہک چھک وی موجوداے، عشق دا عالمی آتے انسانی جوت  
دا تصور وی ہے انساناں کوں انساناں کنوں تروڑن دے خلاف نفرت دا اظہار وی ہے  
آتے ایں نفرت کوں ختم کرن دی ہک جدوجہد وی نظر آندی ہے۔ آتے انھاں سارے  
تصورات توں ودھ۔ کے محبت دی بنیاد تے مخلوق آتے خالق دے ازلی آتے ابدی  
سکوت یا رشتے دی جان سنجان وی قائم کیتی گئی اے۔ مخلوق دا خالق نال، معشوق دا  
عشق نال جز دا گل نال اے سکوت، عشق دی صورت ایچ جیڑھی انٹ آتے لازوال  
بنا پیندی ہے۔ اے طاقت ”انا الحق“ دی صورت ایچ منصور حلاج بندی اے۔ ”ہل  
من نصر“ نصرنا“ دی شکل اے حسین ابن علی بن ویندی اے۔ آتے ”ایلی ایلی لاما  
سبتانی“ دی مثال ایچ عیسیٰ ابن مریم بن ڈسدی اے۔ ایہا چھک ایہا سک جیندی  
نشاندہی تے سنجان خواجہ صاحب نے فرمائی اے۔ بہلول لودھی کوں تخت چھوڑ دریا  
تے ونج پھیندی اے، مہا تماہدھ کوں ہر شے تیاگ کے کپل وستودی گدی کنوں گیا  
دے جتگلیں ونج سٹیندی اے، میرامانی کوں راج کماری توں ملنگنی وی بنیندی اے۔  
آتے خود خواجہ فرید ساکین سرکار کوں کوٹ مٹھن آتے سندھ ساگر چھوڑ کرائیں روہی بر  
ایچ اٹھاراں سال رولیندی اے۔ ہک دی سک آتے سک دی چھک ای انسان کوں  
دیوتا بن کے تاریخ دے صفیاں ایچ امر کر پیندی اے۔

ہک ہے ظاہر ہک ہے باطن  
پیا سب کجھ ہالک ہے  
مقناطیس تے لوہے وانگن  
ہوں ڈوں دل دی چھک ہے

انہاں شعراں ایچ عشق و محبت دی آفاقیت دا تصور اے۔ عشق دی اکھ نال

پروفیسر شمیم عرف قریشی

کافی نمبر: 268

ص نمبر: 255

ہک ہے ہک ہے ہک ہے  
ہک دی دم دم سک ہے

ہک دے ہر ہر جاء وچ دیرے  
ہک ہے ظاہر ہک ہے باطن  
مقناطیس تے لوہے وانگن  
جیڑھا ہک کوں ڈوں کر جانے  
مطلب ڈاڈھا سخت نزکی  
ساڈے سر سر واہ دا سارا  
درد دا بار اٹھا نہ سگدی  
روز ازل دی دلی میڈی  
جند دے نال خیال خدائی  
یار فرید سنجان کیتے

ہک ہے ہک ہے ہک ہے  
ہک دی دم دم سک ہے  
ہک دے ہر ہر جاء وچ دیرے  
کیا اُچ ہے کیا جھک ہے

ایں کافی ایچ ساکوں وحدت الوجود دے تصور توں رکھ کے محبت و عشق دے



ڈیکھو تاں ہر شے آپ ای آپ لگدی اے۔ مقناطیس تے لوہے دی تشبیہ وی بہ  
 ہووٹ کون ظاہر کریندی اے۔ خواجہ صاحب دی ایس کافی ایچ ہک ہووٹ داتکرار جذبہ  
 دی شدت دے نال نال ہک ہووٹ دے تصور دے اُتے نہ ہلن آ لے ایمان کون وی  
 ظاہر کریندی اے۔ ایس کافی ایچ خواجہ سنیں دی ایہا کیفیت دیگر صوفیاء اُتے فطرت  
 نگار شاعران کنوں الگ وی کریندی اے۔ انگریزی زبان دے صوفی شاعر ورڈز  
 ورتھ کنوں رکھ کراہیں انویویں اُتے ویہویں صدی دے برصغیر دے صوفی شعراء بھ  
 شاہ شاہ حسین اُتے سلطان باہوئیں تائیں وحدت الوجود اُتے بندے تے رب  
 دے موضوع کون شدت جذبات دی جیڑھی سطح خواجہ صاحب نے قائم کیتی اے او  
 ساکوں بہوں گھٹ کتھائیں نظر آندی اے۔ ایس حوالے نال ایس کافی کون ایس  
 موضوع دا شاہکار آکھیا ونجسگدے۔

کافی نمبر 236  
 ص نمبر 226

جاوید چانڈیو

سوہنے یار باجھوں میڈی نہیں سردی  
 تانگھ آوے ودھدی سبک آوے چڑھدی

دل پارے پارے سردھارو دھارے	کیتا ہجر تیڈے میکوں زار و زارے
رب میلے ماہی تھیں دھانہہ کردی	مونجھ وادھو وادھائے ڈکھ تاروتارے
شالا پا کے پھیرا تچھے حال میرا	سوہٹا یار ماہی کڈیں پاوے پھیرا
راتیں آپیں بھردی ڈینہاں سولاں سڑدی	دل درداں ماری ڈکھاں لایا دیرا
میں منتاں کردی تروڑی ویندایاری	پنوں خان میرے کیتی کیچ تیاری
سٹ باندی بردی تھیں باندھی بردی	گئی نہیں چلدی کیا کیجے کاری؟
غم باجھ اُس دے پیاسا نہ بھرساں	رو رو فریدا فریاد کرساں
کہیں لاڈ کھائی دل چوٹ اندردی	ج تھیسیم میلا جا رلدی مرساں

سوہنے یار باجھوں میڈی نہیں سردی

کہیں جا اکھ تھہرن کتھائیں دیدٹکاؤں کہیں ہک نقطے تے توجہ مرکوز  
 کرن کہیں نظارے وچ اینویں گم تھی وچن جو پورا وجود اکھ بن ونجے۔ تصوف دی  
 پرانی رمز وچ ایہو دھیان مراقبہ یا ارتکاز ہوندا ہئی۔ جدید نفسیات اینکوں  
 Meditation اکھیندی ہے ایہا میڈی ٹیشن دھیان یا دیدٹکاؤں بندے کون ہک



واری کٹھا کر پیندے۔ اونویں تاں سوئیں وچ ونڈیا ہوئے سوئیں داما ریا ہوئے  
سوئم ان جیرھے رٹن سوڈران وہمن جیرھے ہر وکھتے واکت پئی کھڑن۔ ساری  
حیاتی انہیں کمیں واکھیں وچ ونڈت وینا اے۔

بندے دے اندروں کوئی مک تندی رہ ویندی اے جو حیاتی دے اے  
جھیرے نہیڑ گھنن تے اپنا آپ کٹھ رڈیکھاں۔ اپنی پوری مورت پوری تصویر  
ڈیکھاں بندہ۔ پورا بندہ کیوں کٹھتی ہلدے؟ فلسفی، سائنس دان، شاعر، ادیب، دانشور۔  
کسے سچیندے رہ گئے۔ اوکیرھی قوت عے جیرھے پورے وجود کوں اکھ بنا ڈیوے۔  
بے انظارے وچ کائنات ڈکھا ڈیوے۔ صوفی آکھیا جو عشق اے۔

عشق وچ کوئی کبھی سچی، اُتلی کوں بدلہ وٹاندر نہیں ہوندا۔ اینویں آکھو جو  
عشق وچ کوئی اختیار کوئی Option میں ہوندا۔ جو ایں نہ تے اوں کر گھنوں، عشق  
سارے سواس، سارے وابہ مٹا پیندے۔ پورے وجود کوں بکی جاتے کٹھا کر  
ڈیندے تے بک واری پورے وجودن اکھ نال کائنات کوں کٹھاؤں وی ڈیکھ گھنے  
تاں بندہ پورا تھی ویندے۔ اوندی پہلی تنک پہلا چکر پوندے تاں خواجہ فرید دا اے  
تجربہ سمجھ آندے جو:

سوہنے یار پا جھوں میڈی نہیں سردی

ایہہ عشق دانکتہ آغاز ہے منڈ ہے۔ عشق او بھہ ہے جیرھے ہک ذات دے  
سو باقی ہر شے کوں ساڑتے کیری کر چھویندی ہے۔ سوا کر پیندی ہے۔

اساں خواجہ فرید سیں دے دیم کوں جھنڈ ویلھے بک کٹھ ضرور ذہن وچ  
رکھیں جو ”دیوان فرید“ دیاں 271 کافیاں بکے ویلھے بہہ تے نہیں لکھیاں گیاں  
۔ اے تاں 1845ء کنوں 1901ء دے وچالے 56 ورہیں دی حیاتی دے تجربے  
ہن۔ اے تاں نکلے جھیں پوٹے کنیں کن راہیں گھائے چھ نورے وٹ تھیون پتیں  
دے پھل، پھل، پونہلاں تے پتر ہن۔ تنہایں سویل دے مٹھ دے سرے لے گیت ہن

تے کٹھ کمیں حسن دیاں حیرتاں ہن۔ کٹھاپیں تئیں ڈوپہراں تے تھل دیاں لٹھیں  
ہن تے کٹھاپیں لہندیاں شاہاں ہن۔

اے کافی اپنے مضمون، موضوع تے احساس دے حوالے نال عشق دے  
تجربے دیاں منڈھلیاں کافیاں دا حصہ لگدی اے۔ عشق دیاں میڑھیں ہن، چھلاں  
ہن۔ اے حسن دیاں حیرتاں کنیں اگے مرحلے دی گالھ اے جیرھے ہلے حسن لگ چھپ  
کھپدے تے عشق صبر آرام قرار جیہاں نہیں ونجا پیندے۔ ایں مرحلے وچ پچھوں  
تے وٹن دی راہ نہیں ہوندی۔ قدم چھڑا گیتے ودھ سگدن۔

سوہنے یار پا جھوں میڈی نہیں سردی

تاں گھ آوے ودھدی سک آوے چڑھدی

صوفی دے نزدیک عشق، ہجر کوں مکاؤں دا کلہا ترلا ہے ایندے پا جھوں ہجر  
جدائی، چھوڑے، فراق یا دوئی کنیں جند چھڑاؤں ممکن کوئی تے ایں کافی دامر کزی خیال یا  
ایندی استھائی ہجر دی دوا ہے تے ایندے اترے یا باقی بند ہجر دیاں تفسیراں ہن۔

کیتا ہجر تیڈے میکوں زار وزارے

دل پارے پارے سردھارو دھارے

مونجھ وادھو وادھے ڈکھ تارو تارے

رب میلے ماہی پیٹھی دھانہہ کردی

سوہنا یار ماہی کڈیں پاوے پھیرا

شالا پا کے پھیرا، کچھے حال او میرا

دل ورداں ماری، ڈکھاں لایا دیرا

راتیں آہیں بھردی ڈینہاں سولاں سردی

اے ہجر کیا ہے؟ فراق کیا ہے؟ دوئی کیا ہے؟۔ ایہوتاں او سوئی ہے جیرھے  
بندے کوں اندروں کھ دی ویندی اے۔ بندہ ہر شے کوں ڈیکھدے پر کوئی شے اونکوں



نہیں نظر دی۔ بندہ ہر کہیں کوں ملدے پر کہیں نال وی اوندی ملاقات نہیں تھیندی۔  
 بندہ نماز وچ رب دالملاقاتی تھیون ویندے پر کہیں جھاتی باجھ ول امدے۔ بیٹھا ہک  
 نال ہوندے سوچندا پئے بارے پئے۔ کوئی لمحہ کوئی لحظہ حال دانئیں۔ موجود دانئیں،  
 ڈٹھے دانئیں۔ سبھ گاہیں ماضی یا مستقبل دیاں ہن۔ جو لنگھ گئے اوندی یاد اے یا ول جو  
 تھیونے اوند اوسواس اے۔ جو تھیندا پئے اوندے نال روح نہیں رلد اے وجود نہیں  
 رچدا۔ سارے منظر ڈیکھتے وی اکھیں دے کا سے خالی رہ ویندن۔ کتھائیں پورا بندہ  
 کٹھائیں تھیندا کتھائیں پورا وجود اکھ نہیں بند ا۔ ایہو فراق اے بندے دارب نال،  
 بندے دابندے نال، بندے داکائنات نال ایہو کہیں اگلی سطح تے دوئی اے جینکوں  
 خواجہ فرید اکھیندے جو عشق دے درد نال ای دھوسگدیں۔

درد فرید ہمیشہ ہووے سارے پاپ دوئی دے دھووے  
 رہندی تانگھ تے تان پہنچاں پریم نگر وچ  
 کہیں شے تائیں نہ پچ سگھن دا ڈکھ کہیں کوں نہ ملن دا ڈکھ اپنے ادھور  
 اپنے فراق اپنے وچھوڑے اپنے ہجر دا ڈکھ بلکہ شدید ڈکھ او کیفیت پیدا کریندے۔  
 بندے کوں اول حالت وچ گھن امدے جتھاں او دوئی دے پاپ کوں دھوسگدے۔  
 اپنے اندر و سدی کائنات کوں اپنے باہروں و سدی حیاتی نال بگنڈھ سگدے۔ ہر  
 وقت ہر لمحے حال وچ رہ سگدے۔ حیاتی دی ریل گاڑی دی دری وچوں تکھپ نال  
 لنگھدے مناظر کوں اکھ دی سفیل تے سانبھن دا ہنر چھڑا عشق کوں امدے۔ جیندے  
 بعد ہر منظر بندے دے اندروں ساہ گھندے۔ سچل سرمست دا ہک سندھی شعراے:

نہ کو ماضی من میں نہ کو استقبال

سچ پروڑ یو صوفین جنیں ہتھ میں حال

سچل سائیں اکھیندے جو نہ من وچ کوئی ماضی ہے تے نہ مستقبل۔ سچ

چھڑا صوفیں لدھے جنہیں دے ہتھ وچ حال ہے

ایں جال کنیں فراق وچ جیون والے بندے دی حیاتی ڈکھ ہے ایں ڈکھ  
 کنیں نجات دی راہ عشق اے جیندے وچ وجود کوں کٹھا کرن کنیں سوا پی کوئی راہ کوئی  
 اختیار کوئی Option نہیں ہوندا۔ چھڑا ہکوراہ ہوندے جو:

سوہنے یار باجھوں میڈی نہیں سردی

باقی ہر شے کنیں انکار۔ چھڑا ہک لحظہ ہک لمحہ ہتھ وچ ہووے پیا تاں سبھ کجھ  
 اوندے نال ای لہجہ پوسی تے ایں گول دے پندھ وچ ہر شے داتے لائی وچ سگھدی اے۔

پنوں خان میرے کیچ کیتی تیاری

میں منتاں کردی تروڑی ویتدا یاری

کئی نہیں چلدی، کیا کیجے کاری

سٹ باندی بردی، تھیںساں باندی بردی

رو رو فریدا فریاد کرساں

غم باجھ اُس دے پیا ساہ نہ بھرساں

جا تھیںسم میلا جا رلدی مرساں

کہیں لا ڈکھائی دل چوٹ اندر دی

خواجہ فرید دیاں ساریاں کافیاں وچ ایہو ہک سنیہا ہے جیڑھا مختلف روپ  
 وٹیندے۔ حیاتی دے فراق کوں ادھور کوں مٹاؤن کیتے خواجہ فرید کہیں مفاہمت کہیں  
 کپروماز تے تیار نہیں۔ عشق سوائے وصال دے ملاپ دے اپنی ہی کوئی قیمت قبول  
 نہیں کریندا۔ باندیاں بردیاں، بانہیاں، کنیراں سٹ کراہیں، خرقے تے دستار چھوڑ  
 کراہیں بر بیابان، تھل ریگستان دے پندھ کرن تاں منظور ہن پر یار باجھوں رہن ممکن  
 نہیں۔ یار باجھوں رہن تاں ادھوراے فراق اے دوئی اے پاپ اے۔ ایں پاپ  
 کوں مٹاؤن فرید اپنی حیاتی وچ جدوجہد کیتی ہے تے اپنی شاعری وچ وی اوند ای اولنا  
 'اوند ای عکس ڈکھائے۔' سوہنے یار باجھوں میڈی نہیں سردی،' بک اتجھے عمل دی



راہ ہے جیندا انت ایں گالچھ تھیندے جو:

جا جھیسم میلا جا رُلدی مرساں

ایہا منزل تائیں بجن دی سیک، مقصد نال سچا پیار، حیاتی دے آخری ساہ  
تائیں جد و جہد، تن پان، خواجہ فرید کوں اساڈا رہبر، اساڈا امرشد، اساڈا شاعر بنیندی اے  
- حیاتی دا بنیادی سچ عشق تے فراق دے احساس، جے کڈا ہیں مک و بجن تاں فرید دا  
ناں وی مک ویسی نہ تاں جے تائیں انسانی حیاتی وچ اگیوں تے ودھن دی سیک ہے  
پئی اوتائیں فرید، اساڈی رہنمائی کریندا رہسی۔

کافی نمبر 222

ص: 116

ظہور احمد دھریچہ

روہی وٹھری ٹوبھا تار وے

آمل توں سینگا یار وے

تھئے تھلے، باغ بہار وے	چودھار گل گلزار وے
کتھ پتکھیں دے چھنکار وے	کتھ شیاں دے گھپکار وے
کتھ گاج دے ددھکار وے	کتھ کھٹمن دے لسکار وے
پئے ٹھہندے ہار سنگار وے	سُرخ تے کجلہ دھار وے
آئے سکھ سہاگ دے وار وے	گئے ڈکھ وی آردے پار وے
سینگیاں وسن گھر یار وے	لا گل سمھن دلدار وے
ہک میں رلی آدا سار وے	ڈکھ سول نال وپار وے
توں ہن فرید خوار وے	رت ہنجدوں رووٹ کار وے
ول جلدی موڑ مہار وے	نتاں مرساں وار وار وے

روہی وٹھری ٹوبھا تار وے



دیوان فرید وچ 222 نمبر تے آون والی کافی

روہی وٹھری ٹوبھا تار وے

آمل توں سنگا یار وے

یار ہاں شعراں تے مشتمل ایس کافی دے تمام شعراں وچ روہی وچ بارش تھیون نال ٹوبھے تار تھلڑے باغ بہار، مینگھ ملہار، پکھیا ندے چکار، ٹیاں دے گھبکار، تاج دے دھدکار تے کھیڈن دے لسکار دا ذکر ملدے۔ شاعر مناظر فطرت خواجہ غلام فرید یسیں روہی وچ مینہ و سٹ یا بارش تھیون دی منظر کشی جیسی طرح کیتی اے ایس طرح دی منظر کشی آج تک کوئی نی کر سکیا، کافی دا ہک ہک بول سونے نال تول گھنن دے ڈا دا ہے۔

خواجہ فرید گوں روہی نال عشق ہا، انہاں دیوان فرید وچ سینکڑاں جہیں تے روہی دا ذکر وڈی سک، محبت تے عقیدت نال کیتے، روہی خواجہ فرید دی شاعری دا وڈا حوالہ تے وڈا استعارہ ہے، کلام فرید وچ جاہ جاہ تے اسا کوں روہی دے وٹ پوٹے ذاتیں دی جس چوائی اے آپ دے کلام وچ روہی دے لئی لائے، کرڑ کنڈا، چال جلوٹے، تے کھپ کھاروں دا ذکر ملن دے نال نال روہی واس، روہیلیں دے رہن، سہن، رسماں ریتاں، مرجی، خوشی غمی تے بکھ ترہہ دا ذکر ہک وارنی، وار وار بلکہ کئی سو وار آئے۔ خواجہ فرید یسیں کوں اپنی دھرتی، اپنی مٹی اے اپنے وسیب نال بے پناہ محبت ہئی، ہک جاہ تسی تے تڑی روہی کوں ایس طرح نذرانہ عقیدت پیش فرمیدن:

میڈا ملک ملہیر تے مارو تھلڑا

روہی چولستان وی توں

ہک بئی جاہ روہی دے پانی تے اوندے ہر قطرے کوں آب کوثر، مٹی تے گرد غبار کوں مشک تے عنبر، کرڑ کنڈے کوں شمشاد تے صنوبر حتی کہ خار کوں وی بہار نال تشبیہ پیندن ملاحظہ فرماؤ ہک کافی دا خوب صورت بند،

ہر ہر قطرہ آب ہے کوثر

گرد غبار ہے مشک تے عنبر

کرڑ کنڈا شمشاد صنوبر

خار دی شکل بہار دی ہے

خواجہ فرید روہی کوں اپنی محبت تے شاعری دا موضوع بٹاتے چھی ہزار سال پرانی تہذیب کوں زندہ کر چھوڑے، تاریخی اعتبار نال سرائیکی علاقے کوں ست دریادیں دی سر زمین آکھیا ویندے انہاں ست دریادیں وچوں ہک روہی دا خشک دریا داناں دریائے سرسوتی یا دریائے ہاکڑہ ہے آج جتھں روہی دے ریت والے ٹپے ہن، چار ہزار قبل مسیح اتھاں پہوں وڈا دریا و ہندا ہاتے ایندے آس پاس شہر تے وستیاں آباد ہن، ماہر آثار قدیمہ ڈاکٹر رفیق مغل ہوراں اپنی تحقیق تے ریسرچ دے ذریعے روہی دے چار سو شہریں تے وستیں دا کھوج کڈھیے اے روہی دے ٹپیں وچ دفن ہک عظیم تہذیب کوں دریافت کریندے ہوئے لکھے جو او وادی ہاکڑہ دی تہذیب دا تعلق موہنجودڑو، ہڑپہ تے چار ہزار قبل مسیح عراق دی سومیری تہذیب نال ملدے۔

عرض کرن دا مقصد اے ہے جو چھ ہزار سال روہی دی تہذیب ریت وچ دفن رہ گئی کہیں گالھ نہ چولی پر سو سو سال پہلے سرائیکی دھرتی دے ہک عظیم فرزند نہ صرف 23 سال روہی وچ قیام کیتا بلکہ روہی کوں اپنی شاعری دا موضوع بٹاتے اینکوں ہک نویں حیاتی تے ہک نویں زندگی عطا کرتے کہیں ہک دانی بلکہ ہر ہک دی محبت دا مرکز بناتا۔

روہی دے بوکیں دی سب توں وڈی آرزو خوشی تے نعمت پانی ہے، روہی وچ پانی دا ذریعہ صرف اے صرف بارش ہے۔ روہی وچ مینہ و س پو وے تاں اتھاں سب توں وڈا جشن منایا ویندے۔ ایس جشن وچ روہی دے انسان تاں انسان حیوان دی خوشی توں جھمراں تے دھماں پیندے و دے ہوندن اے پکھی پرندیاں دی چہکار



مہکار دے نال نال لئی لائے تے وٹ پوٹے وی جب گلزاراں لائی کھڑے ہوندن  
جیکر روہی وچ منظر اچھا سوہنا تے سہانا ہووے تاں محبوب تے متر بہن ملن دی سک  
مونہ تے تانگھ سوالی تھی ویندی ہے اس واسطے آپ فرمیں دن:

روہی وٹھڑی ٹوہا تاروے آمل توں سنگا یاروے  
تھئے تھلڑے باغ بہاروے چودھار گل گلزاروے  
ڈینھ رات مینگھ ملہاروے وچ پکھیندے چہکاروے  
پئے ٹھاندے ہار سنگھاروے سُرخ تے کجلہ دھاروے  
کافی دے چھیکڑ وچ فرمیں دن:

ول جلد موڑ مہاروے نہ تاں مرویاں وارو واروے

میڈے پیر فرید سیں جتھاں روہی وچ بارش تے خوشی دا ذکر کیے اُتھاں  
روہی دی تریہہ تے پیاس دا ذکر کیے اُتے درد مندی نال ڈسائے جو روہی وچ پانی نہ  
ہووے تاں اُتھاں انسان تے انسانیت دا کیا حال ہوندے؟ لوک تریہہ توں کیویں  
مرویندن اُتے انہاندے لاشیں دے کرنگے کیویں بنڈن؟ چنانچہ آپ فرمیں دن:

کول نہ نیتم ڈھول ولیندے روہی رو لیم کرنگ دے

ہئی جاہ فرمیں دن:

روہی راوے رُلدی بہت قدم قدم تے بھدی  
کڈیں تھک پھندی کڈیں جلدی ہٹ سنانول یار وہر کر

”ہٹ سنانول یار وہر کر“ والی لائن کل وی تے آج وی ارباب اختیار کوں

دعوت ڈیندی نظر آمدی اے جو روہی والیں دی تریہہ تے پیاس کوں وٹاؤن کیے پانی  
دا انتظام کرن کیے وہر یا جلدی کرن دی ضرورت اے۔ روہی وچ ہزار ہا سالیں توں  
جیڑھے لوک ڈھپ تریہہ ویرانی پریشانی تے بے سروسامانی دے وجود اژدھا  
بلائیں تے موت دا مقابلہ کریندے آمدن اولوک واقعی عظیم ہن اسانڈن مٹی اسانڈی

دھرتی آتے پیارے وطن پاکستان داماں تے فخر ہن دُعا ہے روہی وس پووے روہی  
دے ٹوہے تار متاراں تھیون نہ صرف روہی دے برسر زمین بلکہ زیر زمین ٹوہے وی  
تار متاراں تھیون پانی دی سطح اُتے تھی آوے اُتے ہک واری دل روہی دی تہذیب  
روہی دے شہر تے وستیاں آباد تھی آون۔ ہاکڑہ دریا رُس گئے ستلج کوں اساں رُسا  
ڈتے تے ول وی روہی واس دی ایہا دُعا ہر ویلے زبان تے ہوندی اے جو شالا روہی  
وس پووے اُتے خواجہ فرید دا اے فرمان پورا تھیوے:

روہی رنگ رنگیلی چک کھپ ہار جمیلاں پاوے  
پوٹے پوٹے گھنڈ سہاگوں گیت پر م دے گاوے

آج روہی کوں آتے روہی بارے خواجہ فرید دی شاعری کوں ہک واری ولا  
ڈیکھن تے پڑھن دی ضرورت اے ریسرچ تے تحقیق دی ضرورت اے جڈاں خواجہ  
فرید دی روہی کوں خواجہ فرید دے نظریے تے خواجہ فرید دی اکھ نال ڈٹھا ویسے تاں  
روہی دا ہر ہر پڑہہ اسا کوں کوہ طور (حضرت موسیٰ تے خدا دی ہمکلامی دا مقام نظر  
آوے)۔



عشق اولڑی پیڑ وو لوکاں خبر نہ کئی

خواجہ فرید دی ایہہ کافی عشق دے حالات و واقعات اتے کیفیات دا پس  
ڈیندی اے۔ جینویں ساڈا ہک اکھاں اے جو ”جھتے پلے بھاہ سڑے او باجا“ ایس کافی  
دی استھائی وی ساکوں ایہا گالھ ڈسیندی اے جو عشق ہک انوکھڑن پیڑ اے۔ جیرہی  
جینکوں تھیندی اے اونکوں ای اوندا پتہ لگدے۔ نہاں لوکاں کوں ایندی خبر و چار تئیں  
نہیں ہوندی۔ خواجہ فرید ایہہ موضوع اپنی بہوں ساریاں کافیاں وچ نبھائے تے  
جینویں جینویں انہاں دیاں کیفیات تبدیل تھیندیاں ریہاں اونویں انہاں دا اظہار  
وی دکھو دکھاں گان تے ڈھنگاں نال کریندے ریہے جینویں:

کیا حال سٹانواں دل دا

کوئی محرم راز نہ ملدا

عشق مجازی توں عشق حقیقی دا پندہ دراصل انفرادی عشق توں اجتماعی عشق  
تئیں دا پندہ اے جینویں مولوی لطف علی فرمائے:

”بے تحقیق حقیقت کیسے عشق مجازی پوڑی“

کوئی وی صوفی شاعر جیرہی ویلھے مجازی عشق توں حقیقی عشق آ لے پاسے  
سفر کریندے تاں او انسانیت دے اجتماعی شعور و لاشعور ڈکھ درد تئیں کوں محسوس  
کرن والا تے انہاں دا ترجمان بن ویندے جیکر ساری انسانیت کوں اسماں جسم قرار  
ڈیوون تے ہک صوفی شاعر اوں جسم دا ”دل“ ہوندے جیرہی انسانیت کوں بچن آ لے  
ڈکھاں تے سولاں کوں ڈکھ کوں اپنا ڈکھ محسوس کریندے جینویں اساڈا اپنا دل۔ صوفی  
انسانیت دے ڈکھ کوں اپنا ڈکھ محسوس کریندے اتے اوندے تے گر لاندے۔

زیر بحث کافی وچ عشق و ہجر دی واردات کوں بہوں فنکارانہ طریقے نال  
نبھایا گئے۔ درد ڈکھ تے سول کوئی نظر آون آلیاں شیاں کینی بلکہ محسوس کرن آ لے  
جذبات ہن او وی اپنے ڈو جھیاں دے ڈکھ درد تاں قلب سلیم نال ای محسوس تھی

کافی نمبر: 241

ص نمبر: 230

پروفیسر مختار علی شاہ

عشق انوکھڑی پیڑ

سو سو سول اندر دے

نین	دہاوم	نیر	الڑے زخم جگر دے
برہوں	بکھیرا سخت	اویڑا	خویش، قبیلہ لاوم جھیرا
مارم	ماء پیو	ویر	دشمن لوک شہر دے
تانگھ	اولڑی	ساگ گلدی	جندڑی جلدی دلڑی گلڑی
تن من	دے وچ	تیر	ماریے یار ہنر دے
غمزے	سحری	رمزاں ویری	اکھیاں جادو، دید لٹیری
ظلمی	زلف	زنجیر	پچی پچ قہر دے
پیت پتل	دی سک	پل پل دی	مارو تھل دی ریت پچلدی
ڈکھ	لاون	تڑ	بھیڑ
ٹول	نہالی	ڈیٹ	ڈکھالی
لوں	لوں	لکھ	لکھ چیر
یار	فرید	نہ	پایم پھیرا
سڑ	نگیم	سیس	سریر



کلام وچ بعض تصوف اُتے شاعری ایس طرحاں رچ بس گئیں جو انہیں کون انج کرٹ  
ممکن کوئے نی۔ میں اُج صرف خواجہ سنیں دی شاعری تے ہک کافی دے حوالے نال  
گالھ کریاں جیڑھی جو سستی دے رومان دے پس منظر وچ آکھی گئی ہے۔ شاعری  
بلاشبہ انسان دی واردات قہی دے سوتے اظہار داناں ہے پر ایہہ سوہنا اُتے مناسب  
اظہار موثر ابلاغ دے باجھوں ممکن نہیں ہوندا۔ خواجہ فرید نہ صرف جذبات احساسات  
دے اظہار اُتے قدرت رکھدے ہن بلکہ لفظیں دے موثر استعمال بارے وی پوری  
طرحاں نال چاٹ وندی رکھدے ہن۔ انہیں دی ہک کافی ہے:

ویندیں ول کچ دو پُتل کیندے کان

ایہہ کافی میڈے خیالات دی تصدیق کریندی ہے۔ وڈی شاعری اظہار  
دے اتجھے ذریعے اختیار کریندی ہے جیڑھی جو محض پراپیگنڈہ نہیں بندی مگر اوندے  
متن وچ ہزار ہا معنی لکینے کھڑے ہوندن۔ کافی دے ایس پہلے شعروچ خونی رشتیں دی  
اتجھی ہک کشمکش دا اظہار چھپیا ہویا ہے جیڑھا سستی کون سمجھ نی آندا۔ او سمجھدی ہے  
جینویں میں بے سارے سابقہ خونی رشتے تروڑ کراہیں پنوں نال جُو گئی ہاں ڈو جھے  
پاسوں وی اینویں تھیں حالانکہ پنوں دے بھرانویں دے درمیان بھر پی اُتے خون دا  
جیڑھا طاقتور تے مقدس رشتہ موجود ہے او کہیں دھاگے دی تند وانگوں نہیں پیا ٹرٹ  
سگدا۔ پنوں دے بھرا اجنبی رشتے اُتے اجنبی دھرتی دی بجا ہے اپنے اصل خونی سبک  
تے ماء دھرتی دو چھک وچن دی کوشش وچ ہن۔ جڈاں جو نا تجربہ کار سستی محبت دے  
بڈے ہوئے جذبیں نال ہک ارداس کریندی رہ ویندی ہے:

توں ہئیں ساڈی دل دا جانی

ڈکھری دل داماں

نازادادی جانی لائیوں

جان جگر وچ کاٹ

کافی نمبر: 138

ص نمبر: 138

محمد اسلم رسولپوری

پُتل کیندے کان ؟

شہر بھنبھور ، سیوہان

ڈکھری دل دا ماٹ

جان جگر وچ کاٹ

غم گھڑی ، ڈکھ ڈاٹ

ہاں تیڈی ، چاٹ نہ چاٹ

وین تتی دے واٹ

ہے مشہور اکھاٹ

مارم سول وڈاٹ

سے لُوھ بگئے ہیں گھاٹ

باجھوں یار ، فرید نبھایا

جیوے کیندے تراٹ

ویندیں ول کچ ڈوں

جیندیں ساتول رل مل مانوں

توں ہیں جیوٹ جوگا ساڈی

ناز ادا دی جانی ! لایو

ڈتڑی جمدیں امڑی مٹھری

ایں جگ اوں جگ مویں جیندیں

توں ہن گاؤں یار مٹھی دے

جے ڈپنھ بھلے مڑوی بھلے

درمٹھا چک چونڈھیاں پاوے

لیلی ، مجنوں ، ہیر زلیخا

بلاشبہ حضرت خواجہ غلام فرید کچھلی صدی عیسوی دے سرائیکی وسیب دے

سب کنوں وڈے شاعر اُتے صوفی شاعر ہن مگر ایں گالھ کون طے کرن وچ شہیت کجھ  
وقت لکسی جو او پہلے شاعر ہن یا صوفی۔ ایندے وچ وی کوئی شک کاخی جو انہاں دے



توں بن گاؤں یا مٹھی دے  
وین تتی دے وان  
جیند یں سانول رل مل مانوں  
شہر بھنہور شہان

ایہہ کافی خالص عاشقانہ واردات دے علاوہ نسل انسانی دے ہک وسیع  
مشاہدے کوں وی اپنے اندر سمیٹیا ہویا ہے۔

خواجہ فرید نے سستی دے تجربیں نال انسانی تجربیں کوں وی جوڑ ڈتے مثلاً  
جئیں ویے حالات خراب تھیندن تاں سکے وی غیر تھی کھڑدن۔ خواجہ فرید ایں سچائی  
کوں ایں بیان کریندن:

جے ڈینہہ بھلڑے مترووی بھلڑے  
ہے مشہور اکھاٹ

اینویں عشق دے تجربے دے نتیجے وچ جیڑھے کجھ پچھوں تھیندے آن  
خواجہ فرید اوں تجربے کوں شعری لباس وچ ایں پیش کریندن:

لیلیٰ مجنوں ہیر زلیخاں  
سے لڑھ گئے ایں گھاٹ

شاعری دراصل جینویں جو میں پہلے آکھیم داخلی واردات تے تجربے کنوں  
حاصل کیتی ہوئی بصیرت کوں مؤثر انداز وچ بیان کرن دانناں ہے۔ اتے ایں بیان  
کرن وچ درست اتے مناسب لفظیں دے استعمال دا شعور تے ادراک پہلی ترجیح  
رکھدے اگر احساسات تے جذبات کہیں صدمے یا ڈکھ نال متعلق ہن تاں اوندے  
واسطے لفظ وی ڈکھ وی نمائندگی کریندے ہون۔ اتے اینویں دھمیں تے زور دار  
خیالات تے واردات واسطے وی وڈی شاعری وچوں ای مناسب لفظیں دے  
استعمال نال حقیقی شاعری تخلیق کیتی وچ سگدی ہے۔ خواجہ فرید کوں نہ صرف درست

اتے مناسب لفظیں دی سنجان اتے ادراک ہا بلکہ او انہیں لفظیں دے استعمال تے  
حیرت انگیز قدرت وی رکھدے ہن۔ جیندے نتیجے وچ فنی اتے شعری حسن تے تاثر  
انہیں دے کلام دی روح بن گئی ہے۔

درد مٹھا چک چونڈھیاں پاوے  
مارن سول وڈاٹ

درد دے نال مٹھا دے لفظ دا استعمال اتے چک چونڈھیاں دے نال بندش  
کوں اگر ہٹا ڈتا ونجے تاں ول ممکن کائے نی جوائنجا مؤثر مصرعہ تخلیق کیتا ونج سگے  
انہیں حرفیں دی جوت حیرت انگیز طور تے فطری لگدی ہے۔ بالکل اینویں لفظ وڈاٹ دا  
استعمال ہے یقیناً عشق دی سٹ زور دار ہوندی ہے۔ اوند اظہار لفظ وڈاٹ نال ای  
بیان کیتا ونج سگدے۔ وڈی تخلیق انسان دے المیہ احساسات کوں بیدار کر ڈیندی  
ہے ارسطو دے نزدیک المیہ فن پارہ ای اصل تخلیقی شاہکار ہوندے۔

خواجہ فرید دا پورا دیوان اتے ایں کافی دے سارے شعرا پئی بے ساختی اتے  
چستی نال ڈکھ دی آنجھی منظر کشی کریندن جو سستی پچاری دے سارے مسائل قاری  
دیاں اکھیں دے سامنے ڈس پوندن۔ اتے ڈکھ نال دل بھرتج ویندے۔

توں بنیں جیون جوگا ساڈی ڈکھڑی دل دا مان  
ایں جگ اوں جگ مونس جیند یں ہاں تیڈی جان نہ جان  
باجھوں یار فرید نہ بھایا جیوے کیندے کان



جٹیاں۔ ٹیاں، قافیہ ہے۔

تشریح: اے بند فطرت تے منظر نگاری دی ہک مثال ہے۔ نازک جٹیاں  
روہی دے مظاہر فطرت دا ہک مظہر بن..... جیویں روہی فطرتی حسن توں مالا مال ہے  
ایویں ای اتھاں راہون آلیاں جٹیاں ریا کاری، مادیت اتے نقلی حسن توں ماورا،  
فطرت دا شہکار ہن..... ٹیاں ولوڑیندیاں ہو یاں حسن دا پیکر چا پدیاں ہن۔ انہاں دا  
حسن ”عشاق“ دے دلاں کوں شکار کر کے عشاق دیاں راتاں دا سکھ چھین چھک  
گھندے۔۔۔

ایں بند دا ہک اے پہلو وی تھی سگدا ہے جو روایتی شرم و حیا اتے تہذیبی  
قدراں پاروں اے ڈینھ دی روشنی ایچ پیار دی بجائے گھر دے کماں ایچ رُدھیاں  
راہنداں ہن اتے رات دے اندھارے ایچ پیار دے کھیڈ، کھیڈ دیاں ہن.....  
ہے حوالے نال وی ڈٹھا ونج سگدے جو اے جٹیاں، روہی دے فطرتی  
ماحول ایچ، آزادی نال راہندیاں ہن، توڑے گھر دے کم ہوون یا روہی دے ثقافتی  
کھیڈ..... اے روہی دیاں وسعتاں ایچ بغیر کہیں بناوٹ توں پیار و محبت دے کھیڈ،  
کھیڈ دیاں ہن۔

بگھڑے تیر چلاون کاری

سے سے دڑیاں پھٹیاں

مفہوم: اے نازک جٹیاں اپنے حسن دے کاری تیر چلا کے سینکڑاں  
عاشقاں دے دل زخمی کر ڈیندیاں ہن۔

فنی تجزیہ: ☆ ایں شعر ایچ پھٹیاں قافیہ ہے۔

☆ سے سے (سینکڑاں) ”صفت اعداد“ ہے۔

☆ تیر اتے پھٹیاں رعایت لفظی ہے۔

☆ دڑیاں ”اسم تصغیر“ ہے۔

## نازک ناز و جٹیاں

مزل حسین

وج روہی دے رہندیاں  
راتیں کرن شکار دیس دے  
بگھڑے تیر چلاون کاری  
کر کر درد منداں کوں زخمی  
چھیڑن بھیدیاں، بکریاں، گائیں  
کئی مسکین مسافر پھاتھے  
دھوپیں دار فقیر تھیوے  
ہیوں دلبر دے کتڑے دردے  
مونجھ فرید مزید ہمیشہ

وج روہی دے رہندیاں

نازک ناز و جٹیاں

راتیں کرن شکار دیس دے

ڈینہاں ولوڑن ٹیاں

مفہوم: ناز بھری روہی اندر راہون آلیاں جٹیاں، ڈینہاں ٹیاں  
ولوڑیندیاں ہن اتے رات کوں عاشقاں دے دلاں دے شکار کریندیاں ہن۔  
فنی تجزیہ: کافی دے ایں بند ایچ راتیں۔ ڈینہاں صنعت تضاد ہے

کافی نمبر 2

ص نمبر 136



تشریح: اس شعر اچ خواجہ فرید روہی دیاں چٹیاں دے بھر پور حسن دے مرقعے پیش کریندے ہوئے آبدن جو انہاں دا حسن سینکڑاں عاشقاں کوں اپنے سحر اچ جکڑ گھندے۔ حسن ہک مجرد شے ہے پر خواجہ فرید ہوراں دی اے مال صنایعی ہے جو انہاں تشبیہ خفی کنوں کم گھندے ہوئے، حسن کوں تیرناں ملا ڈتے آتے اس تیردی مناسبت نال عاشقاں دے زخمی دل کوں پیش کیتے۔

بھڑے تیرا چوں خواجہ فرید دے تہذیبی شعور دا وی پتا لگدے او آدھے ہن جو روہی دیاں چٹیاں اپنے حسن دا اظہار تاں کریندین پر شرم تے حیا داپلوں وی نی چھڑیندیاں اشاراں کنایاں آتے ناز آداویں (اتجھے ناز آدا جیڑھے شرم تے حیا کنوں مملو ہن) نال عاشقاں دا دل موہ گھندیاں ہن... ”ڈڑیاں پھٹیاں“ بطور کنایہ وی استعمال تھئے جیندا مطلب ہے جو عاشق انہاں دے عشق اچ مبتلا ہن۔

کر کر درد منداں کوں زخمی

ہے ہے بدھن نہ پٹیاں

مفہوم: روہی دیاں نازک چٹیاں عاشقاں دے دل زخمی کرتے دل علاج وی نی کریندیاں۔

فنی تجزیہ: ☆ ”کر کر“ تے ”ہے ہے“ صنعت تکرار ہے۔

☆ اس شعر دے ظاہری معنی عشق مجازی ہن۔

☆ زخمی تے پٹیاں رعایت لفظی ہے۔

☆ پٹیاں قافیہ ہے۔

تشریح: اے شعر مشرقی شعری روایت دا حصہ ہے، اساڈی شاعری اچ ہمیش کنوں محبوب کوں ظالم، متکبر اتے بے پروا آکھیا ویندا ہے، اس حوالے نال اے شعری اپنے محبوب کوں پیش کریندا ہے جیڑھا اپنے حسن نال عاشقاں کوں متاثر تاں کریندے پر پچھاں ول کے انہاں (عاشقاں) دی حالت زار کوں نی ڈیہدا۔

لفظ درد منداں اچ گہرائی موجود ہے، انہاں توں مراد ”عاشق“ وی ہن آتے او مخلص لوک وی ہن، جنہاں وطن، نظریہ اتے عقیدت کیتے ڈکھ سبے ہن پر اقتدار حاصل کرن آلی قیادت انہاں دا حال تک نی چکھیا، اس طرحاں آکھیا ونج سگدے جو اس شعر دا سیاسی حوالہ وی ہے اتے اے ریاستی جبر۔

چھیڑن بھیدیاں بکریاں گائیں

لیلے، گابے کٹیاں!

مفہوم: نازک چٹیاں، بھیدیاں، بکریاں، گائیں، لیلے، گابے اتے کٹیاں چھیڑ کے روہی دی رونق کوں ودھارے بخشیندیاں ہن۔

فنی تجزیہ: ☆ اے شعر فطرت نگاری دی مثال ہے۔

☆ شاعر نے چھی قسم دے جانوراں کوں اکٹھا کر کے ”صفت

جمع“ دا استعمال کیتا ہے۔

☆ بھیدیاں، بکریاں، گائیں، لیلے، گابے اتے کٹیاں مظلوم تے

کمزور عوام دے استعارے ہن۔

☆ کٹیاں قافیہ ہے۔

تشریح: بظاہر اے شعر فطرت نگاری دی ہک تابندہ مثال ہے، کیوں جو روہی دیاں وسعتاں اچ مال چراوٹ آلیاں چھیڑو چٹیاں، ماحول کوں اپنے حسن اتے کم کار نال حسین تر بنا ڈیندیاں ہن... خود تصور کروں جو روہی دی وسعت ہووے، ہر پاسے ساول ہووے تے روہی دی نینگر جٹی مونڈھے تے ڈنگوری رکھ کے بے تے موجود ہووے تاں خواجہ جیہاں جمال تے فطرت پرست شاعر کافی آکھن تے مائل تھیسے؟

ول خواجہ فرید ہوراں دیاں سوچاں دی وسعت وی ڈیکھو، کیا! جانوراں دے چرن آتے چھیڑو توں مراد صرف فطرت دا حسن مراد گھنسی... شاید جواب ”نہ“ اچ ہووے۔ اساں پچھلے شعر اچ ڈسا چھوڑے جو مشرقی شاعری دا محبوب ظالم تے جابر



ہے لہذا اس شعروچ اے مرادوی تھی سبکدے جو ملک دے حکم چھیڑو بن اتے عوام  
بھیڑاں بکریاں اتے گائیں جھیں بن جڈاں اتے جیویں چاہندے بن اونویں  
عوام کوں اپنے اگوں لا گھندن یعنی بے زبان تے پچھ لگ عوام دی مثل  
بھیڑاں بکریاں گائیں لیلے گابے اتے کٹیاں دی ہے تے چھیڑو... حکمران  
بن... ظالم تے جابر۔

کئی مسکین مسافر پھاتے

چوڑ کتوئے ترٹیاں

مفہوم: انہاں نازک چٹیاں کئی مسکین مسافراں کوں اپنے پٹے حسن نال تباہ  
برباد کر چھوڑے۔

فنی تجزیہ: ☆ اے شعر عشق مجازی نال تعلق رکھیندا ہے۔

☆ لفظ ”پھاتے“ توں مراد عشق اچ پھٹا ہے۔

☆ اصل لفظ ”ترٹیاں چوڑ“ ہے پر شعری وزن دی رعایت نال

ایکوں ”چوڑ ترٹیاں“ دی تبدیلی نال استعمال کر کے شاعر نے لسانی حسن اچ اضافہ  
کیتا ہے اتے اے انہاں (شاعر) دے لسانی تے فنی شعور دا ثبوت ہے۔

☆ ”ترٹیاں“ قافیہ ہے۔

تشریح: خواجہ فرید ہوراں ایں شعروچ نازک چٹیاں دے بے نظیر حسن دا

اظہار کیتا ہے او آہدے ہن جو انہاں دا اے فطرتی حسن اتنا گہرا تے کاری ہے جو  
ایندے کنوں ہک نی کئی مسافر متاثر تھی کے تباہ و برباد تھی چکین... یعنی روہی دے  
نینگراں دے نال نال روہی وچوں گزرن آ لے بے نوا مسافر وی انہاں دے حسن دا  
شکار تھی گئے ہن... انہاں دے ایں حسن پاروں اے مسافر مکمل طور تے تباہ و برباد تھی  
گئے ہن اتے روہی اندر رُل گل گئے ہن۔

دھوئیں دار فقیر تھیوے

فخر وڈایاں سٹیاں

مفہوم: عشق دے مذہب اختیار کرن آہے فقیر تے درویش ہوندن فخر

وڈایاں دی بجائے عاجزی تے انکساری کوں اپنا شیوا بنا گھندن۔

فنی تجزیہ: ☆ ایں شعر دا موضوع عشق حقیقی ہے۔

☆ فقیر فخر ”صنعت شبہ اشتیاق“ دا تاثر پندے ہن۔

☆ ”سٹیاں“ قافیہ ہے۔

☆ شاعر نے لفظ ”فقیر“ نال ”دھوئیں دار“ دا انوکھا سابقہ لا کے

”فقیر“ دی وضاحت کر چھوڑی ہے یعنی ”دھوئیں دار فقیر“ توں مراد او درویش ہے  
جیڑھا دنیا داری توں الگ تھی عشق الہی وچ مشغول ہے۔ اگر چھوڑا ”فقیر“ ہووے ہا  
تاں معنی دا ابلاغ مسئلہ بنے ہا ایں طرحاں شعروچ لفظاں دا استعمال شاعر دے فنی تے  
لسانی شعور دا ثبوت ہے۔

تشریح: ایں شعر اچ خواجہ فرید نے اپنے تصور عشق بیان کیتا ہے۔ او

آہدے ہن جو مذہب عشق دے پجاری دنیا داراں دی کار مغرور تے متکبر نی ہوندے  
کیوں جو عشق تاں نفی ذات دا ڈو جھاناں ہے۔ اگر عاشق وی ہووے تے فخر وڈائی دا  
مالک وی ہووے تاں گالھ ٹردی نی... ایں گالھوں عاشق صادق دنیا داری توں ماورا  
تھی کے اپنے محبوب حقیقی دا بارگاہ اچ ذات دی نفی کریندا ہو یا وصال یار دا خواہش مند  
تھی ویندے۔

خواجہ فرید ہوراں ہک صوفی شاعر ہن او وحدت الوجودے فلسفے دے قائل

ہن۔ اتے صوفی فخر وڈایاں توں مبرا ہوندے کیوں جو وحدت الوجودے منن آ لے  
اپنے ”کل“ نال ملن کیتے سدا بے چین راہندے ہن تے ”کل“ نال ملن کیتے پہلی شرط  
نفی ذات کرن تے عجز کوں قبول کرن ہے ایں گالھوں خواجہ فرید دے ہن جو اساں  
تاں محبوب کوں ملن کیتے فخر وڈایاں چھوڑ دیتاں ہن۔



ہیوں دلبر دے کترے در دے

برہوں پیاں گل بگلیاں

مفہوم: عشق کہیں ذاتی و نجس دانہاں ہے اسوں وی محبوب دے عشق دا طوق اپنے گل پا کے ہمیشہ کیسے اندے غلام تھی گئے ہیں۔

فنی تجزیہ: ☆ اے شعر عشق حقیقی دے موضوع دا ہے۔

☆ عشق کوں غلامی دے طوق نال تشبیہ ڈتی گئی ہے۔

☆ عاشق نے فنی ذات کریندے ہوئے اپنے آپ کوں محبوب دا

سگ آستاں آکھیا ہے۔

☆ ”بگلیاں“ قافیہ ہے۔

تشریح: خواجہ فرید نے اس شعر وچ وی اپنا تصور عشق بیان کیتا ہے اتے ایس حوالے نال اے شعر گزشتہ شعر دا تسلسل ہے۔ شاعر عشق کوں سدا دی غلامی تے نفی ذات دا متبادل آکھیا ہے او فرمیںدے ہن اسوں جڈاں دا مذہب عشق اختیار کیسے او ڈینہہ اسوں اپنے حال اوں وفا پرست سگ دا بنا گھدے جبر ہا کہیں صورت ایچ اپنے مالک دا درنی چھوڑیندا۔ شاعر دی اے کیفیت عشق پاروں تھی ہے او واضح کریندے ہوئے آہدے ہن جبر دے ڈینہہ دا اسوں عشق دی غلامی دا طوق گل ایچ پاتے اول ڈینہہ دا اسوں دنیا داری اتے نہاں کم کاراں توں رہ گئے ہیں ہن ساڈیاں دلچسپیاں اتے سوچاں فقط محبوب نال وابستہ ہن۔

زیر نظر شعر گزشتہ اتے کافی مقطع شعر عشق حقیقی دے موضوع دا اظہار ہے

اتے انہاں مذکورہ اشعار کنوں پہلی تین تھیوں آ لے شعر بظاہر فطرت نگاری نال تعلق رکھیندے ہن لیکن خواجہ اے تکنیک ہے جو اپنے موقف دے بیان توں پہلاں قاری کوں فطرت دیاں حسین وادیاں وچ من ویندے ... تے او اے گالھ دی جاندا ہے ہن جو عشق حقیقی دا سفر عشق مجازی کنوں شروع تھیندا ہے۔ مثلاً ایس کافی کوں ای ڈیکھ

گھنوں پہلے انہاں روہی دیاں جڈیاں دا حسن کاری کیتی ہے ول یک لخت فلسفہ عشق دے بیان تے آگئے ہن تے عاشق کوں محبوب دا ”سگ آستاں“ بنا چھوڑیا ہے۔

مونجھ فرید مزید ہمیشہ

آج کل خوشیاں گھٹیاں

مفہوم: آج کل اسوں عشق دے پاروں مونجھاں دا شکار ہن۔

فنی تجزیہ: ☆ اے شعر کافی دا مقطع ہے۔

☆ ”مزید“ ”گھٹیاں“ ”آج“ تے ”کل“ صفت تضاد ہے۔

☆ اے شعر عشق حقیقی دے موضوع دا ہے۔

☆ ”گھٹیاں“ قافیہ ہے۔

تشریح: شاعر عشق حقیقی وچ مبتلا ہے اتے او عشق دی دیوی دے اثرات جاندا ہے اوں کوں پتا ہے جو عشق ”عاشق دیاں خوشیاں وچ ودھارے دی بجائے گھٹارے کریندا ہے اتے گھٹارے وقت دے نال نال ودھارے دو ویندے ہن۔ لہذا اے مزید تاں جبر ہا پیشہ (عشق پیشہ) اختیار کیتا ہے اوں تہاڈیاں مونجھاں وچ ہن مزید اضافے کر چھوڑے ہن اتے اے اضافے ہن ہمیشہ راہسن۔ کیوں جو عاشق دے مقدر وچ فقط مونجھاں تے ڈکھ ہوندا ہے۔ اپنا گالھوں اے حقیقت جان گھنوں جو خوشیاں وچ صرف آج کل نی بلکہ آئندہ وی کی آویں ہے۔



کافی نمبر: 199  
ص نمبر: 196

محمد اسماعیل احمدانی

جڈاں جاپم، پا کر جھولی  
پالھوں پیت نہ پئی پیو ماء دی  
گھر فخر پیا پوں پاوے  
رل چیتر بہار سہاوے  
تو نے درشن مول نہ پیساں  
وچ کوٹ شہر مر ویساں  
سارا چولا بوچھن گھانگھے  
سر مانگ مریدی سانگ اے  
بن یار نہ سچھ سہیساں  
سیاں رل مل مہنے ڈیندیاں  
ماء بھینیں وین آئندیاں  
جند جلوی، جندڑی جھولی  
ہر پل پل پیت پٹل دی  
ہے تیڈی روز ازل دی  
ول یار فرید نہ آیا  
سبھ ہار سنگار وہایا  
کر وین، ڈتی ماء لولی  
ہم بخت سڑی ڈکھ رولی  
آ اڑی دی جھوک وساوے  
وس، ہس، رس کھیڈوں ہولی  
تانوی نازک عینہ نہیساں  
تھی در دلبر دی گولی  
گئے زیور، ترپور لانگھے  
تھی سرنخی زہر دی گولی  
بٹھ چندن ہار ہولی  
کھل ہاسے، کیس کریندیاں  
سس مارم سو سو ہولی  
دل درد چلائی گولی  
سک سانول باروچل دی  
ایہا کوجھی، کملی، بھولی  
سر سولیں سانگ رسایا  
گئی ناز نواز دی ٹولی

مولوی لطف علی تے خواجہ فرید سرائیکی زبان دے نویکلے ڈوڈے only  
two شاعر ہن۔ جنہاں دی شاعری دا ہک ڈونجھ نال موازنہ یا مقابلہ کیتا وینج  
سگدے۔ مگر محترم میر جاوید حسان چانڈیو نے انہاں ڈوہاں دا مکالمہ بلکہ مصافحہ آتے

معافہ کر ڈکھائے بحوالہ مضمون کافی نمبر 34، سویل نمبر 1۔ جینکوں اہل ذوق نے دلی  
طرح پسند کیتا ہا۔ میکوں انتظار ریہے جو ایس حوالے نال بیاں لکھتاں وی نشا برتھی آسن  
مگر گزشتہ کچھ عرصے کنوں فریدیات دے میدان اچ تحقیق دے بے حداہم کم دوزیادہ  
توجہ ریہی اے اتے نقد و نظر قدرے نظریں کنوں اوڈھرتھی گئے۔

جیویں تہ دیوان فرید کوں قافیہ ردیف وچ حروف تہجی دی ترتیب نال مرتب  
کیتا گئے تہوں کافیں دی زمانی ترتیب نزولی (تخلیق) دی خبر نہیں پوندی اتے سوائے  
چند روایات و حکایات دے بے کہیں پاسے کنوں رہنمائی نہیں ملدی۔ اتے سرے دا  
سارا کلام اتلا پختہ اتے مکمل اے جیویں تہ ہکے واری کٹھا تخلیق تھیا ہووے۔ میڈے  
آکھن دا مطلب اے ہے کہ ایندے تدریج و ارتقاء دیاں کوئی وی علامات یا اشارے  
نہیں ملدے۔ ماسوائے فریضہ حج دی ادائیگی والے زمانے دیاں لکھیاں ہوئیاں  
کافیاں، عربی، فارسی، اردو تو نہیں جو سرائیکی چا آکھو۔۔۔ غزل دی بنیادی خصوصیت اے  
سمجھی ویندی اے کہ ایندے ہر شعر یا بیت دا وکھرا وکھرا موضوع ہوندے اتے ایہو  
ایندا سوہنٹپ سہیندے۔ اتے جیکر کہیں غزل وچ موضوع دا تسلسل ہووے تے اے  
استثنائی صورت سمجھی ویندی اے اتے اونکوں غزل مسلسل آکھیا ویندے۔ لیکن کافی دی  
کیفیت ایس کنوں بالکل وکھری اے۔۔۔ کافی وچ سوچ دا تسلسل ہوندے خواہ او حزن  
و ملال دا ہووے یا فطرت دے حسن دی گالھ ہووے یا ول روحانیت کیفیات دا ذکر  
ہووے عموماً موضوع دا تسلسل کہیں نہ کہیں انداز موجود ہوندے۔ الا ماشاء اللہ

پورے تو اتر نال اے گالھ اساڈی نسل (ایس عمر دے لوک) تائیں پہنچی  
اے کہ کافی نمبر 199 خواجہ فرید دے پوترے خواجہ معین الدین سہیں دی پوری زندگی  
(چوٹ کنوں وفات تائیں دے حالات و کیفیات دا احاطہ کریندی اے۔ جیویں جوہر  
وڈے شاعر دے وجدانی احساس و ادراک دا غیر معمولی صلاحیتیں و انگر خواجہ فرید نے  
دی اے سبھ کچھ پیشگی محسوس کر گھدا ہووے جیڑھا کچھ ایس کافی دے شعریں دی



صورت تخلیق تھی اظہار وچ آگئے۔ خصوصاً ایس سانگے وی کہ خواجہ فرید صاحب شاعر نہ  
ہا بلکہ ہک ولی اللہ بلکہ قطب زمان وی یا اوندی وجدانی روحانی حس (واویراک) اتلا  
تاں طاقتور بھی کہ انہاں دے قطب صافی تے مستقبل دا پرتو وی پوند اہا۔ جیندیاں کئی  
حقیقی (خوش عقیدگی والیاں نہ) مثالاں وی تاریخ دا حصہ بن چکین۔

خوانودہ فریدیہ دے مورخین ایس تاریخی روایت تھ تقریباً متفق نظر دن کہ  
خواجہ فرید دے فرزند خواجہ محمد بخش نازک کریم دی شاعری 'نکاح' (والدہ خواجہ معین  
الدین نال) وچ اولاً خواجہ فرید دی رضا مندی شامل کوئے نہ بھی (تو نیس جو بعد اچ او  
رضا مند تھی گئے ہن)۔ خواجہ معین الدین دی پیدائش ای ایس دوران تھی بھی جیندے  
سماجی، نفسیاتی اثرات دا پورے خاندان تے پورن قدرتی امر ہا۔ تہوں خواجہ معین  
الدین دی زندگی دا بیشتر حصہ ایس خاندان کنوں علیحدہ جہ عباسیاں وچ گزریا۔ مگر خواجہ  
نازک کریم دی زندگی دے آخری ڈیہنہاں اچ نواب بہاول پور دی ایما تے صلح صفائی  
تھی گئی اتے خواجہ معین الدین کون جائز تے حقیقی جانشین بعد اچ سجادہ نشین تسلیم کر  
گھدا گیا۔ انہاں دی (خواجہ معین الدین) وفات کوٹ مٹھن شہر وچ تھی اتے انہاں  
کون روضہ مبارک وچ اپنے آبا و اجداد نال پوادی پا سو دروازے دے سامنے اندر  
ای دفن کیتا گیا۔

ایں سمولے جیس پس منظر وچ او تہ کافی نمبر 199 دے مندرجات  
(ابیات) دا جائزہ گھنوں۔

جڈاں جائیم پا کر جھولی

کر وین ڈلی ما لولی

خواجہ معین الدین سیں دی پیدائش دے زمانے اجاں خواجہ فرید سیں دی  
اپنے فرزند خواجہ نازک کریم نال ایس حوالے نال صلح نہ تھی بھی اتے پورے خاندانی وچ  
عارضی طرحاں تناؤ Tension دی کیفیت موجود بھی۔ نومولود دے کن وچ عظیم

انسان خواجہ فرید (ڈاڈا) دی بجائے کہیں بے فرد اذان آکھی اتے ایس صورت وچ  
محترمہ والدہ صاحبہ دی لولی وی وین مثل محسوس تھی ہوسی۔

پہلوں پیت نہ پئی پیو مادی

وت ہوت بلوچ نہ رادھی

میں مٹھری جاون لا دی

ہم بخت سڑی ڈکھ رولی

اپنے والد محترم خواجہ نازک کریم نال انہاں دی زندگی دے آخری ڈیہنہاں  
وچ صلح تھیو کنوں پہلے دی صورت حال دا مکمل بیان تھے جیندے و دھیک تشریح دی  
کوئی لوڑ کوئی نہ۔ خانقاہ فریدیہ دے جائز متوقع جانشین دا اے المیہ تاریخ دا حصہ اے۔

تو نیس درشن مول نہ پیساں

تاں وی نازک نینہہ نبھیاں

اپنے عظیم ڈاڈے خواجہ فرید دی خدمت اچ حاضر تھیو کنوں دی تسک رہی  
جیڑھی جو پوری نہ تھی سگی۔ البتہ نازک نینہہ نبھیندے ریہے انہاں نال نسبی اتے روحانی  
تعلق قائم ہاتے ریہا۔

وچ کوٹ شہر مرویاں

تھی در دلبر دی گولی

اے بیت تاں پیش بنی کنوں اہکوں تے ودھ کے پیش گوئی دے زمرے  
وچ آندے تہوں ایس کافی دا اہم ترین بیت اے۔ ایس سلسلہ فریدیہ دا کوئی وی سجادہ  
نشین (مساوائے خواجہ معین الدین) کوٹ مٹھن وچ فوت نہیں تھیا۔ قاضی ماسقل محمد  
کنوں خواجہ قطب الدین تائیں سارے سجادہ نشین چاڑھاں یا شیدائی وچ فوت تھین  
۔ انہاں دا جسد مبارک (نفس) اتھوں آندا گئے اتے کوٹ مٹھن روضہ مبارک شریف  
تے دفنیا گئے۔ اے صرف خواجہ معین الدین سیں ہن جیڑھے کوٹ مٹھن شہر وچ فوت



تھے ول اتھا ہیں دفن تھے۔ وچ کوٹ شہر مرویاں۔ دی تمنا پوری تھی۔  
تھی در دلبر دی گولی

روضہ شریف وچ ساریں قبریں کنوں پوادھوں اتے دروازے دی دہلیز  
دے نال اندروالی قبر خواجہ معین الدین دی ہے اتے ساریں کنوں پچا دھی خواجہ فرید  
سنیں دی ہے۔

موت دا مقام اتے دفن تھیوٹ دی جا کہیں دے اپنے وس کوئے نی۔ خواجہ  
معین الدین دی وفات کوٹ مٹھن ایچ واقع تھیوٹ اتے روضہ شریف ایچ دروازے  
دہلیز دے نال دفن تھیوٹ..... تھی در دلبر دی گولی دی تشریح اے۔ جیند اماروئی ادراک  
صرف خواجہ فرید سنیں کوں ای تھی سبکد اہا۔ جیند اظہار کافی نمبر 199 وچ تھیا۔  
پوری کافی وچ وچھوڑے دی ہاں ڈال کیفیت اے مگر 3 استثناء اے اتے  
طربہ انجام دی تمنا اتے شاند دی ہے بند نمبر 3 گھر فخر پیپاؤں پاوے آ اُچڑی جھوک  
وساوے..... صلح تھی گئی اتے آخر کار ایویں ای تھیا.....

کافی نمبر: 240  
ص: 229

جاوید چانڈیو

صبح صادق صاحبی مانے  
سجوں پھلون سجھ سہا توں  
اپنے ملک کوں آپ وساتوں  
سُن اقبال تیڈا پئے ڈردے  
میر، نواب تھے آبر دے  
پیر فقیر تیکوں سبھ چہندے  
گردا گرد کچاری بہندے  
فیض تیڈے دے جگ وچ قصے  
نینگر تکرے ہڈھڑے لے  
خوب ہنڈائیں جند جوانی  
یار پیارا یوسف ثانی  
کرے فرید ہمیش دُعائیں  
تیڈے ساڈے سوہنا سائیں  
پا سہرے، گانے، گانے  
بخت تے تخت کوں جوڑ چھکاتوں  
پٹ انگریزی تھانے  
راہے دہشت کھا کر مردے  
بے زر، مفت وکائے  
صوبے دار ملازم رہندے  
افلاطون سیانے  
ذالان، مرد لگے گھن حصے  
تندھڑے پال آیاں  
ہر دم کول و سیں دل جانی  
ناز تیڈے من بھانے  
سانول جیویں چر جگ تائیں  
لگڑے نینہ پُرانے

خواجہ فرید 1853ء وچ اٹھ سالیں دے ہن تاں انہاں دے پیو خواجہ خدا  
بخش رضا تھی گئے۔ اوں ویلھے بہاول پور دا نواب حاجی خان عرف فتح خان ہئی۔ جیندا



دور حکومت 1853-58ء ہی مرزا احمد اختر ”مناقب فریدی“ وچ لکھدے جو:

”نواب فتح خان والی ریاست بہاول پور وی حضرت محبوب الہی (خواجہ خدا بخش) دامرید تے معتقد ہئی۔ پیردے وصال دا انہاں کوں وی بہوں ڈکھ ہئی۔ آخر دل دی تسلی سانگے حضرت فخر جہان کوں ارداس کیتس جو نکلے صاحبزادہ صاحب (خواجہ غلام فرید) کوں میں کنیں چا رہاؤ تاں جو انہاں دی زیارت نال میڈے من کوں تسلی رہے۔“ (مرزا احمد اختر 169)

احمد پور شرقیہ دے شاہی محلیں نال خواجہ فرید دے پلپٹ دا اے رشتہ کئی سالیں تائیں رہ گیا اتھاں انہاں دی تربیت کیتے مامے غلام محمد تے استاد میاں جی قائم دین وی نال رہ گئے۔ اے دور ریاست بہاول پور دی آزادی دے خلاف انگریز دین سازشیں نال بھرل ہے جیندا ذکر یقیناً شاہی محلیں دے اندروں باہروں تھیندا ہوسی۔ خواجہ فرید دامتاز یقیناً حساس ہئی کیوں جو چار سال دی عمر وچ مادا وچھوڑا تے اٹھ سالیں دی عمر وچ پیو دا فراق کوئی چھوٹی گالھ نہ ہئی۔ انہاں دا مشاہدہ وی ڈاڈھا تکھا ہئی تے انہاں دی تربیت وی کمال دی ہئی۔ انہاں ریاست بہاول پور تے پورے برصغیر دی غلامی دا ڈرامہ اپنے پلپٹ کنوں ای ڈیکھن شروع کیتا ہئی تے ایں ڈرامے دا مشاہدہ اوں جاہ تے پہہ کراہیں کیتا ہئی جتھاں کرداریں دارول طے تھیندے۔ نواب تے راجے انگریز دے گڈے ہن تے محلات سازشیں دا گڑھ (1)۔

انہاں سازشیں دے دور وچ جڈاں خواجہ فرید دا سولہواں سال ہئی تاں 1861ء وچ انہاں رحیم یار خان المعروف بہاول خان چوتھے دے گھر پتر جمیا جیندا ناں ”جندوڈا“ رکھیا گیا تے جیرہا ”صبح صادق“ دے ناں نال مشہور تھیا تے ول ریاست دا چوتھا صادق محمد خان نواب سڈایا۔ 1866ء وچ صادق وی یتیم تھی گیا۔ محلیں وچ سازشاں شروع تھی گیاں، تخت دے دعویدار نکل آئے ول ساڈے چار

ورہیں دے ولی عہد صبح صادق دی اماں انگریز دے نیٹو ایجنٹ سید مراد شاہ گردیزی دے مشورے نال اپنے پتر دی تخت نشینی دا اعلان کر چھوڑیا۔ تخت دے نہیں دعویداریں زور پکڑیا تاں صبح صادق دی مالہور دے لیفٹیننٹ گورنر کوں ارداس کیتی تے گورنر بہادر ”مہربانی“ فرمیں ہوئیں ریاست بہاول پور کوں اپنی سرپرستی وچ گھن گھدا۔ بریگیڈیئر نذیر علی شاہ دے لفظیں وچ:

”1866ء وچ انگریز ڈاڈھا ٹھہراہیں ایں ریاست کوں اپنی تحویل وچ گھن تے احسان فرمایا ہئی۔ اوں زمانے دے ملتان دے انگریز کمشنر مسٹر فورڈ بہاول پور اینویس آن لتھے بن جیویں لتھے نہ ہوون سڈے تے آئے ہوون۔ اپنی قوم دے کئی بندیں کیتے ڈبل روٹی تے مکھن ڈاڈھا انتظام فرما گئے ہن۔ اجو کے کمشنر ہاؤس دے آسوں پاسوں فورڈ صاحب دی قوم بھراسول تے ملٹری افسریں دے بنگلے، کلب، بینڈ اسٹینڈ، اوں جاہ تے ہن، جتھاں ہن اے ڈی ایم صاحب تے سول جج صاحبیں دے دفتر ہن۔“

(نذیر علی شاہ۔ 1966ء، ص 8)

ایندے بعد تیرہ سالیں کنیں ودھ عرصہ (جون 1866ء کنیں نومبر 1879ء) ریاست بہاول پور تے انگریز دی سدھی سانویں حکومت رہ گئی جینکوں ”ایجنسی دی حکومت“ آکھیندن۔ ایں دور وچ انگریز ریاست دا پورا نظام بدلا چھوڑیا۔ ویسی لوکیں وچ اوپرے حاکمیں دی زور آوری تے فریب (2) دے خلاف نفرت دا احساس وی ودھیا ہوسی تے انہیں دی رسائی وی حاکمیں تین گھٹ تھی گئی ہوسی۔ ایں دور وچ ریاست دے تقریباً سبھٹاں محکمیاں دے سربراہ انگریز مقرر تھئے تے ریاست وچ تیرہاں تھانے وی قائم تھئے۔ انگریز ریاست دا پورا نظام بدلاؤ دے نال نال نکلے نواب صادق محمد خان دی ”نگرانی“ دی ذمے داری وی نبھائی۔ تیرہاں ورہیاں پچھوں اے سبھ کجھ اپنی مرضی نال بٹا جوڑ کراہیں



28 نومبر 1879ء کو نواب صاحب محمد خان چوتھے دی تاج پوشی کی گئی تھی۔ حکومت اوندے ”حوالے“ کر ڈیتی گئی۔

اس موقعے تے ”نور محل“ بہاول پور وچ ہک ”عالیشان دربار“ لگاتے گورنر پنجاب سر رابرٹ ایجرٹن اردو وچ ہک تقریر کرتے ریاست نواب صادق خان کو سنہجھل ڈتی۔ اس تاجپوشی دے موقعے تے مختلف شاعریں نظماں وی لکھیاں ہوسن تے مشاعرہ وی تھیا ہوسی۔ منشی محمد بخش فائق، ملتان دی اس تاجپوشی دی مناسبت نال ہک نظم سنیں حبیب فائق کنیں قلمی موجود ہے (3) تے ایہیں موقعے دے حوالے نال خواجہ فرید وی کافی دی فارم وچ ہک مبارکبادی نظم جیندا مشہور مصرعہ ”پٹ انگریزی تھانے“ سرائیکی وسیب وچ انگریزی نوآبادیاتی قبضے دے خلاف ہک شاعر دامتزا جمتی ہوکا ہئی۔ خواجہ فرید دے پورے سرائیکی دیوان وچوں چھڑاڈوں کافیاں ہن جیڑھیاں شخصیات دے حوالے نال لکھیل ہن۔ پہلی کافی نمبر 9 جیڑھی سلسلہ چشتیہ دے بزرگ خواجہ نور محمد مہاروی (وفات 1791ء) کیے عقیدت دے جذبیں نال بھرل ہے تے ڈوجھی کافی نمبر 240 جیڑھی نواب صبح صادق کیے محبت تے بغاوت داسنیہا ہے۔ اے کافی اس دعائیہ تھل (استھانی) نال شروع تھیندی ہے:

صبح صادق خان صاحبی مانیں

پا سہرے گانے گاہنے

کافی دے باقی چھی بند اپنے عہد دے حوالے نال خواجہ فرید دی بصیرت تے تجزیے داسو جھلا گھن کراہیں صبح صادق دے کنیں وچ آزادی دی بانگ ڈیندن۔ سجا کی دے پندھ جکیندن تے راہ واسمل وی ڈیندن۔ اے کافی اوں دور وچ بادشاہ نال ہک فقیر دے مکالمے دی نشانی ہے جیڑھا ”نور محل“ وچ انگریزیں دی ”نگرانی“ وچ اپنی تاجپوشی دا جشن میندا بیٹھا ہئی تے تیرہاں سالاں دی تانگھ تے جبردی ریل عوام دی اوندے کیے لہندی سکدی تے جشن منندی پئی ہئی۔ خواجہ فرید اوہیں عوام

دی زبان ہئی ظلم دادر کھلدے تاں سو جھلے دی سیڑھا اندر ویسہ ابدی ہے جیندے وچ ہر شے صاف تے سو جھل نظر ٹپے ویندی ہے۔

سہجوں پھلوں سجھ سہا توں

بخت تے تخت کوں جوڑ چھکا توں

اپنی نگری آپ وسا توں

پٹ انگریزی تھانے

اپنی نگری آپ وسا وٹ دا اے خواب کیوں پورا تھی سگدا ہئی؟ 1843ء

وچ سندھ دے پیریں داراج رلیا 1849ء وچ ملتان وی ہر گیا تے 1857ء وچ دلی دا تخت وی انگریزیں دے پیریں دی دھوڑ تھیا۔ سبھ راجے مہاراجے انگریزیں دے تلوں ہن۔ پر شاعر دی پکڑ وچ تاں خواب ہن۔ ریاست بہاول پور دے میدانیں رنگ رنگیلی روہی تے سندھو تے تلج دین لہریں نال وسدے عوام دے خواب۔ ہک آس ہئی جو متاں قلات کنیں بہاول پور تائیں دگھریل کھنڈیاں پٹنڈیاں عوامی قوتاں متاں کوئی معجزہ کر ڈکھاوٹ تے اوندی تجسیم ”صبح صادق“ دے روپ وچ تھی ونجے (4)۔

خواجہ فرید اپنے سنگتی کوں حوصلہ ڈیندے بغاوت تے انقلاب کیے سمل دی نشاندہی کریندے۔ اونکوں ابدے جوتیں کنیں فوجی طاقت وی ہے تے ہک سیانی ٹیم وی:

سن اقبال تیڈا پے ڈردے

راجے دہشت کھا کر مردے

میر نواب تھئے آ بردے

بے زر مفت وکانے

پیر فقیر تیکوں سب چہندے



صوبیدار ملازم راہندے  
گردا گرد کچہری بہندے  
افلاطون سیانے

وَل او اونکوں یاد ڈویندے جو تیڈے پچھوں ریاست دی عوام دی طاقت  
ہے جیڑھی تئیں نال ڈاڈھا پیار کریندی اے (بہاول پور وچ آج وی بہوں سارے  
لوک اپنے نوابیں کوں یاد کریندن تے انہاں نال پیار کریندن) تیڈے نال تے  
انگریز دی غلامی دے تیرہاں قاتل سال ایں عوام دے اندر کوں کھاگھن اے سبھے  
تیڈی تانگھ وچ ہن کیوں جو توں عوام دوست حاکم ہیویں:

فیض تیڈے دے جگ وچ قصے  
ذالان مرد گئے گھن حصے  
نینگر، تکرے، بڈھڑے، لے  
ننڈھڑے پال ایانے

کافی دے چھیکڑی ڈوں بند اوں خاص تعلق دا اظہار ہن جیڑھا خواجہ فرید  
تے صبح صادق دے وچ ہی (5)۔ نواب صبح صادق نال خواجہ فرید دا تعلق کہیں وجدانی  
سطح تے وی ہی کیوں جو صبح صادق شاعری، موسیقی، تے قصوری نال محبت کرن والا ہی  
تے عشق دے پندھڑے تے بھوگ وی اوندی روح وچ ریل ہن (6)۔ زبانی  
روایتیں وچ نواب دی ہک داستان عشق وی ملدی ہے جیڑھی اوندی حیاتی وچ بہوں  
اہم ہی۔ خواجہ فرید تے نواب صادق وچالے ”محرم راز“ دارشتہ وی ہی۔ اتجھا رشتہ  
جیڑھا بولن باجھ ای سبھ کجھ سمجھا ڈیندے۔ خواجہ فرید چھیکڑی بندیں وچ اوہیں رشتہ  
دے حوالے نال اپنی گالھ دا اعتبار ڈویندے:

خواب ہنڈائیں جند جوانی  
ہر دم کول وسیں دل جانی

یار پیارا یوسف ثانی  
ناز تیڈے من بھانے  
کرے فرید دعائیں  
سانول جیویں چر جگ تائیں  
تیڈے ساڈے سوہنا سائیں  
لکڑے نینہ پرانے

ایں عشق پیشہ تے آشفقہ حال مرید صادق حاکم کوں خواجہ فرید بغاوتیں نال  
سگری پنکری نظم تاں سنائی پر بغوتیں دا حال کتھائیں تاریخ دی دھوڑ وچوں کڈھنا  
پوسی۔ اللہ جانے کیا تھیا؟ کوئی ریکارڈ ہتھ و ساکینی پر کتھائیں ناکام بغاوتیں تے  
ادھورے خواب حالی وی جاگدے پئے ہوسن تے نویں آبادیاتی جبر دے ماریل پوری  
دنیا دے مظلومیں کیتے خواجہ فرید دا اے مستانہ نعرہ آج وی جیندا ہے جو:

اپنی نگر آپ وسا توں  
پٹ انگریز تھانے



خواجہ فرید دے اکثر کافیاں دی ہک الگ فضا تے آلا میل ہے، رمزاں تے علامتاں دے نویں توں نویں رنگ ہن، جیڑھے ساکوں روحانی دنیاواں وچ گھن ویندن تے ساڈے جذبیاں کوں ہرواری ہک نویں تازگی تے شدت عطا کریندن۔

حضرت خواجہ سیں دی ہک کافی جیڑھی دیوان دے آخری کافیاں وچوں ہے، ایں ویلے ساڈے سامنے ہے..... ایں کافی وچ رانجھے دے جگ مشہور رومانی کردار کوں حقیقت دی ہک رمزی علامت دے طور تے ورتیا گئے۔ ہیر دی حیثیت وی علامتی ہے، تے کافی دے الفاظ ہیر دی زبانی آکھے گئین۔ سسی پنوں تے عمر ماروی دی طرحاں ہیر رانجھا دے کردار کوں وی خواجہ صاحب نے علامتی گہرائی دے نال ورتے، تے جذبہ عشق دی ترجمانی کیتے لفظاں دی اوٹ بٹائی اے۔ پر اے رمزاں یا علامتاں ہرواری کہیں نویں رنگ، کہیں نویں کیفیت کوں بیان کریندن۔ مثلاً ایں کافی وچ رانجھے دے جوگی بٹن دے عمل کوں رانجھے دی شخصیت دالازی حصہ بٹایا گئے۔ رانجھے دا جوگی بٹن، ایں کہانی دی ہک بہوں وڈی رمز اے، جیندے معنیاں تے زیادہ غور نہیں کیتا گیا۔ اساں وی ایں ویلے صرف خواجہ صاحب دی کافی دے حوالے نال مختصر گالھ کریسوں جو رانجھے دی جوگی بٹن وچن دی صفت یا خصوصیت نے اوندی ذات کوں ہک نویں طرف ڈتی تے خواجہ سیں اپنی ایں کافی وچ ایندے رمزیاتی معنی اجاگر کریندن۔ اے کافی کل پارہاں شعراں تے مشتمل ہے، جینکوں اساں کافی دے پارہاں بند وی آکھ سگدے ہیں، کافی غزل دی شکل وچ ہے، ایندے پہلے چار بند ایں ہن:

شہ رانجھا البیلا جوگی	جادو گر وے
راول بنسی جوڑ سٹائی	وسر بگیم گھر وے
یار رانجھیے مرلی واہی	کر کر پیچ ہنر وے
انہد بین بجا من موہیں	زلدی پوٹے جھر وے

ڈاکٹر اسلم انصاری

شہ	رانجھا	البیلا
جوگی	جادوگر	وے
راول بنسی جوڑ سٹائی	وسر بگیم گھر وے	
یار رانجھیے مرلی واہی	کر کر پیچ ہنر وے	
انہد بین بجا من موہیں	زلدی پوٹے جھر وے	
گئے گئے بندے گل جھپ مالا	رہندے حسن نگر وے	
تخت ہزاروں رانجھن آیا	ہیر تتی دے گھر وے	
جوگی تھیں خاک ریاں	زلساں شہر بحر وے	
ماء پیو چھوڑ بگی لڑ تھپے	بٹھ زیور بٹھ زر وے	
اتنا ظلم مناسب ناہیں	رب کولوں کچھ ڈر وے	
رانجھا جوگی میں جگیاں	ڈٹڑی عشق خبر وے	
یار فرید نہ وسرم ہرگز	سکدی ویاں مر وے	

حضرت خواجہ غلام فرید دی شاعری حقیقت تے معرفت دے رمزاں دا سمندر ہے، جیکوں جیکوں توفیق ملدی اے، ایں سمندر وچوں موتی کڈھ آندے۔



سرتوں مراد روح انسانی ہے جیڑھی اپنی اصل توں جدا تھی گئے ہے تے وصال واسطے  
تڑپدی پئی ہے۔ کافی دے اگلے چار بند ہن:

گئے گئے بندے گل جھپ مالہاں رہندے حسن نگر دے  
تخت ہزاروں رانجھن آیا ہیرتی دے گر دے  
جو گن تھیاں خاک رمیاں رولساں شہر بحر دے  
ما پو چھوڑ لگی لڑ تیڈے سانول کاری کر دے

اے بندوی ہوں کیفیت کوں بیان کریندن البتہ انہاں شعراں وچ ہیر خود  
جو گن بٹن دی گالھ کریندی پئی ہے تے ول ہک دفعہ اپنے سانول محبوب کوں پارتاں  
ڈیندی پئی ہے اتھاں محبوب دا کردار مُرشد کامل داوی تھی سگدے جیکوں پارت ڈتی  
ویندی پئی ہے جو میں سارے دنیا دی سکونت چھوڑ کے تیڈے لڑ لگی ہاں۔ ہُن کوئی  
کاری ضرور کریں یعنی میڈی رہنمائی صحیح معنیاں وچ کریں۔

کافی دے آخری شعر ہن:

پاجھ پریں دے پاجھ نہ کافی بٹھ زیور بٹھ زروے  
اتنا ظلم مناسب ناہیں رب کولوں کجھ ڈروے  
رانجھا جوگی میں جو گیانی ڈتری عشق خبر دے  
یار فرید نہ و سرم ہرگز سکدی ویساں مروے

محبوب دے بغیر کوئی پناہ کوئی ٹکانا کوئے نیں زیور تے زربٹھ پئے انہاں  
کوں کیا کرتے اصل گالھ اے ہے جو محبوب ساڈی جا ہے پناہ ہووے۔ ول محبوب  
کوں کیا لگے جو ایڈا ظلم مناسب کوئے نہیں۔ خدا کولوں ڈرنا چاہیدے تے لڑ لکیاں دی  
لاج پالنی چاہیدی ہے۔ ولدا ہیروں زبانی آکھیا گئے جو رانجھا جوگی تے میں اوندی  
جو گیانی ہاں تے اے فیصلہ خود عشق نے ڈتے آخری شعر ہے جو محبوب میکوں ہرگز نہ  
وسری بھ نویں جو سکدی مرویاں۔ پر محبوب کوں ہرگز نہ بھلیساں۔

ایں کافی دی ساری فضا لوک رومان دے علامتاں دے ذریعے وجود وچ  
آندی ہے تے زیادہ تر عشق حقیقی دے جذبے دی تشریح کریندی ہے ایندے باوجود  
ایندے وچ مجاز دیاں جھلکیاں وی ہن تے حیاتی دے مادی پہلوواں دی جھلک وی  
محسوس تھیندی ہے مجموعی طور تے ایں کافی وچ روح انسانی اے عہد و پیمان دی تجدید  
ہے یا ڈوجھے معنیاں وچ حیاتی دے حسن نال شاعر دی سچی سنگت تے سکونت دا  
احساس ہے جیندے وچ حیاتی ای تعمیر تے تکمیل دا عہد تے سدھراں پوری طرحاں  
موجود ہن۔

ایں کافی وچ ساکوں داخلی تے خارجی زندگی دا ربط نظر آندے تے جذبے  
دی سچائی بنیادی تصور دے طور تے ابھر دی نظر آندی ہے۔



خواجہ فرید دے اکثر کافیاں دی ہک الگ فضا تے آلا میل ہے، رمزاں تے علامتاں دے نویں توں نویں رنگ ہن، جیر ہسے ساکوں روحانی دنیاواں وچ گھن ویندن تے ساڈے جذباں کوں ہرواری ہک نویں تازگی تے شدت عطا کریندن۔

حضرت خواجہ سیں دی ہک کافی جیرھی دیوان دے آخری کافیاں وچوں ہے، ایں ویلے ساڈے سامنے ہے..... ایں کافی وچ رانجھے دے جگ مشہور رومانی کردار کوں حقیقت دی ہک رمزی علامت دے طور تے ورتیا گئے۔ ہیر دی حیثیت وی علامتی ہے تے کافی دے الفاظ ہیر دی زبانی آکھے گئین۔ سسی پنوں تے عمر ماروی دی طرحاں ہیر رانجھا دے کردار کوں وی خواجہ صاحب نے علامتی گہرائی دے نال ورتے تے جذبہ عشق دی ترجمانی کیتے لفظاں دی اوٹ بٹائی اے۔ پر اے رمزاں یا علامتاں ہرواری کہیں نویں رنگ، کہیں نویں کیفیت کوں بیان کریندن۔ مثلاً ایں کافی وچ رانجھے دے جوگی بٹن دے عمل کوں رانجھے دی شخصیت دا لازمی حصہ بٹایا گئے۔ رانجھے دا جوگی بٹن ایں کہانی دی ہک بہوں وڈی رمز اے جیندے معنیاں تے زیادہ غور نہیں کیتا گیا۔ اساں وی ایں ویلے صرف خواجہ صاحب دی کافی دے حوالے نال مختصر گالھ کریسوں جو رانجھے دی جوگی بن وچن دی صفت یا خصوصیت نے اوندی ذات کوں ہک نویں طرف ڈتی تے خواجہ سیں اپنی ایں کافی وچ ایندے رمزیاتی معنی اجاگر کریندن۔ اے کافی کل پارہاں شعراں تے مشتمل ہے، جینکوں اساں کافی دے پارہاں بندوی آکھ سگدے ہیں، کافی غزل دی شکل وچ ہے، ایندے پہلے چار بند ایں ہن:

شاہ رانجھا البیلا جوگی	جادو گر وے
راول بنسی جوڑ سٹائی	وسر یگم گھر وے
یار رانجھیں مرلی واہی	کر کر پیچ ہنر وے
انہد بین بجا من موہیں	رلدی بوٹے جھر وے

ڈاکٹر اسلم انصاری

کافی نمبر: 238

ص نمبر: 228

شاہ رانجھا البیلا  
جوگی جادو گر وے

راول بنسی جوڑ سٹائی	وسر یگم گھر وے
یار رانجھیں مرلی واہی	کر کر پیچ ہنر وے
انہد بین بجا من موہیں	رلدی بوٹے جھر وے
گئے گئے بندے گل جھپ مالا	رہندے حسن نگر وے
تخت ہزاروں رانجھیں آیا	ہیر تی دے گھر وے
جوگی تھیں خاک ریاں	زلساں شہر بحر وے
ماء پیو چھوڑ بگی لڑ تھپے	بٹھ زیور بٹھ زر وے
اتنا ظلم مناسب ناہیں	رب کولوں کچھ ڈر وے
رانجھا جوگی میں جکیانی	ڈنڈی عشق خبر وے
یار فرید نہ وسرم ہرگز	سکدی ویاں مر وے

حضرت خواجہ غلام فرید دی شاعری حقیقت تے معرفت دے رمزاں دا سمندر ہے، جیکوں جیکوں توفیق ملدی اے ایں سمندر وچوں موتی کڈھ آندے۔



کافی نمبر: 47

ص نمبر: 60

ڈاکٹر اسلم انصاری

رتھ دھیمیں دھیمیں ٹور

میڈا دستہ نرم کزور دا  
رتھ تے پھندی دژگ نہ سہندی  
روز ازل دی پاتم گل وچ  
شالا مولہ سلامت نیواں  
جیکر رتھ بیٹھیں تھک پوساں  
سوکھا تیز لغام دا کولا  
رانجھن تے میں جوڑکوں جوڑوں  
سک تے طلب ملن دی سینے  
پندھ اڑانگے وڑی تانگھے

میں تے یار فرید مٹیوں

زل مل شہر بھنبھور

حضرت خواجہ غلام فرید رحمۃ اللہ علیہ داکلام حیاتی دے روحانی سچائیاں توں  
بھر پور ہے آپ دے نویکلیاں خوبیاں اے بن جو کلام وچ ترنم وی ہے تے سوز  
گداز تے تڑپ وی ہے۔ شعریت وی ہے تے تصوف دے رمزاں وی بن۔ فطرت  
دایمان وی ہے تے وسیب دے رنگ وی بن۔ حسن حقیقی کیتے روح انسانی دی ازل  
تڑپ وی ہے تے عشق مجازی اچ وچھوڑے تے ملاپ دے قصے وی۔ غرض ہک بلند  
پایہ شاعر تے کامل صوفی دے انداز دی ایس شاعری اچ پوری طرحاں ظاہر بن۔

انہاں شعراں دے لفظی معنی ہن۔ شہ رانجھا پہوں البیلا یعنی ناز و انداز دا  
مالک ہے۔ او جوگی اے بلکہ جادوگر ہے اوں نے پہوں جیس جوڑ بناناں بنسری وچابی  
ہے جو میکوں گھرتے ور و سرگنیں۔ اے یار رانجھا، مرلی وچا وٹ والا ہے تے مرلی  
وچا وٹ وچ ایس نے سو سو بیچ کیتن تے ہنر ڈکھائے۔ ایس نے مرلی کیا وچائی ہے  
در اصل انہدی بین وچائی سی جیکوں سُن کے میں سب کجھ چھوڑ کے نکل پئی ہاں تے  
ہن جھر جنگلاں وچ اوندی کھوچ وچ رُلدی ودی آں۔

کافی دی فضا توں صاف ظاہر تھیندے جو خواجہ صاحب عشق مجازی دے  
حوالیاں کوں عشق حقیقی دی کیفیات کوں بیان کرن کیتے استعمال کریندن۔ رانجھے دے  
نال فوری طور تے شہ دالفظ استعمال کر کے اوںکو ہک بلند مقام ڈٹا گئے شہ تے شہ  
توں مراد گوبادشاہ ہے پرائندے معنی اصل یا حقیقت دے وی ہن۔ ول اوں دے کیتے  
البیلا جوگی تے جادوگر دے الفاظ ورت کے اوندی کجھ صفات ڈسیاں گئیں۔ اوں دے  
جوگ کوں فوری تے جادوگری نال منسوب کیتا گئے تے ول راول دی صفت استعمال  
کر کے بنسری وچا نوٹ دے عمل کوں اوں دے نال منسوب کیتا گئے۔ بنسری وچا نوٹ  
وچ اوں دے بیچ تے ہنر دا ذکر کیتا گئے۔ تے اخیر اینکوں ”انہد بین“ قرار ڈے تے  
ایندے اثرات ڈے گئیں۔

خواجہ صاحب نے انہد بین یا انہد مرلی دالفظ اپنی شاعری وں کئی داری  
ورتے تے اے صوفیادی ہک خاص اصطلاح ہے ایس توں مراد او آواز اے جیرہی  
ازل توں ابد تک ویندی پئی اے ہیں کوں صوت سرمدی وی آکھیا گئے۔ صوفیا ذخیال  
ہے جو جیرہا ایس صوت سرمدی کوں ہک واری سُن گھندے ول او کوں ہی کوئی آواز  
نہیں بھاندی تے آخر آخر او ایس آواز توں سوانہی کوئی آواز سُن وی نہیں سگدا۔ غرض  
لفظ ”انہد بین“ دے ذریعے خواجہ صاحب نے ظاہر کر ڈتے جو او رانجھے دے لفظ  
کوں محض رمزی علامت دے طور تے استعمال پے کریندن۔ چنانچہ ایس حساب نال



ایندے وچ شک نہیں جو خواجہ سیں دی شاعری وچ معنے دے کئی تہاں  
موجودی انہاں دے کلام دی تاثیر دی ہک وجہ ایہ وی ہے جو اوانسانی عقل و وجدان  
کوں کھان نال مسخ کریندے زیادہ تر اے کلام علامت اتے استعارے دے  
ذریعے ج انسانی دی گہرائیاں نال ہم کلام تھیندے تے اساڈے احساسات دے  
تاراں کئی انداز نال چھڑیندے۔ خواجہ صاحب دے کلام د انسانی لہجہ بیک وقت  
کئی نساگرداراں دی آواز سٹویندے۔ اے آواز روہی دی کہیں عام مگر دل زدہ نینگر  
دی آواز ہے تے سستی یا ہیر یا سوہنی دی آواز وی ہے سب توں ودھ کے اے جو  
اے انسانیکی دی آواز وی ہے۔ اے نازک مزاج نویں پر نی ہوئی کنواری وی  
ہے۔ تب دے بے نیازیاں دی ماری ہوئی تے محبوب دی یاد توں لٹھی ہوئی تے  
وسیب دے طعنیاں دا شکار عورت وی ہے۔ ڈٹھا ونچے تاں خواجہ سیں نے ایس ہک  
آواز ورتی آوازاں دی گونج تے پر چھانویں بھر ڈتن۔ انہاں دی ہک کافی ہیں آواز  
دا ہک اُتے رنگ پیش کریندی ہے۔ کافی مشہور ہے۔ رتھ دھمیں دھمیں ٹور۔ کافی  
بہوں لکھنیں اسان ایندا متن پڑھدے ہیں چا۔ فرمیدن:

رتھ دھمیں دھمیں ٹور

میڈا دستہ نرم کروور دا متاں ونگیں لگم نکور

تھ: اُج توں سو سال پہلے ہک عام سواری ہئی جیندے وچ ڈانڈیا گھوڑے  
جتے ویندے ہن، ایس کافی وچ ہک نازک مزاج نینگر دا اندرونی مکالمہ ہے جیڑا  
در اصل توں خود کلامی ہے پر رتھ بان کوں مخاطب کرن دی وجہ کر کے مکالمہ وی بن گئے  
اے حسارتے نازک ملوک شہزادی وی تھی سگدی ہے تے نویں پر نی ہوئی کنواری  
وی..... توں بان کوں اہدی ہے جو رتھ کوں اصلوں آرام نال چلا جو میڈے کچ دیاں  
چوڑیاں دستہ بہوں نرم شیشے دا ہے کتھائیں اے ناں ہووے جو رتھ کوں دھکا لگے  
تے چوڑیاں را تھی پوون..... فرمیدن:

رتھ تے باہندی دڑگ نہ سہندی ہم طبع کمزور  
روز ازل دی پاشم گل وچ برہوں تیڈے دی ڈور  
شالا مولھ سلامت نیواں راہ وچ لڑن چور

اُدن رتھ تے پہرے کے تیں کہیں قسم دی دڑگ نہیں سہہ سگدی جو میڈی  
طبعیت بہوں کمزور ہے اصل وچ اے محبوب میں تاں ازل دے ڈینہ توں تیڈی  
جدائی دی ڈور گل وچ پاتی ہوئی ہم ہیں پاروں جدائی دا ڈر میڈے روئیں روئیں وچ  
سمایا ہوئے۔ پر رتھ تے بہنوناں وی ضرور ہے جو محبوب کوں ملن دی تانگھ وی شدید  
ہے..... سفر دے بارے وچ خبر اے وی ہے جو راہ وچ چور اُن پونن تے لڑ بھڑ کے  
مڈی موڑا کھس گھندن۔ شالا یعنی خدا کرے جو میں اپنا مولھ سلامت گھن ونچاں.....  
کافی دے تر تھجھے شعر توں ای ایندے وچ صوفیانہ رنگ پیدا تھی ویندے۔

رتھ جسم انسانی دی علامت ہے تے نازک مزاج کنوار روح انسانی وی  
اے سفر حیاتی ہوا سفر ہے جیندے وچ اوکھ سوکھ دے کئی مرحلے ہن ہے اے روز ازل دا  
گنڈھیا ہوا سا نگا تے وچھوڑے دی ڈور توں اے گل وچ پاتی ہوئی ہے..... رستے  
وچ مال لٹ گھنن آ لے چور وی آپونن..... خدا کرے اصل دی خیر ہووے توں مولھ  
سلامت گھن ونچوں۔

جیکر رتھ بیٹھیں تھک پوساں گھوڑا گھنساں پور  
سوکھا تیز لغام دا گولا ناں اوکھا سر زور

اتھاں کافی دا رخ بک دفعہ دل باہر دی طرف تھی گئے تے وسیب دا خارجی  
رنگ اُبھر آئے رتھ دا سفر کوئی اتنا آسان نہیں ہوندا۔ فرمیدن جو جے کر رتھ تے  
بیٹھیں تھک پوساں تاں بور گھوڑا گھن گھنساں۔ جیندیاں خوبیاں اے ہوسن جو سواری  
کرن وچ سوکھا ہوسی تیز ریس تے لغام دا گولا ہوسی اوکھا تے سر زور نہ ہوسی۔ لغام دا  
گولا اوکھا ہوندا جیڑا اشاریاں تے چلے تے اوندی لغام کوں زور زور نال نال



چھلکانہ پوئے انہاں شعراں دی رمزیاتی تشریح ذرا مشکل ہے، آکھیا ونج سگیندے  
جو خوبہ صاحب دا ایمان شاید اے ہے جو اگر سلوک دے رہتے تے مشکلات نہیں  
آیاں تاں میں کوئی متبادل رستہ اختیار کریاں۔ فرمائے نیں:

رائجھن تے میں جوڑکوں جوڑوں جوڑ جوڑیندا جوڑ

رائجھن یعنی محبوب تے میں دراصل قدرتی طور تے ہک بے کیے بنائے  
گئے نیں تے اے جوڑ دراصل جوڑ جوڑن والے یعنی کارسازِ حقیقی نے ای جوڑے.....  
لفظ جوڑ دے معنوی تنوعات کولوں خوب فائدہ اٹھایا گئے تے لفظی اعتبار نال ”جوڑ“  
یعنی وصل دی فضا قائم کیتی گئی ہے۔ آکھدن:

سک تے طلب ملن دے سینے روز نواں ہم شور  
پندھ اڑانگے، دہری تانگے جلد پچانویں توڑ  
میں تے یار فرید مٹیوں رل مل شہر بھنبھور

میڈے سینے وچ ملن دی سک تے طلب شدید ہے، بلکہ ہر روز ہر پندھ ہک  
نواں شور سینے وچوں اٹھیندے پندھ بہوں اوکھے ہن، پرول وی تانگہ زیادہ ہے، تھ  
بان، جلدی منزل تے پچانویں..... اے فرید! منزل تے پہنچ گیوسے، تاں ول میں  
تے یار رل مل کے شہر بھنبھور کوں مٹیوں، یعنی رل مل کے شہر بھنبھور وچ راہسوں تے  
ویسوں۔ کافی دے مکن تے اُن گھلدے جو کافی دراصل سستی دی آواز وچ ہے تے  
اے سارا منظر نامہ دراصل سستی دے اندر ابھرن والا ہے آواز داسراب ہے، جیندے  
وچ تھل وچ رلدی سستی فرض کریندی پئی ہے جو اور تھ تے پہہ کے شہر بھنبھور دا سفر  
پئی کریندی ہے، ایکوں اساں راہ سلوک دے سالک دا سفر نامہ وی آکھ سگدے نیں  
تے انسانی سکاں تے سدھراں دا پیدا کیتا ہویا فریب خیال یا Hallucination  
وی..... ایس نازک تے خوبصورت کافی دی معنوی بٹت سادہ نہیں، بلکہ تہ دار تے پیچیدہ  
ہے..... اتے روحانی سفر دی معنویت کوں ظاہر کریندی ہے۔

کافی نمبر: 22

ص نمبر: 34

محمد اسلم میتلا

اتھاں میں مٹھری نت جان بلب  
ہرویلے یار دی تانگ لگی  
ڈکھی دڑی دے ہتھ تانگ لگی  
تتی تھی جوگن چودھار پھراں  
سُنج بار تے شہر، بزار پھراں  
جیں پندھ دینہ دے شینہ پھٹیا  
سبھ جو بن جوش خروش ہٹیا  
توئے دھکڑے دھوڑے کھانڈی آں  
تیدھے بانڈیاں دی میں بانڈی آں  
وہ سوہنا ڈھولن یار ججن  
اوتاں خوش و سدا وچ ملک عرب  
سُنجے سینے سک دی سانگ لگی  
تھئے مل مل سول سمو لے سب  
ہند سندھ پنجاب تے ماڑ پھراں  
متاں یار ملم کہیں سانگ سب  
لگی نیش پڈ کھانڈی، عیش گھٹیا  
سکھ سڑ گئے، مرگئی طرح طرب  
تیدھے نام توں مفت وکانڈی آں  
تیدھے وردے کتیاں نال ادب  
وہ سانول ہوت حجاز وطن

آ پڈیکھ فرید دا بیت حزن

ہم روز ازل دی تانگہ طلب

ایں کافی دا مرکزی خیال حب رسول ہے۔ اے کافی مطلع نال شروع تھیندی  
ہے تے ایں توں بعد ایندے وچ پنج مثلث بند بن۔ موضوع دے اعتبار نال آینکوں  
نعت وی آکھیا ونج سگدا ہے۔ کیوں جو نعت وچ رسول کریم نال محبت، عقیدت دا  
اظہار کیتا ویندے۔ اونویں وی کہیں وی مسلمان دے دل وچ رسول کریم دی محبت دا  
موجود ہون اوندے ایمان کیے ضروری ہے۔ نہ صرف اے ضروری ہے بلکہ مایہ پوتے  
اولاد دی محبت توں وی زیادہ محبت رکھن ضروری ہے۔



اتھاں میں مٹھری نت جان بلب  
سُوہنا خوش و سدا وچ ملک عرب

خواجہ صاحب اپنی محبت تے عقیدت دار رسول کریم نال اظہار ایں طرحاں  
کریندن جو میں ہر وقت مشکل وچ ہاں تے میڈی جان ہوٹھاں تے آئی ہوئی ہے  
تے میڈا محبوب میڈا ہادی ملک عرب وچ خوش پیا و سدا ہے۔ ہجر دی کیفیت بیان کیتی  
گئی ہے تے زیارت تے دیدار دی خواہش دا اظہار کیتا گیا ہے تاں جو دل کوں قرار  
تے راحت محسوس تھیوے تے او ایویں ممکن ہے جو دیدار زیارت تے حاضری دی  
توفیق تھیوے۔

ہر ویلے یار دی تانگ لگی سینے سک دی سانگ لگی  
ڈکھی دڑی تے ہتھ تانگ لگی تھے مل مل سول سمو لے سب

لفظی معنی اے تھے جو ہر ویلے میکوں محبوب دا انتظار ہے۔ میڈے ویران  
سینے وچ چاہت دی برجھی لگی ہے۔ ڈکھی دل کوں اے سہارا ملیا ہے جو سارے غم تے  
الم کٹھے تھی گئے ہن۔ مرادی معنی اے تھے جو ہر ویلے محبوب دے ملن دی تانگہ رہندی  
ہے۔ سُنچے تے ویران سینے دے وچ وی محبت ہے تے او ایویں تسکین پاسگدی ہے جو  
محبوب دا دیدار تھیوے یا اوندے دے حاضری دی سعادت نصیب تھیوے۔ دل ہر  
ویلے غمزدہ رہندے تے اینکوں سہارا اے میا ہے بوسارے ڈکھ کٹھے تھی گئے۔ اے  
سہارا ایں طرحاں بنیا ہے جو جیڑھے ویلے ڈکھ سارے کٹھے تھی وچن تاں دل ڈکھا  
احساس گھٹ تھی ویندے۔

تتی تھی جو گن چودھار پھراں ہند سندھ پنجاب تے ماڑ پھراں  
سنج بر تے شہر بازار پھراں متاں یار ملن کہیں سانگ سب

میں سوختہ جگر جو گن دی طرحاں اپنے محبوب دی تلاش وچ ہر پاسے پھردی  
و دی ہاں۔ ہند سندھ پنجاب تے مارواڑ وچ پریشان حالت وچ پھردی و دی ہاں تے

محبوب دی تلاش جاری ہے۔ کپڑا ہن ویرانے شہراں تے بازاراں وچ ایں طرحاں  
ماری ماری پھردی ہاں جو کہیں حیلے یا سبب محبوب دا قرب نصیب تھی وچے۔ بنیادی  
طور تے ایں بند وچ وی حب رسول دا جذبہ وافر نظر آندا ہے تے شاعر رسول کریم دی  
قربت تے رضا دی تلاش وچ ہے۔ چودھار پھرن دا مطلب اے ہے جو اللہ دے  
نیک بندیاں نال رابطہ وی ضروری خیال کیتا گیا ہے تاں جو کہیں نہ کہیں حیلے یا سبب  
رضا دا حصول ممکن تھی وچے۔ سنچ بر یعنی ویرانے وچ وی پھرن دا مطلب اے ہے جو  
یکسوئی نال اللہ تے اوندے رسول دی رضا عبادت تے مجاہدے نال نصیب تھی  
وچے۔

جیں ڈینہہ دانہ نہ تے شینہ پھٹیا لگی نیش ڈکھاندی عیش گھٹیا  
سب جو بن جوش خروش ہٹیا سکھ سڑ گئے مرگئی طرح طرب

جیں ڈینہہ دا عشق دے شینہ زخمی کیتا ہے تے ڈکھاں ڈنگ مارے ہن  
اول ڈینہہ دا عیش ختم تھی گیا ہے۔ جوانی دا سارا جوش وی ختم تھی گیا ہے۔ سکھ وی سڑ  
گئے ہن تے عیش آرام دی حیاتی دا دور وی ختم تھی گیا ہے۔ مطلب اے ہے جو جیں  
ڈینہہ دا عشق رسول نصیب تھیا ہے اول ڈینہہ دا دنیاوی عیش آرام گھٹ تھی گیا ہے یعنی  
اوندی حیثیت عشق دی نظروچ گھٹ تھی گئی ہے تے اپنے عشق دی مستی وچ سرشار  
رہندے۔ جوانی دا سارا جوش خروش ختم تھی گیا ہے تے جوانی دیاں اُمنگاں عشق رسول  
دے سامنے کوئی حیثیت نی رکھدیاں۔ ہن تاں سکھ دا مطلب ای کچھ بیا تھی گیا ہے  
تے دنیاوی سکھ کوئی حیثیت نی رکھدے۔

توڑے دھکڑے دھوڑے کھاندی ہاں تیڈے نام توں مفت وکانڈری ہاں  
تیڈیاں بانڈیاں دی میں بانڈری ہاں ہے در دے کتیاں نال ادب

توڑیں جو میں دھکے دھوڑے کھاندی و دی ہاں تے پریشان حال ہاں پر  
تیڈے ناں توں مفت وک چکی ہاں تیڈیاں بانڈیاں دی وی بانڈی ہاں تے تیڈے



دردے کتیاں داوی ادب کریندی ہاں۔ عاشق اپنی حالت زار دا ذکر کریندی ہونئیں  
آکھدے جو اپنے محبوب دی محبت وچ دردے دھکے کھادے ہن تے محبوب دے  
ناں توں ہر شے قربان ہے۔ محبوب دے احکام دی تعمیل کیجے باندی بن کے عمل کرن  
وچ راحت محسوس تھیندی ہے۔ عشق تے محبت دا جذبہ ایڈا وافر ہے جو محبوب دے در  
دے کتیاں دا ادب کرن وی باعث سعادت ہے۔

واہ سُو ہٹا ڈھولن یار جٹن واہ سانول ہوت حجاز وطن

آڈیکھ فرید دا بیت حُزن ہم روز ازل دی تا نگھ طلب

اے میڈے پیارے محبوب تیڈا وطن حجاز ہے۔ فرید دا غم خانہ یعنی گھروں آ  
کے ملاحظہ فرما کیوں جو ہیں گالھ دی روز ازل توں خواہش رکھدا ہاں۔ خواجہ صاحب  
رسول کریم دے کرم دی ہر ویہ تا نگھ رکھن تے عرض کریندن جو او ندانم خانہ ڈٹھ  
ونجے۔ مطلب اے جو او ندے اُتے کرم دی بارش کیتی ونجے اے خواہش تے حسرت  
روز ازل توں فرید دے دل وچ موجود ہے۔ فرید دی جیکراے حسرت پوری تھی ونجے  
تاں اونکوں پئی کہیں خواہش دی طلب ای نہ رہ ویسی۔

کافی نمبر: 21

ض نمبر: 34

محمد اسلم میتلا

ہے ہے یار برو چل ہک تل ترس نہ کیتا  
کر کے سخت نمائی اپنے نال نہ بیتا  
ہجر پیالہ ازلوں میں مٹھری لو پیتا  
جیں ڈینہہ جٹن سدھائے ڈکھ آیا سکھ بیتا  
سول کلہوا کوچھا لوں لوں رگ رگ سیتا  
اصلوں محض و سار یس لا کر پر م پلینا  
روہ فرید لتاڑاں شالا کھانوم چیتا

دیوان فرید دی اے کافی نمبر 21 ہے۔ دیوان فرید یا کلام فرید صرف کا فیاں  
تے مشتمل ہے۔ انہاں کا فیاں وچ خواجہ صاحب نے او ہمہ گیریت پیدا کیتی ہے جو ہر  
صنف شاعری دی جھلک مختلف کا فیاں وچ نظر آندی ہے۔ غزل، نظم، مثنوی، گیت تے  
قصیدے دی جھلک تاں کلام فرید وچ عام ہے۔ مختصراً اے آکھیا ونج سگدے جو کافی او  
چھوں بھری چنگیر ہے جیندے وچ ہر قسم دے پھل موجود ہن۔

امج دی کافی وی غزل نما کافی ہے۔ جیندے وچ مطلع کوئینی پر باقی



سارے لوازمات غزل والے موجود ہن۔ غزل متردب دی شکل سامنے آئی ہے۔ قافیہ ردیف ڈوہاں دی جاہ صرف ردیف توں کم گھدا گیا ہے۔ ایں کافی دامرکزی خیال جدائی تے محرومی ہے۔ سستی دی زبانی بھرتے جدائی دے درد دا اظہار کیتا گئے۔ ہر شعر الگ اکائی ہون دے باوجود مرکزی خیال نال جڑیا ہویا ہے تے ایں غزل مسلسل دی صورت وی نظر آندی ہے۔

بے ہے یار بروچل بک تل ترس نہ کیتا

شاعر نے جدائی دی حالت وچ اپنی خستہ حالی تے بے چارگی دا اظہار سستی دی زبان وچ علامتی طور تے کیتے۔ جیڑھی اپنے محبوب یعنی پنوں کوں مخاطب کر کے آکھدی ہے۔ افسوس ہے افسوس ہے اے میڈے محبوب جو میڈی تباہ حالی تے تیکوں ذراوی رحم لی آیا۔ مراد اے ہے جو میڈی بے چارگی تے بربادی داتیکوں علم وی ہے تے ول وی میڈی دلداری نو ہی کیتی۔ میں کیڈی قسمت دی ماری ہاں۔

کر کے سخت نمائی . اپنے نال نہ نیتا

میں بیکس تے مسکین نال اے زیادتی کیتی ہی جو اپنے نال نو ہی گھن گیا۔ سستی اپنے محبوب پنوں کوں شکوے دے انداز وچ اکھیندی ہے جو میکوں ککھا چھوڑ کے ٹر گیا ہیں ایں ڳالھوں جو میں بے سہارا تے نمائی ہم۔ ایں خیال کوں جانناز جتوئی نے ایں بیان کیتے:

عورت جان دروہ کیتو ہی بھل ووخان آں بھل

بجر پیالہ ازلوں میں مٹھوی لو پیتا

لفظی معنی ایں شعر دے ایں ہن جو ازل توں میں بجر داز ہر گھول تے پی گھدا ہے۔ مطلب اے تھیا جو ہمیشہ توں میڈے نصیب وچ بھرتے جدائی ہے۔ میں ہمیشہ توں مشکل دا شکار ہاں۔ میڈی خوشی تاں محبوب دے وصال وچ ہے۔ جیڑھا میکوں نصیب نی تھیندا۔ ایں طرحاں مسلسل کرب وچ میڈی حیاتی گذردی پئی ہے

تے کوئی صورت وی ایں کرب دے ختم تھیون دی نظر نی آندی پتے۔

جیں ڈیہ نہہ بچن سدھائے . ڈکھ آیا سکھ بیتا

ایں شعروچ وی جدائی تے فرقت دا ذکر کیتا گیا ہے۔ محبوب جیں ڈیہ نہہ دا روانہ تھی گیا ہے ڈکھ لھیٹ گئے ہن تے سکھ ختم تھی گیا ہے۔ محبوب دی قربت خوشی تے راحت دا باعث ہوندی ہے تے دوری ڈکھ تے درد ڈیندی ہے۔ سکھ دی حالت کوں ایں اردو شعروچ بیان کیتا گئے:

حاصل حیات نو ہے مجھے ان کے قرب سے

ہ روز روز عید ہے ہر شب شب برات

جدائی تے فرقت دی کیفیت وچ عاشق دی حالت پہوں خراب ہوندی ہے۔ اردو شعروچ طالب اپنے مطلوب کوں اوندی حالت ڈیکھن دی ارداس کریندے:

کس درجہ تیرے بھر میں ہوں میں شکستہ دل

اس حال میں بھی آکے مجھے میرے یار دیکھ

سول گلگڑا کو جھا لوں لوں رگ رگ سیتا

لفظی معنی ایں شعر دے ایں ہن جو بے ڈھب تے بے ڈھنگا تے بد نما درد وال وال تے رگ رگ وچ وس گیا ہے۔ مطلب اے جو بھر دا بے ڈھب ڈکھ جسم دے ہر حصے وچ وس گیا ہے۔ عشق دے غم نال عشق دی حالت خراب ہے تے اوندے تے مشکل وقت آ گیا ہے جیندی وجہ توں او پریشان حال ہے تے اوندی پریشانی داخل دیدار یا روچ ہے جیڑھا ممکن نظر نی پیا آندا۔

اصلوں محض و سار یس لا کرم پر م پلینا

پر م پلینا۔ پیاردی بھاہ کوں آہن۔ پلینا اوں حصے کوں آہن جتھاں بھالائی ونچے تاں بارود پھٹ پوندے تے دھماکہ تھی ویندے۔ معنی ایں شعر دے اے تھئے جو میڈے محبوب میکوں اصلوں و سار پڑتا ہے تے پیاردی بھاہ لاتے پرے تھی گیا ہے۔



مطلب اے جو میڈا محبوب میڈی پرواہ فی کریندا۔ میڈے پائے پھیراوی فی پیندا تے  
میکوں دل توں بھلا بڑا تائس تے محبوب دا ابے رویہ میڈے کیتے روگ بن گیا ہے۔  
روہ فرید لتاڑاں شالا کھاوم چیتا

اے فرید میں پہاڑاں کول لتڑیندا وداں۔ مطلب اے جو ہجر دے درد دی  
وجہ توں میکوں قرار کائی تے مارا مارا پھر دا وداں۔ ہُن تاں ایہا خواہش ہے جو میکوں  
چیتا کھاونجے۔ مطلب اے تھیا جو ہجر دے غم میکوں سخت مشکل وچ مبتلا کر ڈتے تے  
میڈی حیاتی داسفر مشکل تھی گیا ہے ایس خاطر ایس غم دے ختم تھیون دی ایہا صورت رہ  
گئی ہے جو میکوں چیتا کھاونجے تے میکوں ایس ہجرتے فرقت دے غم توں نجات  
حاصل تھیوے۔

کافی نمبر: 33

س نمبر: 46

اشوال

اساں کنوں دل چا یو وے یار چا پے کتھن وچ لا یو وے یار؟  
یار بروچل کچ دا والی کیتو حال کنوں بے حالی  
پر بھیت 'روہ رُلا یو وے یار!

ملک ملھیر لتونی جھوکاں میں کلھڑی وچ اوپریاں لوکاں  
ہک تل ترس نہ آ یو وے یار!

میں کملی کیا چاٹاں نینہ کوں ظلمی نہرتے قہری شینہ کوں  
آپے دید اڑیو وے یار!

آپے اپنا سونھاں کیتو کرہوں قطاریو 'نال نہ نیتو  
کیس دھوتی 'بھر مایو وے یار؟

یار مٹھی کوں ڈٹرو رولا ساڑیو 'کیتو کیری' کولا  
تڑی کوں کیوں تاپو وے یار؟

آپے شہر بھنجور ڈو آ یوں یاری لا کر چھوڑ سبھایوں  
مفتا گوڑ کما یو وے یار!

یار 'فرید! کڈاں سنھلیسی؟ سبھوں سڈ کر' کول پلھسی  
جے وت بخت بھڑایو وے یار!

کافی کلام مقامی ثقافتاں راہیں تصوف دی اولذت اے جیڑھی پڑھن توں  
واہگوبین نال تعلق رکھدی اے اتے صدیاں توں او بے پیرے مُردی آندی اے



جہاں کوں نمائیاں دے رومزاچوں مطالعہ کرن دی لوڑاے۔

خواجہ سائیں دی کافی وی تصوف دی میوزیکل لذت پچھوں تصوف داموادھن کے واہندی اے۔ تصوف دے ایس مواد اچوں سبھ توں اتم خوشبو وحدت الوجود دی اے جتھاں غیر دا وجود باقی نیں راہندا۔ ہووٹ دی برہا بھوگ کے جڈاں ایندا وصال گل نال تھیندے تاں فناہ دا عمل اپنے نال ہمیشاں دی بقا دامتزا گھنڈے۔ خواجہ سائیں دی کافی وچ وی عشق برہا تے وصال دی تکون سوسو شکلاں وٹیندی اے۔ امیروں زبان دے مزے توں ودھ اہم مواد خواجہ سائیں دی کافی وچ اوتاریخی اتے تہذیبی مونجھ اے جیکوں تصوف اچ وصال راہیں ترتیب دا درجہ کچھیا ویندے۔ سندھ وادی خاص کر سرائیکی وسیب دامتزا اچیں مونجھ اتے نمائتا اچوں گنجھیا گئے۔ برہا ایں مونجھ دا خاص علاقہ اے جیندے پناں وصال دی تصدیق نہیں تھیندی۔ خواجہ سائیں دے تمام ایں تصوف وچ خواجہ سائیں دی کافی کئی رنگ وٹیندی اے۔ سنگھار جھان وچ رچ کچ دی سبھ توں اہم نشانی اے۔

خواجہ سائیں دی کافی وچ اہم ٹیکنیک ایندی فوٹو گرافک اٹکل اے۔ روہی تھل دمان دالینڈ سکیپ اپنے لئی لائے پھوگ پانی تے روہ جبل نال پورے دا پورا تفصیل در تفصیل موجود اے۔ خلاصہ کرتے تاں خواجہ سائیں دی کافی تصوف سنگھار اتے فوٹو گرافی نال نمائیاں دے رومزاچوں اوپیرے ٹردی اے جیڑھے نسل در نسل داستاناں اتے لوک ریت اچوں ظاہر آن تھیندن۔

ایں کافی دارنگ روپ وی سستی پنوں دی داستان اچوں ابھر دے۔ کچ بھنبھورا تے ملک ملیرا اپنے روہ جبل نال اوں عشق دامتزا گھندن جیڑھا سستی وچوں جوان تھئے۔ سستی خواجہ سائیں دی کافی دا سبھ توں اہم استعارہ اے جیڑھا بھنبھورتوں لاکچ تیں ولا ولا برہا دا بھوگ بھگیندی اے۔ ایں تانگھ نال جو انت وصال اٹ چک اے۔ ایں کافی دی وسوں وی تروی مٹھی اتے روگن باری اے۔ سستی دی زبانی:

ظلمی نہر تے قاہری شینہ کوں

میں تروی کیا چاٹاں نینہہ کوں

ظلمی نہر تے قاہری شینہہ کوں چاٹدیں ہوئیں وی ایہو ”میاں کیا چاٹاں“ ای تاں اوں غم دی بنیاد اے جیکوں عشق محبوب دی طاقت دے بغیر فرض نہیں کیتا ونج سگدا جیڑھا بے خبری توں شروع تھیندے۔ عشق داسر زور ہووٹ اتے معشوق دا بے زور اتے بے وسا ہووٹ وی باقی کافیاں وانگوں ایں کافی دا وی مواد اے۔ مصیبت اتے سفر ایں کافی دی سک کچ اے۔ جیڑھی روز ازل دا کارہ اے۔ فرید الدین عطار دے سے مرغ (منطق الطائر) وانگوں کچ تیں پچن داپندہ بہوں مشکل اے۔ ایندا بیان خواجہ سائیں دی کافی وچ ولا ولا اے۔ ایں کافی وچ وی پریت روہ کھپا دے نال نال لوک وی اوپرا اے۔ وڈی مشکل اے وی نال جو کچ داوالی (محبوب) وی عاشق دی ایں حالت توں لاعلم اے۔ صرف لاعلم وی نہیں ہتھوں لائی لگ وی ہے جیکوں دھوتا پاڑا ہرویلے برہائی (بھڑکائی) رکھدن۔

”کیس دھوتی برہائیوے یار“

باقی صفتاں محبوب دیاں پکھو:

☆ ... پریت روہ رلا یوے یار

☆ ... ہک تل ترس نہ آ یوے یار

☆ ... آپے دیداڑ یوے یار

☆ ... مفتا کوڑ کما یوے یار

ہن جو عاشق نال تھیندی اے۔ اوند خلاصہ کافی ایں کریندی اے:

☆ ... یار بروچل کچ داوالی

☆ ... کیتو حال کنوں بے حال

☆ ... میں کملی وچ اوپرے لوکاں



☆..... کر ہوں قطارت نال نہ نیو

☆..... ساڑیو کیتو کیری کولا

☆..... یاری لا کر چھوڑ سدھایوں

اے کافی اپنے تمام چرناں وچ انہاں تفصیلات دا بیان اے جیڑھیاں عشق دی راہ وچ پیش آندین۔ ایں کافی وچ وی ”دھوتی“ ہے تاں اوہو کاں والا دوت (قاصد) جیڑھیا کڈا ہیں دلاں کوں ملیندا با پر آج اوندا منصب پیغام رسانی توں ودھ صرف لڑاؤں بھڑاؤں بھڑکاؤں تے لاؤں چاؤں دا آن ریہے۔ دلاں کوں ملاؤں دا ایندا منصب دلاں کوں لڑاؤں اچ بدل گئے۔

محبوب دا آپیں اپنا سونہاں کرن اتے کر ہوں قطار دے نال نہ نیوٹ داورد وی عاشق راہیں محبوب دی نہیں کہیں دھوتے دی کارستانی اے۔ پر ”چاپے کتھاں ونج لایو“ دی بے خبری اتے تکلیف عشق (سستی) دے مصائب دا حصہ اے۔ انہاں تکلیفاں وچ گھیرے عاشق دی تصویر انت کیری کولا آن بچدی اے۔ محبوب دا ایں کافی وچ آپے اپنا سونہاں کرن آپے شہر بھنہوڑ دو آؤں آپیں دیداڑاؤں اصل وچ عاشق دی بے وی دا اظہار اے..... عشق دی ایں واردات اگوں اوندا کوئی وس نہیں چلدا..... ہتھوں عشق دی مٹھ اچ آؤں دی حالت کہیں کمپ دا حصہ اے ہوش دی حالت نہیں۔

برہادے سیک وچ اوڑپہنہوں ڈیہنہہ بھردار اہندے۔ ایں کافی وچ وی مستی ولوں کچھ دے والی اگوں کچھ سوال ان جو..... جے آپ ای سبھ کچھ کرنا ہاتاں وت

تڑی کوں کیوں تاپو دے یار

چاپے کتھاں ونج لایو دے یار

عاشق راہیں اے سبھ سوال اتھاں جواب وچ بدل ویندن جتھاں ”ہک تل ترس نہ آئیو دے یار“ عاشق دی صفت ہووے۔ بے ترس ہوون بے درد ہوون سنگ

دل ہووٹ لائی گپ ہووٹ اتے حسن دی طاقت نال مسلح ہوون عشق دے ہتھیار ان۔ اوپرے لوکاں وچ کھے عاشق نال جو گزردی اے اوندا تل تل ترسیت دی زبانی خواجہ سائیں دی کافی وچ جاہ جہ موجود اے۔

ایں کافی وچ صفت کچھ، بھنہوڑ یار بروچل، کچھ داوالی سبھ قاری دی سونہی صنف اے۔ جیڑھی سوال در سوال، کیفیت در کیفیت، تصویر در تصویر داستان در داستان خواجہ سائیں دی کافی دے عمومی مزاج کوں کھلیندی اے جتھاں برہا سیک در سیک انت وصال وچ بدل ویندی اے۔

ہک تانگھ البتہ ایں عشق تمام سفر وچ (بھانویں کمزور سہی) خواجہ سائیں دی کافی دے نال نال راہندی اے جو ”جے وت بخت بھڑایا“ تاں انت یار اپنے کولھ سپڈے ہر و برو بھلیسی۔ ایہا تانگھ تاں ڈکھ در ڈکھ برہادر برہا عشق دی پانہہ ٹیل اے جو انت وصال امر اے۔

یار فرید کڈاں سنبھلیسی

سبھوں سپڈے کر کولھ بھلیسی

جے وت تخت تھہر ایو دے یار



ہکتی جاہ تے لکھدن:

سس نناٹ کرم بکھیرے امڑی جو جولاویم جھیرے

بابل مول نہ بھاندی آں

ڈوجھے بند وچ خواجہ سیں رنجیتی ڈھنگ ورتے اتے وچھوڑے وچ اپنی پوری حیاتی دی گذران دا ڈس ڈتے جو جڈاں دامیڈے سر تے عشق دا بار آئے۔ میں تاں پورے شہر وی بدنام گئی آں۔ اتے روروتے عمر ویندی پئی آں تے میکوں منزل داوی کوئی ڈس نہیں ملدا۔ ایں بند وچ ہک مصرعہ لگی ”ہوہو“ شہر خواری ہے ”ہوہو“ دا ورتاوا ڈکھ دالفظی نہیں بلکہ شدت نال صوتی اظہار ہے۔

ترتجھے بند وچ وی خواجہ سیں رنجیتی ڈھنگ وچ گالھ کیتی ہے تے تربیت دی زبان وچ اپنے ڈکھ کوں نشا برکیتے جو میڈا دل یار کیتے گر لاندایے۔ میکوں تر پھیندا تے پھر کیندا ہے۔ دل دی خوراک ڈکھ اتے ڈکھ دی خوراک دل بھی گئے۔ تے میڈے محبوب دا ورتاوا بہوں بے دلی تے بے نیازی آلا ہے۔ ایں بند وچ لفظ ”گر لاندے“ استعاراتی طور تے ورتیا گئے جیویں کونج اپنی ڈارتوں وچھڑتے گر لاندی ہے اینویں میں وی اپنے محبوب دے وچھوڑے وچ گر لاندی پئی آں۔

چوتھے بند وچ خواجہ سیں ڈکھ وچ کھٹ نال کھٹ تھیون تے اُتلیں دے تر لے پھر لے کرن ڈاڈا کرکیتے جو کئی حکیم تے ڈاکٹر میڈا علاج کریندے پن میکوں بہوں دوائیاں کھویندے پن پر او میڈے دل دا بھیت تے میڈی اصل مرض بارے نہیں جانڈے تہوں میں ٹھیک نہیں تھی سگدا۔ ایہہ میکوں جسمانی مرض سمجھدن جڈاں جو میں تاں مریض عشق باں تے میڈا علاج دوا کینی بلکہ دیدار یار ہے۔ تل برابر فرق نہ پوون ”طیب کماون“ تے ”جھول پلاون“ محاورے ہن جیکوں خواجہ سیں وڈے سوھٹپ نال ہکے بند وچ ورتے۔

پنجویں بند وچ خواجہ سیں سسی پنوں دی تلمیح نال اپنے وچھوڑے کوں پدھرا

کیتے تے ایں لوک قصے بارے انوکھری گالھ دی کیتی ہے جو لوک تاں آہدن پنوں دے بھراونکوں بے ہوش کرتے چاگئے ہن تے سستی سستی پئی ہئی اتے اونکوں خبرای کا سنا ہئی۔ جڈاں جو خواجہ سیں سسی دے مونہوں اکھویندن جو پنوں جھٹ کھن کیتے وی نہیں اُجھکیتے پچھوں مڑتے وی نسی ڈٹھتے میکوں کبھی چھوڑ کر ایہیں کیچ دولہ گئے اتے میکوں خبر ہئی جو اوں ایویں ای کرے میں تاں اپنے عشق دی پالٹ سائے گے کوڑی مچی دی سستی پئی رہی ہم۔ میں تاں اوندے نال وفا کیتی ہم پر اوں میڈی قدر نہیں کیتی۔

چھیویں بند وچ خواجہ سیں لیلیٰ مجنوں دی تلمیح ورتیندن۔ اتھاں انہاں دا ڈکھ بہوں اُچے پدھرتے تیج گئے تے اوہن ”دھانہہ پکار“ کرن لگ پن تے مجنوں دے آلا وچ ہکل مارتے آہدن جو او لیلیٰ میڈی دھانہہ فریاد سٹ تے اپنے مجنوں دی حالت وی ڈکھ جو او کیویں زار زار ہے۔ میڈا محبوب بے شک توں میڈے کول نوہی آندا پر توں ہک وارتاں اپنے کچاوے دا پردہ چاتے میڈے تے مہر دی دید بھنواچا۔

چھیکڑی بند وچ خواجہ سیں اپنے حال تے کافی کوں Sum up کریندن جو میڈا دل پریم نگر کوں تانگھدے پر اڈوں دے راہ بہوں اوکھے تے کشالے والے ہن۔ نہ راہ ہے تے نہ ای لا نگھاتے بہوں مشکل دا پندھ ہے۔

پوری کافی وچ خواجہ سیں اپنے وچھوڑے دے ڈکھ درد کوں دکھو دکھ ڈھنگاں نال نشا برکیندن تے چھیکڑی بند وچ ایہہ اکھیندن جو میڈا دل یار کوں وچن کیتے سکدا تے لو بندا ہے پر ایہہ پندھ بہوں مشکل ہے۔ پوری کافی وچ ساکوں ڈکھ درد تکلیف تے یاسیت نظر دئی ہے پر چھیکڑی بند وچ انہاں لفظ ”مشکل“ ورت تے ساری یاسیت کوں رجا بھیت وچ بدل ڈتے۔ جو ایہہ پندھ توڑیں مشکل ہے پر ناممکن کینی۔ جیویں آہدے پئے ہوون۔

تھل مارو دا پینڈا سارا  
تھیسیم ہک پلہانگ



ڈاکٹر محنتی رظفر

کافی سرائیکی شاعری کا وہ دلکش نغمہ ہے جس میں اس وسیب کے دل دکھڑکتے ہیں۔ مزاجاً یہ اردو، فارسی ادبیات کی ”غزل“ سے ملتی جلتی ہے۔ اشارتی زبان، ایمانی انداز، غنائیت، درد مندانه کیفیت، بحروں کی لطافت، تہ در تہ مفاہیم، گویا دل شکستہ کا درد آسا گیت، یہ وہ ساز ہے جس پر عشقانہ معاملات، کائنات کے رموز، تصوف اور وحدت الوجود کے سرود اس طرح گنگناتے ہیں کہ روح کھل اٹھتی ہے۔

سرائیکی شاعری میں ”کافی“ کی ریت اور روایت بہت پرانی، توانا اور جاندار ہے۔ بے آب و گیاہ چولستانی خطے اور تھل دمان کے بنجر علاقے کے افسردہ ماحول میں سنگتی اور پختی زندگی کے احساسات کے اظہار کا مؤثر ذریعہ ہے۔ چنانچہ سرائیکی شعراء نے ایسی خوبصورت کافیاں کہی ہیں جن میں دلوں کو چھیڑنے اور روح کو سرشار کرنے کی کیفیات مچلتی ہیں لیکن ان میں خواجہ غلام فرید کی کافیاں فکر و فن کے کمال پر ہیں بلکہ

وہ چمن میں جس روش سے ہو کے گزرے بے نقاب

دفعاً ہر ایک گل کا رنگ گہرا ہو گیا

ان کی کافیوں میں جذبہ اور فکر تخیل کے رباب پر اس لطافت سے گنگناتے ہیں کہ خواص ہو یا عوام، شہری ہو یا دیہاتی، وہ ہر دل کا نغمہ محسوس ہوتی ہے۔ سنیں تو روح وجد کرتی ہے۔ سوچیں تو معنویت کی نئی تہیں کھلتی ہیں۔ ان کی کافیاں عظیم شاعری کے زمرے میں آتی ہیں۔

بڑی شاعری کی خوبی یہ ہے کہ وہ سب کیلئے ہو اور سب زمانوں کیلئے ہو۔ خواجہ فرید کی کافیوں میں دونوں رنگ موجود ہیں۔ وہ ہر دور اور ہر زمانے کے ہر درجے کے انسان کو اپیل کرتی ہیں اور وہ اس لئے کہ اس میں روح عصر نو بہ نو کیفیات کے ساتھ جلوہ آ رہا ہے۔ ان کی شاعری آفاقی سطح کو چھوتی ہے۔

خواجہ فرید کی کافیوں کی تفہیم اور تشریح ہر دور میں کی جاتی رہی ہے مگر اس کے فکری اور جذباتی تنوعات اہل نظر کو نئے معنوں کی تلاش کی دعوت دیتے ہیں۔

”آچنوں رل یار“ بظاہر ایک خوبصورت منظر اور جشن بہاراں کو پیش کرتی ہے لیکن اس کی تہہ میں زندگی اور زمانے کے اسرار و رموز بھی ہیں۔ سابق ریاست بہاول پور کے ایک جج محمد اکبر نے پیلھوؤں کے پودے کو ”شجر اسلام“ سے تشبیہ دی ہے اور آیت قرآن ”الیوم اکملت لکم دینکم“ کا حوالہ دیکر وضاحت کی ہے کہ شجر اسلام صحرائے عرب میں بار آور ہو چکا ہے۔ آؤ ہم سب مل کر اس کے شیریں ثمرات کی خوشہ چینی کریں۔ یہ تشریح اپنے استدلال اور حوالوں کی بنا پر بڑی خیال انگیز ہے۔ اب پروفیسر شمیم عارف نے اس کا مرکزی خیال Love for Labour اور Sense of Participation قرار دیتے ہوئے اساطیری (Mythology) حوالے سے اس کی تشریح کی ہے۔ ان کی تشریح کا ایک نثر پارہ پیش کیا جاتا ہے۔

”اس کا مرکزی خیال Love for Labour اور Sense of Participation ہے۔ اسے ہم محنت کی عظمت، مزدور سے محبت اور مل جل کر زندگی بسر کرنے کی خواہش بھی کہہ سکتے ہیں۔ یہی جوگ اور آرزو ہی تو ہے جو انسان کو کام کرنے کی ترغیب بھی دیتی ہے اور اس کے عمل کا محرک بھی بنتی ہے۔ انسان کی یہ خواہش اس کے پاؤں باندھنے کے بجائے سفر کرنے اور کچھ گزر گزرنے کا باعث بنتی ہے۔ یہی سفر اس کے ہجر کا سبب بنتا ہے اور وصال کا باعث بھی۔ اس انسان کی طاقت پرواز کی کوئی حد نہیں۔ یہ آفاقی انسان کی علامت ہے۔ یہ انسان وادی سندھ کا رہائشی ہو یا دریائے نیل کے کنارے بسنے والا یا دجلہ و فرات کی وادیوں میں رہنے والا، خواجہ فرید ان تمام انسانوں کو پیلھوؤں چنے یعنی مل جل کر بھرپور طریقے سے زندگی گزارنے کی دعوت دیتے ہیں۔“



## بن دلبر شکل جهان آیا

اجمل مہار

بن دلبر شکل جهان آیا  
ہر صورت عین عیان آیا

کافی دامن کزی خیال:

اے کافی ”وحدت الوجودی“ فلسفے نال تعلق رکھیندی ہے، بنیادی طور تے کافی دا موضوع ”حسن ازل“ ہے۔ اتے ول ایں حسن دے مظاہر دیاں کیفیتاں دا علامتیاں راہیں پڑ بدھیا گئے۔

کیوں جو شاعری دی بنیاد جذبے تے ہوندی ہے یا کیتی ویندی ہے۔ پر خواجہ فرید سیں! تھاں جذبے دی گالھ نہیں کریندے بلکہ او فلسفے دی گالھ کریندن۔

خواجہ فرید جیڑھے ویلے تصوف تے گالھ کریندن تاں او ساڈے سامنے شاعر توں زیادہ فلسفی بن کر اہیں سامنے آئین۔ کیوں جو شاعری اصلاحات دی پابند نہیں ہوندی جڈاں جو فلسفہ اصلاحات دا پابند ہوندے۔ ایں سانگے اساں ایں کافی کون فن دی سطح تے نہ ڈیکھوں بلکہ علمی سطح تے بیان کریں۔

اے کافی وی وحدت الوجودی منطقے نال تعلق رکھیندی ہے۔ ایں کافی دا بنیادی موضوع ”حسن ازل یا مظاہر کائنات“ ہے اتے ایں ”تھل“ دے چدھار ساریاں کیفیتاں ڈسدن۔ ایں کافی دالب ولجہ خطابہ ہے۔

حدیث قدوسی ہے! کنت کنزاً مخفياً فاحیث ان اعرف مخلقت الخلق“

خواجہ فرید آبدن۔

کنت کنزاً عشق گواہی پہلوں حب خود ذات کون آہی  
ہیں سانگے تھیا جمل جہاں

مشہور مفکر تے فلسفی فلاطینوس آبدے!

”جڈاں حسن ازل دا پیالہ نک تائیں بھرتج گیا تاں دنیا تخلیق تھئی“ مظاہر کائنات دا اے فلسفہ جینکوں افلاطون یونانی تے فلاطینوس ”حقائق عقل“ آکھیا، ذات احد، عقل کل، روح کل، انسانی روح، مادہ، اے یونانی فلسفہ ٹردا ہو یا اسلامی تصوف تے نزول، جذب فعل اثر انداز تھیا تاں ”وحدت الوجود“ دارنگ اختیار کر گیا، تاں ابن العربی نے وجود المخلوقات عین وجود الحق“ آکھیا، منصور حلاج ”انا الحق“ تے بسطامی نے ما اعظم شائی دانعرہ لایا۔

خواجہ فرید عین مذکورہ بالا بند وچ ابن العربی تے بسطامی تے منصور دے نعریاں کون ذوق و وجدان دا شاہکار قرار ڈے تے انھاں دی پیروی کیتی ہے او فلسفہ وحدت کون ہر شک شبہ توں مبرا خیال کریندن۔

تصوف دی اصطلاح وچ وحدت ای کثرت نال جلوہ گر ہوندے یعنی کائنات دے بے شمار چیزاں وچ نظر آندے پر حقیقت وچ اوہک وحدت مطلقہ دا ای منظر ہوندے جینکوں حق شناس ای ڈیکھ سگدن۔ خواجہ میر درد آبدن:

ماہیوں کو روشن کرتا ہے نور تیرا  
عیان ہے مظاہر ظاہر ظہور تیرا

خواجہ فرید عین آبدن جو۔

”بن دلبر شکل جهان آیا“

عین عیان دے مظاہر وچ حضرت آدم، حضرت شیث، حضرت ابراہیم خلیل، نوح تے طوفان، یوسف وچ کعبان، زکریا یحییٰ تے موسیٰ بن عمران، احمد شاہ رسولان دا سلطان، ابو بکر، عمر، عثمان تے اسد اللہ، توریت، زبور تے انجیل تے حق فرقان درد درمان، پنڈت،



جوگی تے جوسی تے سامی بھوگی، مصر براگی تے روگی دے اے سارے روپ خدا دے  
مظاہر ای ہن۔

جیندے وچ خدا آپنے آپ کوں ڈہدے، اے سارے مظاہر اصل وچ

گل وچ گل شے ظاہر ہے

سوہنیاں ظاہر عین مظاہر ہے

خواجہ فریدؒ میں دے اے سارے استعارے سچائی یا حقیقت کوں گولن کیتے خوب  
اشارے ہن، انھاں دے نزدیک حُسن یا سوہنٹرپ ہر پاسوں جھاتی پائی کھڑے، خواجہ  
فریدؒ اتھاں حدیث قدسی دے حوالے نال ایں گالھ کریندن۔ "لو دلی حبل لعلی  
اللہ حبیط"

و فی انفسکم سراہی لودینم فاش گواہی  
خواجہ فریدؒ دے نزدیک اے حسن امر ہے، طوفانی ہے اتے انا و اظہار مختلف روپ

چال، ڈھال تے انداز وچ کریندے۔

اے حسن حقیقی نور ازل

تینوں واجب تے امکان کہوں

تینوں خالق ذات قدیم کہوں

تینوں حادث خلق جہاں کہوں

تینوں مطلق محض وجود کہوں

تینوں علیہ دا اعیان کہوں

خواجہ فریدؒ میں وحدت الوجود دے نشے وچ پوری طرح مست تھیون دے باوجود  
احکام الہی توں غافل نہ ہن، انہاں اپنے مخاطبین کوں جتھاں وحدت دی شراب پلاتے  
مست تے بخود بنا ڈتے اتھاں فرمان الہی دے ضروری تکاف وی انھاں دے کمال وچ  
ملدن۔

## قسم خدا دی قسم نبی دی

اجمل مہار

کافی د امرکزی خیال

ایں کافی د امرکزی موضوع ہجرتے فراق ہے اتے کافی دا "تھل" عشق، بنیادی طور  
تے کافی دا موضوع ہجرتے فراق ہے پر ہجرتے فراق دیاں تمام کیفیات ایں "تھل" دے  
چدھار پھردن۔

رجائیت تے مبنی کا نیاں وچوں خواجہ فریدؒ دی اے کافی بہوں طاقتور تھی کر ایں سامنے  
آندی ہے "تھل" دے حوالے نال کافی دا ظاہری نقطہ عشق ہے  
عشق کیا ہے؟ عشق بھاہ وی ے تے سیک وی اتے سوز وی!

شیخ السلام بابا فریدؒ دا عقیدہ ہے جو

"عشق او بھاہ ہے جیڑھی درویش دے دل دے علاوہ کتھائیں نیں ہوندی"

خواجہ فریدؒ آہدن:

آتش عشق رنجھینے والی ہوش فکر دی پاڑ بھجالی

ڈھانڈ اندر وچ بلے وویار

آکھیا ویندے جیڑھے ویلے تائیں دل عشق دی بھاہ وچ نہ بلے کوئی شاعر، شاعر نیں  
بن سگدا۔ خواجہ فریدؒ میں جیڑھے ویلے اے کیفیت طاری تھیندی ہے تاں او آہدن:  
قسم خدا دی، قسم نبی دی عشق ہے چیز لذیذ عجیب  
خواجہ فریدؒ عشق دے لطیف جذبے دے سجانو ہن انھاں دے نزدیک عشق ہک مٹھاج



چس تے رس داناں ہئی او عزیز تے لذیذ شے جیندے متعلق دانا آکھ گن ”جو عشق دی مثال ہک اتجھے نور والی کار ہے جیڑھا حیاتی دیاں کالیاں راتیں کوں سو جھل ڈیندے تے ٹھاڈل وی“

خواجہ فرید وی عشق دے ایں مرحلے وچ ”وصال یار“ توں لنگھے ہوسن جو دیدار یاری لذت کوں چکھ گھدے۔ اتنی چس رس جو او محسوس تاں کریندن پر بیان نیں کر سگدے۔ عشق دی بنیادی تصنیف وچ اوسٹھ وی آندی ہے جتھاں عشق عاشق کوں اتھاں سجا ڈیندے جو او محسوس کریندے کہ کائنات بہوں حسین ہے۔ پر جیڑھا ہے ویلے عشق وچ وچھوڑے دی کیفیت آویندی ہے تاں او ندے کیتے کائنات عذاب بن ویندی ہے۔

علامہ اقبال آبدن:

حق اگر سوزے ندارد حکمت است

شو میگرد و سوز از دل گرفت

عظیم شاعر خواجہ فرید دے نزدیک ڈکھ وچھوڑے دی بھاہ وچ ڈھکن داناں ہے۔ بھڑکن دانیں، ڈکھ ہلکی تے ڈھک دی بھاہ وچ انھاں دی شخصیت دے جو ہر نتر آندن۔ عمر نبھایم سر دیں ڈکھ دیں تپ دیں کھپ دیں ڈکھ دیں جگھ دیں

پلڑے پیم نصیب، نصیب

ڈھکن تے تین دی ایں بھاہ وچ او ایں ڈکھ تے مونجھ کوں روحاں دا او وچھوڑا آبدن

جیڑھا خدا توں وچھڑن دے بعد ملیا جیویں ہک بی جاہ آبدن۔

روز ازل دی پاتم گل وچ

برہوں تیڈے دی دور

تھی آن سونہاں منہ نہ لاوے جے لگ ڈیکھاں گھونگھٹ پاوے

تو نیں وسدم سخت قریب

شکایتی انداز وچ اے خطابہ شوقر آن دے اُون نقطے دی علامت ہے

ترجمہ: ”اساں انسان دی شہ رگ توں وی قریب ہیں۔“

تغزل دا اے انداز محبوب دے ناز و ادا کوں سامنے گھن آندے۔ جتھاں محبوب سامنے ہوندے وی لگ لگ بہندے اتھاں عاشق دے دل دیاں حالات تاں زیادہ اُباہلیاں تھی ویندن۔

ہر دم اس دی پیاس ایسے میں لوہا او مقناطیسے

ان القلب الیہ نیب

افلاطون دا قول ہے جو ”ہر شے حسن ازل ڈو چکھیندی پی ہے“

خواجہ فرید اتھاں اوں ویلے کائناتی بن ویندن جیڑھا ہے ویلے او اپنے لفظاں وچ کائناتی طبعیاتی نظام تے گالھ مہاڑ کریندے، جیندی کشش نال اے دنیا قائم ہے۔

اتھاں مابعد الطبیعیاتی نقطہ ہے جو بظاہر تاں لوہے دی باقی قیمتی دھات نالوں کوئی اہمیت کاخی پر اوں کوں اے دھاتی خوبی حاصل ہے جو مقناطیس او کوں کشش کریندے ایہا وی آوندی سناں ہے ایں سانگے او بے اختیار آکھ ڈیندن جو ”بے شک میڈا دل وی آوندے پاسے چھکیندے“۔

سر مکتوم معمر جید دنیا توں خود چڈیا سید

ذوق نماز نسیاء طیب

خواجہ فرید جیڑھا ہے ویلے عشق دی لذیذ پر عجیب کیفیت کوں نیں سمجھدے تاں او اینکوں ہک راز آکھ تے ہک مثال ڈیندن جو عشق اتجھے راز ہن جو انھاں رازاں وچوں حضور تے ترائے چیزاں منتخب کیتیاں ہن او نماز دا ذوق، عورت تے خوشبو ہے۔ کیوں جو نماز راہ وصال ہے تے معراج وی، عورت ایں ابتداء کائنات (حضرت آدم کوں وی) وچ حیاتی دی تکمیل تے خوشبو روح دی تازگی۔

میں مسکین فرید نماناں دھوتا پاڑا یار ایاناں

سو سوویڑھے و سن رقیب



عاشق دا اے مسئلہ رہ گئے جو او ہمیش نما ناں ہوندے اتے عاشق ایاناں، اتے عشق دی حالت او عاشق کیتے سخت تکلیف دہ ہوندی ہے جیز ہے ویلھے او ندے چدھار رقیب و سن اتھاں او ندا محلہ وی رقیب ہے تے محبوب وی، جیز ہے ویلے عیب جو میڈے محبوب کول میڈے گلے کریندن تاں او ایاناں بن کر اپیں او ندی گالھن گھندے تے من گھندے۔  
لکھ لکھ سول ہزاراں ڈکھڑے سو سو سکر جو آیم پکھڑے

بیشک ضرب حبیب ذبیب

صاحبان صدق و صفادے نزدیک عشق ناں ہے وصال دا، جے وصال ناں ہووے تاں عشق و چھوڑا بن ویندے، مضطرب تے بے قرار کر ڈیندے پر اے اضطراب کوئی عصبی ہیجان نہیں بلکہ ایندا مطلب مستقل سعی و عمل ہے جیندا تعلق بکے ویلے، جسم، روح الغرض ساری ہستی نال ہے اتھاں ضرب محبوب وی لذت ڈیندے اتے ڈکھ تے درد وی چس،

ارشاد ربانی ہے:

هو الاول ولا خرو الظاهر والباطن ۵

”او ہوا اللہ اول ہے، آخر ہے، ظاہر ہے، باطن ہے“

نحن اقرب من حبل الوريد ۵

”میں انسان دی شہ رگ توں وی زیادہ قریب ہاں“

هو حصکم این ماکتئم ۵

”خدا تہاڈے نال ہے تہاں جیڈے منہ کرو“

خواجه فرید دے قرآنی حوالے

میڈا اول آخر ، اندر باہر

میڈا ظاہر تے پنہان وی توں

و فی انفسکم ہیئت بتا دے نحن اقرب بین بجاوے

لو دلیتم گیت سناوے لفظ انا الحق بولے

نحن اقرب راز انوکھا دھو معکم ملیا ہوکا  
سمجھ سونجانو عالم لوکا ہے ہر روپ میں عین نظارا  
خواجه سہیں دا عشق کیا ہے۔ او حسن ہے، روز ازل دے مظاہر دا ہے

ہے عشق دا جلوہ ہر ہر جاہ سبحان اللہ ، سبحان اللہ  
خود عاشق تے خود معشوق بنیا سبحان اللہ ، سبحان اللہ

ارشاد ربانی ہے: لولاك لما خلقت الدنيا ۵

”یعنی اے محبوب! جے تیکوں پیدا نہ کریندا تاں دنیا کون نہ پیدا کریندا“

خواجه سہیں آہدن ہے

راںجھن میڈا نور الہی مظہر ذات صفات کما ہی  
سو لاک ملنگی پائی طہ چھتر جھولایا ہے

ملفوظات خواجه فرید دے حوالے نال مقامیں المجالس وچ درج ہے جو

”ہک شخص خواجه فرید سہیں دی خدمت وچ آیا اتے حضرت شیخ دا اپناں کلام سامنے

رکھ تے کافیان دے قافیہ ردیف دی تربیت بارے پکھیا، آپ نے فرمایا! اے تربیت میں

خود ڈتی ہے اتے اے ترتیب احادیث و اسماء الرجال دی تربیت توں اخذ ہے“

خواجه فرید آہدن!

میڈا شعر عروض قوافی توں

میڈا بحر وی توں اوزان وی توں

ایں ساری بحث تے حوالیاں توں سامنے آندے جو ایں کافی دامرکزی نقطہ ”خدا“ دی

ذات ای ہے۔ جے انسان کول ایں نقطے دا حوالا بنایا وی گئے تاں او ”فنا فی الرسول“ دارنگ

ہے۔ جیندا حوالہ بحث وچ ڈے چمکیاں ہاں خواجه سہیں آہدن!

پر غافل نہ تھی یار کنوں

اتھ لاریبی فرمان آیا



## فنی محاسن!

قادر الکلام، شہنشاہ سخنور حضرت خواجہ غلام فرید دے کلام داسہنپ ”تسلیل خیال“ ہے جو انہاں دی کافی وچ پاتا ویندے جیویں غزل مسلسل ہک خیال دی ازاول توں آخر دی مکمل تفسیر ہوندی ہے۔ خواجہ فرید دی اے کافی وی مختلف الخیال دا مجموعہ ہون دی بجائے یک خیال دی مکمل تفسیر ہے، جیڑھی تھل دے چدھار پھر دی ہے۔

خواجہ فرید ہک جید عالم ہن انہاں دی نظر دقیقہ رس تے دماغ نکتہ آفریں ہئی، ایہا وجہ ہئی جو او دل دی گالھ کوں زبان تے گھن آندے تاں ساریاں قوتاں انہاں دی راہنمائی کریندیاں ہن کافی دا ہر شعر قاری کوں وجدانی کیفیت نال محفوظ کریندے۔ بلکہ رموز نکات دا سو جھلاوی لفظاں دے بار یک پردے توں صاف نظر دے۔

کیوں جو اظہار خیال کیتے زبان تے بیان کوں وڈی اہمیت ہوندی ہے۔ بالخصوص شاعر اوہو ای باکمال مہیا ویندے جیندے کنوں لفظاں دا وافر ذخیرہ ہوندے، خواجہ فرید جیویں وی تشبیہاں، محاوریاں تے استعاریاں اُتے قدرت رکھیندن اتے اے سارے رنگ اُنہاں دی کافی دا نشا بر وصف ہن کافی وچ انہاں دی قادر الکلامی اے ہے جو کافی وچ لفظاں دا معنی و مفہوم دے اعتبار نال ورتار ابد رجبہ اُتم موجود ہے۔

حقیقتاً کوئی وی شاعر جیڑھا اُچا تے رفیع المرتبت ہوندے اتھاں قومی تے ملکی خصوصیات دا حامل ہوندے خواجہ صاحب دی اے خاصیت ہے جو مقامی زبان تے مقامی علامتاں کوں ورتے۔